

**NATIONAL ASSEMBLY OF
SEYCHELLES**

*Wednesday 16th November,
2022*

The Assembly met at 9.01am

National Anthem

Moment of Reflection

Mr Speaker is the Chair

MR SPEAKER

Bonzour Manm Onorab e nou zofisyé Lasanble e nou piblik ki pe swiv nou. Byenveni pour nou travay ozordi. Nou pou kontinyen avek konsiderasyon Bidze. Me premye mon le adres *point of order* leve par Onorab Henrie yer.

Mon'n ganny plizyer konplent sorti kot bann Manm LDS ki Onorab Loze in adres zot dan *Chamber e off-mic* dan langaz agresif e ofansif. Mon krwar sa i en sityasyon serye, e mon bezwen donn li latansyon.

Apard Onorab Henrie yer, i dan lepase resan sa ki'n fer sa tel konplent - in annan Onorab Larue, Onorab Naidu, Onorab Porice, e osi Onorab Loizeau. Mon krwar sa bann rapor i vre i

korek, e mon pa pe met okenn dout lo la.

E mon krwar sa konportman i pa akseptab pour Lasanble, oubyen pour okenn lot lorganizasyon respektab pour sa ka. Alor mon pe demande ki i arete. Nou'n koz *raise the bar*. Annou *raise the bar*. Annou pa zis dir, annou fer li.

E sa i responsabilite tou Manm dan Lasanble. Pour lemoman mon pa pe al antre dan okenn prosedir ki pour demann *investigasyon*, *disipliner*, ki konplike ki pour pran letan Lasanble.

Mon pe demann sa Manm li menm, pour reviz son konportman e regarde ki mannyer nou pou fer li. Lasanble reste avek son dinyite. E mon pe demann *Leader* Lopoziyon pour entervenir avek son Manm *Caucus*, pour kapab fer sa arete e pour nou annan en Lasanble annord. Mersi.

HON SEBASTIEN PILLAY

(Off-Mic)

MR SPEAKER

Onorab Pillay mon pa pe pran okenn kestyon, okenn deba lo mon *ruling* i final. Napa okenn pwen pour leve. Mersi.

HON SEBASTIEN PILLAY*(Off-Mic)***MR SPEAKER**

Ou a apros mwan silvouple. Ou apros mwan silvouple, dan en lot sirkonstans.

HON SEBASTIEN PILLAY*(Off-Mic)***MR SPEAKER**

Mon *ruling* i final! Mon *ruling* i final, e se sel biznes Lasanble ki'n arive la bomaten, donk napa *matter of privilege* ki pou leve lo la. Mersi. Madanm raporter ou ava apel Minis e son delegasyon silvouple.

HON SEBASTIEN PILLAY*(Off-Mic)***MR SPEAKER**

Onorab mon pe demann ou respekte.

MINISTRY OF YOUTH, SPORTS AND FAMILY**MR SPEAKER**

Bon mersi e bonzour e byenveni Minis ek Minis Zialor. Minis pour Lazenes Spor e Lafanmir.

E dan delegasyon, Minis mon swet osi labyenveni madanm Astride Tamatave, ki Kontroler Zeneral dan Minister

Finans, e Ms Noela Vinda ki *Director Public Debt*. Mon annan osi Mr Clive Roucou ki *PS Lafanmir*, Mr Ralph Jean-Louis *PS Sport e Lazenes* e osi akote Ms Patricia Ernesta *financial controller* dan sa Minister, Ms Marie Lise Lucas *HR and Budget Management Officer* dan sa Minister.

Nou a komans avek deliberasyon lo Bidze, pour Minister Lazenes Spor e Lafanmir ki lo paz 213 ziska 226, pou en total R39milyon403mil. E avek sa mon demann Minis, pou fer son lentrodiksyon lo sa Bidze silvouple.

Eskiz mwan. nou'n pas dan Staz Komite? Mersi *Sergeant*. Minis prosede.

MINISTER MARIE-CELINE ZIALOR

Mersi Mr Chair. Bonzour Mr Chair, bonzour tou bann *Leaders* dan Lasanble. E bonzour tou bann Manm Onorab, e bonzour tou bann dimoun ki a lekout.

Mr Speaker nou ti ava komans petet kekfwa avek Bidze pour Departman Lazenes avek Spor. Apre nou ti ava bouz lo pour Departman Lafanmir. Pour sa Departman Lazenes avek *Sports*, i pli pti Bidze ki nou annan dan Minister.

E nou a pe demann ek Lasanble pou aprouv en sonm 9.864milyon, ki i pou reprezant en logmantasyon a pepre 1.956milyon konpare avek Bidze ki departman ti gannyen lannen pase.

Zis pour briyevman enform Lasanble lo sa antite, ki son responsabilite, se pour li regard en pe tou sa ki annan pou fer avek Polisi e en pe bann Lalwa osi tou ki annan pou fer avek sa de sekter, Lazenés avek *Sports*. E avek sa Mr Chair, mon ti ava kontan petet envit bann Manm pour zot bann kestyon. Mersi.

MR SPEAKER

Mersi. Wi, Minis nou pou seye reste lo premye seksyon Bidze *Youth* ek *Sports*. Me selman si kestyon i ganny melanze zot a konpran e pour kapab prosed *smoothly* nou a kontinyen. Manm ki le - *yes*. Wi klarifikasyon wi?

HON SANDY ARISSOL

Bonzour Mr Speaker. Bonzour Minis zisteman lo sa ki ou pe dir, savedir la nou pe pran Lafanmir, Lazenés avek *Sport*?

Pour mon bann Manm konnen ki kestyon nou pe demande. Minister, departman...

MR SPEAKER

Departman, Lazenés ek *Sport*. Premye si i annan.

HON SANDY ARISSOL

Si i annan wi. Apre ki nou bouz lo Lafanmir.

MR SPEAKER

Apre nou bouz lafanmir. Me selman mon pe dir, si i arive ki Lafanmir kestyon i leve ansanm. Mon pa pou anvoy-e, ale retournen, nou a kontinyen avek. Onorab Ernesta ou'n pare pour ou kestyon?

HON PAUL ERNESTA

Bonzour Mr Speaker. Zis enn pti klarifikasyon mon ti a kontan demande Mr Speaker, permet mwan.

MR SPEAKER

Wi?

HON PAUL ERNESTA

Annefe parey ou'n dir i sipoze annan serten *overlapping*. Me an menm tan parey bann Manm si nou kapab demann kestyon lo – parey letan zot in dir lo premye seksyon. Eski i pou ganny son loportinite osi pour li demann, lo lot seksyon letan kestyon i arive? Mersi Mr Speaker.

MR SPEAKER

Wi. Nou pou kapab touzour. Nou kondisyon kardinal se letan. Si letan i permet e nou bezwen retourn, lo en seksyon, napa problem pour fasilite bann Manm nou a fer li. Minis ou annan en komantr silvouple?

MINISTER MARIE-CELINE ZIALOR

Wi. Mersi Mr Chair. Si mon pe fer koumsa. Savedir si ou permet mwan, Mr Chair mon ava osi donn enn pti somer pou Departman Lafanmir. Mersi.

MR SPEAKER

Ti a bon wi. Mersi.

MINISTER MARIE-CELINE ZIALOR

Mersi bokou. Pour Departman Lafanmir son Bidze ki nou a pe demann Lasanble pour aprouve i R29milyon539mil, ki i reprezant en logmantasyon apepre 6milyon dan son Bidze.

E manda Departman Lafanmir an bref se pour regard enn pti pe, tou bann Polisi osi e bann Lalwa, e osi regard bann diferan program ek bann proze pour devlopman lafanmir. E departman i viz son latansyon plito ver *advocacy*, plito ver ledikasyon, plito ver prevansyon dan plas

entervansyon ki Sosyal ki fer. Mersi Mr Chair.

MR SPEAKER

Mersi Minis nou'n pare pou kestyon. Tenir lanmen en pti kou, mon a pran bann non. Tre byen Onorab Lemiel i kapab komanse.

HON SYLVANNE LEMIEL

Mersi Mr Chair. Bonzour Minis avek ou delegasyon. Tou mon bann koleg Manm Onorab. Tou dimoun ki pe ekout nou lo radyo e televizyon.

Premye kestyon i konsern Seksyon Lazenes, apre mon annan pour Lafanmir. Minis ou, enn dan ou bann *strategic priorities* komansman lannen prosenn ziska 2025, ou ti'n - sa departman in mete ki zot pour "*coordinate the development of essential frameworks to improve the implementation monitoring and evaluation of youth related issues.*"

Mon pe regarde eski dan Bidze 2023, i annan okenn sonm ki pe *cater* pour sa? E petet ti a bon ou donn enn pti pe leksplikasyon, ki sa *framework* ki ou pe mazin met an plas pour kapab *improve* lo kote lenplimantasyon, *monitoring* e evalyasyon, *youth related issues*?

Dezyenmman sa ki konsern lazenes, Minis mon pe antann, ki in annan serten reorganizasyon oubyen re-aranzman, *if I got it right* - mon pa konnen ou ava eksplik nou. Lo kote bann *youth workers*, eski nou ankor annan *youth workers* anba Departman Lazenes? Oubyen sa bann *youth workers* in fini transfer akoz mon konpran zot al avek *Local Government*.

So petet ti a bon petet letan mon vwar pe sakouy latet, ti a bon nou ganny enn pti pe leksplikasyon, akoz keksoz i pa kler la.

An menm tan dan mon distrik, mon konnen Minis ti annan en *Youth Café, or Youth Center*, en zafer koumsa, kot bann zenn Liniversite Sesel, bann lezot dimoun osi ti *make use of sa service*. Kot zot ti ganny sans fer enn pti *photocopy*, detrwa travay ki ti ganny fer la.

E pour en pe letan sa landrwa i fermen. Petet Minis letan nou lo Bidze pe diskite, ti a bon bann dimoun i ganny enn pti pe leklersisman, an sa ki konsern sa *Youth Bureau* dan distrik Anse Royale, ki pou devenir avek.

MR SPEAKER

Mersi. Annou tenir ou de kestyon la. Nou ava al lo Lafanmir, nou ava sey regarde si nou kapab fer marse sa prosedir. Minis ou annan sa de kestyon.

MINISTER MARIE-CELINE ZIALOR

Mersi Mr Chair. Mersi Onorab pour ou kestyon. Mon pou pas sa premye kestyon avek *PS Jean-Louis* pour li reponn lo son *framework* evalyasyon. Sa dezyenm kestyon nou ti ava pran si ou permet Mr Chair letan *SNYC* i vini. Akoz sa i kot *SNYC*. Mersi.

MR SPEAKER

Tre byen. Minis ek delegasyon silvouple annou adres bann kestyon direk e avek ekonomi letan. *PS Jean-Louis* wi, *sorry* nou'n pare.

PS RALPH JEAN-LOUIS

Mersi Mr Chair. Bonzour Mr Chair. Bonzour tou Manm Onorab. Lo kote bann *framework* - anefé i annan bann ki nou'n fini travay lo la. Nou annan bann *framework* ki nou'n etabli pour lazenes, nou annan en *Technical Committee* ki pe vwar byennet lazenes.

E sa i konpri bann diferan Departman Lazenes. I annan Lekonomi Ble, Lanplwa, Konsey

Nasyonal e pour *Sports* e osi Minister Lasante ki nou pe travay e nou pe anvizaze pour nou regard byen dan byennet lazenes.

So sa en Komite ki annefe in fini komans travay, e zot annan en program, bann aktivite ki byento nou pour devwale pour dimoun konnen. Mersi.

MR SPEAKER

Mersi eski i annan okenn lot Manm ki annan kestyon spesifik lo Lazenes ek *Sport, at this point* Onorab Ernesta wi?

HON PAUL ERNESTA

Ankor bonzour Mr Speaker. Bonzour Minis ek delegasyon e tou bann koleg Onorab e tou dimoun a lekout, bonzour.

Mr Speaker mon kestyon pour Minis lo kote lazenes, mon'n vwar li si oule lo zot bann *challenges*, zot in dir ki zot annan bann difikilte pour ganny bann dimoun pou travay dan seksyon kot Polisi.

Me an menm tan letan mon get anba *program 2*, lo zot kote *“wages and salaries”* mon vwar i annan en rediksyon. Petet mon kestyon ki Minis, ki plan Minis i annan pou kapab reganny bann dimoun pour kapab travay dan sa seksyon, pour zot fer sir zot kapab

achieve zot bann target ki zot annan pour zot *achieve*. Par lefe ki mon vwar la i annan en rediksyon lo ki mannyer zot pou *deal* ek sa sityasyon. Mersi Mr Speaker.

MR SPEAKER

Mersi. Minis?

MINISTER MARIE-CELINE ZIALOR

Mersi Mr Chair. Mersi Onorab pour ou kestyon. Briyevman Mr Chair nou annan en program entansif, lo sa ki konsern devlopman kapasite.

E nou'n vwar si nou pa kapab ganny bann dimoun, nou pou *still* kapab pran dimoun. Kantmenm pa bokou, e regarde ki mannyer nou *train* zo;- ki mannyer *provide* kapasite pour nou ganny sa nivo e bann laptitid ki nou a pe demande. Mersi Mr Speaker.

MR SPEAKER

Thank you. Nou ankor lo Lazenes ek *Sport*. Onorab Gabriel.

HON CONRAD GABRIEL

Mersi Mr Speaker. *Welcome* Minis ek ou delegasyon. Bonzour tou dimoun a lekout. Minis dan zot *current challenges*, zot annan sa

completing review of National Sport Council Act.

Zis petet ou kapab donn nou en dele letan kan zot ekspekte termin sa? E ki bann kontrent ki zot pe gannyen pour fin nabou fer sa *Act* met li an mars?

MR SPEAKER

Thank you. Minis? *PS Jean-Louis.*

PS RALPH JEAN-LOUIS

Mersi Mr Chair. Mersi Onorab pour ou kestyon. *Challenges* se pour nou finaliz sa *Act*, ki kot AG an se moman. Nou'n annan en ta konsiltasyon lo la. E mazine nou bezwen reprezant sa *Act* i bezwen reflekte 32 lasosyasyon ki annan. E osi son fonksyonman ki enportan pour ganny li byen.

I pa zis nou fer li akoz lo komansman ti annan en, ki nou tipe vwar se en mankman lo kote personnel. Nou ti pe regarde si nou pou met en *Deputy CEO*. Me nou'n vwar ki i annan plis travay pou fer lo sa *Act*.

E sanmenm in pran enn pti pe plis letan. Me mon asir ou ki boner lannen prosen Onorab. nou pou'n terminen avek sa *Act* e i pou vin dan Lasanble *most probably* dan premye kar 2023. Mersi.

MR SPEAKER

Thank you PS. Onorab Vidot?

HON AUDREY VIDOT

Mersi Mr Chair. Bonzour Minis ek ou delegasyon, tou Manm Onorab e tou Manm piblik ki a lekout.

Minister mon ti le demann ou kot *Departman Youth and Sports*, kot "*current challenges* i annan sa kolaborasyon avek sa bann *MDAs*. Mon vwar dan ou, ou'n met li koman en *challenge* e osi ou'n met koman ou premye stratezi pour 2023, ki zot pour fer serten travay pou amelyor sa.

Petet si ou ti kapab dir nou, kwa ki'n bann pli gran defi ki'n Minister pa'n permet zot, departman - pa'n permet zot annan sa bon kordinasyon avek bann *MDAs*? E kwa ki nouvo ki zot pe vin avek. Ki pour permet zot kapab anlifye sa pour 2023? Mersi.

MR SPEAKER

Mersi Onorab. *PS Jean-Louis.*

PS RALPH JEAN-LOUIS

Mersi Mr Chair. Parey nou'n mete i en *challenge*, me i enn ki ler mon'n antre dan lofis nou'n pran li dan en lot dimansyon. Akoz oparavan se tou bann, ti annan en Konsey, tou bann *PSs*

ki ti zwenn, e nou'n vwar poudir bokou fwa poudir dimoun pa *attend* sa bann *meeting*.

So alor nou'n plito fer li, lo priyorite bann ki nou'n bezwen. I vre nou annan bann *challenges* ki pour rankontre pour zwenn, pa toulta *availability of* letan. Me selman i en keksoz ki nou pe *ongoing* avek e nou mazine 2023 avek bann leksperyans ki nou'n gannnen, nou pou fer li bokou pli byen. Mersi.

MR SPEAKER

Mersi. Onorab Andre?

HON CLIFFORD ANDRE

Mersi Mr Chair. Mr Chair letan mon pe get anba *sub-program 2* i annan *Policy Planning, Monitoring and Evaluation* kot i annan en Bidze enn pti pe plis ki 2milyon – (Sorry) 1.8milyon ki'n ganny donnen. Mon ti a kontan demann Minis oubyen, PS pour kapab dir nou si zot fer bann program, oubyen bann *policy* konzwentman avek bann lezot departman pour non-selman ou pou kapab gid bann zenn, pour zot responsabiliz zot lekor pour ki bann aktivite ki par ler nou vwar.

Akoz mon pe demann sa kekfwa i *cross-cutting* Mr Chair. Konmsi kot bann zenn, i pa pe al get bann *show*, ki an prensip

i sipoze par lao 18an me selman napa en *age limit* ki ganny met avek.

Konmsi dan Departman Lazenes eski nou pe get sa. Akoz nou zenn i nou fitir, nou fitir i nou zenn, koumsa i ganny kategorize.

Me selman si nou annan en komansman ki mal, nou fitir pou mal. Mersi.

MR SPEAKER

PS Jean Louis.

PS RALPH JEAN-LOUIS

Mersi Mr Chair. Mersi Onorab pour ou kestyon. Mon krwar i egzaktman sa *issue* ki nou bezwen en kolaborasyon i enportan, ler nou pe revwar Polisi Lazenes avek bann diferan MDAs e osi ek *civil society* ki nou anmenn zot onboard pour nou ganny en pli bon rezilta, e pour nou kapab annan en lenpak lo lazenes. En lenpak pozitiv, ki nou anvi vwar. Mersi.

MR SPEAKER

Mersi Onorab Aglae.

HON EGBERT AGLAE

Mersi Mr Chair. Bonzour Minis ek le de PS reprezentan Finans Minis anvi ki program de pe fer revizyon avek Polisi. Mon ti a kontan demann ou avek sa

larzan, eski zot anliny pour anvi ki i annan sa *review of Youth Policy*, ki sipoze 2018-2023.

Eski zot anrout anliny pou arive fer sa revizyon? Dezyenmman Minis kot i konsern *Scheme of Service*, mon ti a kontan demann ou, an vi ki i annan serten travayer lazenes ki'n ganny abzorb dan ou departman.

Eski zot *scheme* ki zot pe ganny *held against* la, i enn ki'n ganny revwar, ouswa zot in vin ek sa ki zot ti sorti *Youth Department* laba pou vin dan ou departman? Mersi.

MR SPEAKER

PS Jean Louis menm ki pran wi.

PS RALPH JEAN-LOUIS

Mersi Mr Chair. Mersi Onorab pour ou kestyon annefe revi Polisi Lazenés in konplete, son *Mid-term Review* ki premye fwa i ganny fer. E nou'n vwar bann defi ki annan. E i pou demann ankor. Nou ekspekte ki i annan. Nou demann lapel a bann zenn pour zot pli partisip dan sa bann diskisyon ki annan.

Akoz sa Polisi i pou reflekte zot lopinyon, zot lavwa, alor nou demann enn pti pe plis lo zot kote. Lo kote *youth workers*, ki kot departman anba *Duke of Edinburgh Award*,

nou'n organiz, nou'n - parey Minis in koz lo la, devlop kapasite pour nou sanz zot, zot *post from being youth worker*, pou vin bann *assistant program officers*.

E nou pe fer sa an ed zot osi amelyor zot kapasite avek bann *training* ki pe ganny fer kot *TGMI*. Mersi Mr Speaker.

MR SPEAKER

Mersi PS. Onorab Uranie.

HON ROCKY URANIE

Mersi Mr Speaker. Bonzour Minis avek ou delegasyon, tou koleg Onorab e byensir bann Digwa a lekout. Mon pe gete anba zis priyorite stratezik, zot pe mazin devlop bann potansyel ekonomik dan spor.

Eski zot kapab donn nou en leksplikasyon ki bann potansyel ekonomik ki zot pe mazin devlope dan spor, an relasyon avek bann *MDAs and* bann lorganizasyon?

MR SPEAKER

Mersi. Minis pour adrese.

MINISTER MARIE-CELINE ZIALOR

Mersi Mr Chair. Mersi Onorab pour ou kestyon. Prensipalman akoz nou annan en stratezi ki annan pou fer avek spor tourizm e sa i enn e avek *FINA*

nou'n nobou kapab de ekonomis, pour nou komans regard en n pti git fer enn pti pe *experiment*. Regard son retonbe ekonomi ki bann posibilite. E departman li i responsab pour li met sa *framework* ki i pou fer an 2023 avek sa Bidze. Pour gid enn pti git sa travay Polisi. Selman son lenplimantasyon loperasyon i avek NSC. Mersi Mr Chair.

MR SPEAKER

Mersi. Onorab Loizeau ou osi ti annan en kestyon lo spor.

HON NORBERT LOIZEAU

Mersi Mr Speaker bonzour Minis ek ou delegasyon. Mr Speaker vi Onorab Uranie in pas enn pti pe o bor kestyon ki mon ti anvi demande.

Me selman mon, petet mon ava la enn pti pe pli lwen pour demande, vi ki dan priyorite stratezik 2023-2025, vi ki dan Bidze mon krwar i annan en alokasyon ki mon krwar in donner pour *High Level Sports* pour bann konpetisyon ki pe vini la Zwe Lafrik or Zwe De Zil.

Me selman dan priyorite stratezik la, mon pa pe trouv nanryen pou *High Level Sports* ki zot in koz lo la. Mon pa konnen si mon pa pe konpran, sa ki zot in mete ladan, dan

priyorite stratezik. Mon ti a kontan ganny en pe leksplikasyon lo la.

Apré zot in di ki bann *youth workers* in ganny sanze pou vin *program officers*, mon ti a kontan ek leksplikasyon, me ki zot fer sa bann *program officers*? Mwan Bel Air mon pa vwar nanryen. Nou'n sey form en group lazenes lotrozour.

Ti annan en madanm in vini in sey donn en koud men, mon sey donn en koudmen pou rod 5 zenn entelizan. Group in kennsel koumsanmenm. *SNYC* pa ni antre ladan pour gete, selman nou annan sa bann *program officers*.

Mon anvi demande ki zot fer, sa bann *program officers*. Zis en tit ki zot gannyen? Sa mon kestyon mon avi demande. Mersi.

MR SPEAKER

Mersi Onorab Minis.

MINISTER MARIE-CELINE ZIALOR

Mersi Mr Speaker. Mersi Onorab pour ou de kestyon. Mon ti ava tou lede kestyon Mr Speaker, sa enn *High Level Sports* i dan Bidze NSC i an Bidze NSC la, nou pe fer pour departman. Sa dezyenm kestyon osi tou, sa bann zafer

youth worker e mon konnen i annan en ta konfizyon.

Mon ti ava swete pran sa bann konfizyon pou nou eksplik li byen ler nou pran Bidze SNYC, si ou permet Mr Chair. Mersi.

MR SPEAKER

Thank you. Bon mon a kontinyen avek mon bann lezot Manm ki'n lev lanmen. Mon sipoze nou pe bouz lo Lafanmir. Me selman la Minis se la ki nou pou bezwen en pe fleksib. Ou ankor lo Lazenés Onorab Gill wi?

HON CHURCHILL GILL

Mersi Mr Chair. Bonzour Minis ek ou delegasyon, tou Manm. Anba program 1 - *Department of Youth and Sport, 'other use of goods and services'*. I annan *subscription* pour 489mil, me selman 2022 ti zis 5000.

Eski nou kapab ganny en leksplikasyon sa gran ogmantasyon? Apre ki kalite *subscription* ki nou pe koz lo la. Mersi.

MR SPEAKER

Thank you. PS Jean Louis.?

MINISTER MARIE-CELINE ZIALOR

Mr Chair pandan ki PS pe rod son lenformasyon. Sa i en

typing error. I sipoze 40mil dan plas 400mil. Selman kekfw PS i ava eksplike ki *subscription* ki i pe fer. (Ouswa - ou annan lenformasyon? Ok.)

MR SPEAKER

Wi, *yes madam?*

COMPTROLLER GENERAL ASTRIDE TAMATAVE

Mr Chair. Bonzour Mr Chair, bonzour tou Manm Onorab;- *subscription to organization* pour tou Minister avan i ti santralize. Ti anba en vot santralize kot Minister Finans ki ti ganny zere par bann Minister ki *Foreign Affairs* ti anvoy zot *request* kot Minister Finans pou fer zot peyman.

So from 2023 ou pou vwar anba tou Minister i annan sa alokasyon *subscription*, bann ki ti annan *subscription*. E sa larzan in ganny bouze. *So this is* sa aköz ou vwar sa gro logmantasyon.

Mersi.

MR SPEAKER

Thank you. PS Jean-Louis ou annan okenn lenformasyon la?

PS RALPH JEAN-LOUIS

Wi Mr Chair. Annefe i 30mil pour *Zoom subscription*, e 18mil pour *levy Award* pour *Duke of Edinburgh* sa sif. Mersi.

MR SPEAKER

Tre byen. Mersi. Bon nou a kontinyen avek kestyon. Onorab Lemiel ou kestyon ki ou ti pou swiv avek?

HON SYLVANNE LEMIEL

Mersi Mr Speaker. Minis kot i konsern *elderly*, mon konnen i annan sa fame *Domestic Violence Act* ki mon konnen i ankor enn zot bann *current challenges*. Eski petet dan lannen ki pe vini 2023, zot in kapab petet annan resours *or* pour gannnen resours, pour nou kapab fer met li an aplikasyon.

E petet ti a bon enn pti leksplikasyon pour bann dimoun an deor pour konnen, akoz ziska la ozordi zot pa ankor kapab met sa *Domestic Violence Act* an aplikasyon. Mersi.

MR SPEAKER

Thank you, PS Roucou ki pou reponn. Wi *PS*.

PS CLIVE ROUCOU

Mersi Mr Chair. Bonzour tou Manm Onorab. Mersi Onorab pour ou kestyon. Wi Onorab sa *Domestic Violence Act* i la, son *commencement date* nou pa ankor komanse. Akoz dan Act i

stipile ki nou bezwen annan sa *half way home*.

Be dan lenstans, dan *half-way home* nou'n fini ganny avek en *private partners*, pour nou ganny en lakaz pou nou komans sa.

Travay pe ganny fer *as soon as possible, maybe* dan *early next year* nou pou komanse. *Thank you*.

MR SPEAKER

Thank you, Onorab Woodcock.

HON WAVEL WOODCOCK

Mersi Mr Speaker. Bonzour. Bonzour Minis tou Manm a lekout. Minis mon kestyon i baze lo bann proze kapital anba *PSIP. -Department of Family* i annan 2 proze anba *PSIP*. I annan sa *extension of two Elderly Home* Anse Royale, 2.8milyon. Apre i annan renovasyon, travay renovasyon lo bann *Elderly Homes* ki en sonm R8.16milyon.

Mon kestyon se, si ou kapab donn nou en pe detay lekel sa bann *Elderly Homes* ki travay renovasyon pe al fer lo la.

E mon pou bezwen osi demann ou pour regard dan sa proze Marie Jeanne ki sipoze pour tou lede, bann *Elderly* e Otreman Kapab ki'n i annan plizyer lannen i pe al lo 10an ki sa proze in ganny promet. Me

malerezman pa ankor materyalize ziska prezan.

E finalman kot i konsern Polisi, pour bann dimoun ki Otreman Kapab. Enn bann *challenges* ozordi se plasman sa bann dimoun dan travay. Sirtou lo Zil Pros. *In fact* mon annan en kantite bann zenn ki otreman kapab, ki malerezman zot pe ganny difikilte pou ganny louvraz.

Eski i annan en Polisi? Ki stratezi ki zot plan pour zot ede pou plas sa bann zenn dan lanplwa? Mersi bokou.

MR SPEAKER

Thank you Onorab. Minis ou adrese?

MINISTER MARIE-CELINE ZIALOR

Mersi Mr Chair mon pou adres zis son dezyenm, son premye PS Roucou i ava donn ou detay. Mersi Onorab, pour kestyon. Nou'n fini fer plan pour Departman Lafanmir pour 2023, pour sa Bidze.

Sa ki ou a pe koz lo la, sa bann Polisi sa bann lezot mankman, bann lezot *framework* ki manke pa zis pour lanplwa, pour lezot osi tou akoz nou bezwen revin vin koman en regilater. I dan plan dan sa Bidze pour nou

egzakteman Onorab pou al fer sa.

E mon ti ava kontan pas laparol avek PS Roucou pou reponn premye kestyon. Mersi.

MR SPEAKER

Mersi PS.

PS CLIVE ROUCOU

Mersi Onorab pour ou kestyon. Onorab an term renovasyon lo bann *Elderly Homes*. Parey nou ti la de semenn pase dan Lasanble, kot nou'n fer sa evalyasyon lo tou nou bann *Elderly Homes*, pour nou fer sa bann renovasyon.

Me selman nou'n pran kont pour *Elderly Home* Au Cap, ki annan en pe plis problem, an vi ki delo pe sorti dan son fondasyon e dan son bann miray.

So plan pour lefitir se Au Cap avan. Me selman prenon kont ki tou bann lezot renovasyon *emergency* ki nou bezwen fer, nou pou kontinyen, nou pou fer.

An term sa ki ou pe koz lo, sa lakaz pour Cote D'Or, Marie-Jeanne Estate (*sorry*) li osi tou i dan bann diskisyon. *In fact* in annan en sanzman dan plot later. So diskisyon i an mars e li osi tou i pou vin an mars.

Epi ou kapab reponn, ti annan enn trwazyenm kestyon

non. Mon krwar se tou Onorab non? *Thank you.*

MR SPEAKER

Byen. Mersi. Mersi *PS.* Onorab Labonte.

HON ANDY LABONTE

Mersi Mr Chair. Bonzour Minis avek *panel.* Mr Chair mon kestyon ti plizoumwèn lo *Youth and Sport*, mon pa konnen si nou'n fini lo la?

MR SPEAKER

Demande.

HON ANDY LABONTE

Premyerman mon ti a kontan felisit PS Jean-Louis avek Mr Kilindo, ki zot pe fer en travay vreman ekstraordiner lo kote distrik. Sirtou La Rivière Anglaise, ki mon santi nou pe ganny *full sipor.* So mon pou dir zot kontinyen sa bon travay enkli Minis ki pe donn zot sa bon lankadreman.

So, mon kestyon i al plizoumwèn lo zot stratejik priyorite 2023-2025. Son premye ki koz lo *“development and straighten collaboration and partnership with amongst MDAs, civil society, organization and the private sector to support the development and capacity of young people for self enhancement.”*

So, ki mon ti a kontan demande Minis. Petet bon, *CEO Jean-Louis* pa la . Petet mon ti a prefere li i ti a kapab reponn sa kestyon, *PS Jean-Louis*, akoz i annan plizyer. Non, non *PS Jean-Louis* i la, *CEO Larue* ki pa la.

So, petet i ti a dan en pli bon pozisyon pou li reponn sa kestyon.

MR SPEAKER

Me i pou la taler Onorab, si ou le rezerv ou kestyon.

HON ANDY LABONTE

Wi, me selman vi ki i tonm anba *Youth and Sport* mon ti a kontan demann la, petet Minis i kapab donn nou en pti leksplikasyon.

Eski, ki zot pe fer vreman pou siport bann private, public partnership ki pare pou donn tou zot sipor pou ede.? Akoz dan mon kominote i annan bokou sa bann dimoun ki pare pou ede. Me selman nou santi poudir i annan en baryer, oubyen i mank en zefor pou kontinyen pous sa sekter, akoz i annan bokou dimoun ki pare pou ede. Mersi.

MR SPEAKER

Mersi. Minis ou kapab donn en repons la.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon, konsern. Tou sa ki konsern lo nivo nasyonal i al kot departman li, i pou ale kot *PS Jean-Louis*. Si i annan okenn dimoun ki annan okenn *public private partnership* lo nenport - sirtou lo bann group en pe gro proze, i pou ale tou fason kot pou partenarya, pou kolaborasyon se kot departman, ki pou ofer sa bann lesanz, sa bann kominikasyon ki pou al fer.

Parey mon pe dir, apre *NSC* li si annan okenn keksoz pou enplimante kot departman i anvoy kot *NSC*. Si i annan okenn keksoz pou fer avek partenarya en pti pe nivo lo kote klib, sport, sa taler nou ava koz lo la avek *NSC*. Mersi.

Me selman mon ava garanti Lasanble i annan. I annan pa mal osi ki pas kot mon lofis Onorab. Mon vreman apresye lakantite partenarya ki nou ape gannyen lo kote *Sports* avek Lafanmir, lazans, tou *portfolio* nou dir nou bann dimoun, nou toultan koz lo bann keksoz ki dimoun pa fer, sa i en keksoz ki dimoun pe fer, so nou apresye e nou dir mersi bokou. Mersi Mr Chair.

MR SPEAKER

Thank you. Onorab Cosgrow?

HON WALLACE COSGROW

Mersi Mr Chair. Bonzour Mr Chair. Bonzour Minis. Bonzour tou dimoun, tou Manm Onorab e tou dimoun ki pe ekoute.

Mr Chair, mon kestyon i al direk anba *Ministers Secretariat* e i al pou Minis ouswa zofisyè Minister Finans ki la, pou donn nou serten leksplikasyon.

Diran lannen nou'n tande poudir ki bann Minis in ganny en seri *allowances* ki'n ganny donneren avek zot. Sa i *allowance* lakaz, *allowance* sekirite, *allowance clothing*, sa ki nou apel palto;- *allowance* medikal, *entertainment*, ki anba Bidze i apel *hospitality*.

Now, mon oule ki Minis ouswa zofisyè Minister Finans, i dir nou - i konfirm detruwa keksoz avek mwan en? Nou annan en laliny dan Bidze la ki apel '*wages and salaries in kind*'. Mon vwar '*housing*' R300mil, *telephone and internet allowance* R48mil. Konfirmen si sa '*wages and salaries in kind*' i sanmenm sa ki al direkteman koman en *allowance* pou Minis?

Apre mon pa pe vwar kote sa bann *allowance clothing*, medikal i antre. Si zot kapab montre nou anba Bidze. Mon mwan en sonm R245mil *other*

allowances, eski sa i ladan? Si zot kapab dir nou kote i ete.

Aprè Mr Speaker, eski zot osi kapab dir nou, i annan en alokasyon *fuel* R83mil, eski sa i direkteman pou Minis? Akoz yer nou ti tande par Minis Finans ki *Leader* Lopozisyon i ganny 90ekek mil *fuel*. So, dir nou si sa *fuel* dan Bidze i al direk pou Minis ouswa si i pou lofis Minis.

Dernyen Mr Speaker, i annan. Si zot kapab klarifye si i annan en *maintenance contract* pou *security services*, an se ki konsern *camera* kot lakaz bann Minis. Mon *understanding*, se ki i annan en *maintenance* kontra R2000 par mwan, bann *camera* ki'n ganny enstale e ganny servis, R2000 par mwan. Si i annan, kote i ete e konfirman si i sanmenm sa pri ki mon pe dir. Mersi Mr Speaker.

MR SPEAKER

Mersi. Ou a konpran ki Mini i kapab reponn pou son Minister e pa bann kestyon lo lezot Minis. Me selman si le moman i apropiye, Ms Tamatave i a kapab adrese. Minis mon les ou.

MINISTER MARIE-CELINE ZIALOR

Wi-wi. Mersi Mr Chair. Wi mon ti ava kontan fer kler ki sa Bidze Mr Speaker - selman mon krwar atraver ou Mr Chair, Onorab Cosgrow i konn byen, in deza en Minis li. Sa i zis en bann manev pou montre poudir -

(Off-Mic)

MINISTER MARIE-CELINE ZIALOR

Mon a pe reponn mon kestyon Mr Chair.

MR SPEAKER

Yes please.

MINISTER MARIE-CELINE ZIALOR

I parfwa i sa bann fason pou detourn en ptigit laverite e detourn en ptigit, -detourn en bon pe lo persepsyon nou bann piblik deor, pou nou fer bann Minis vin ou a krwar konmsi en nespes lennmi nimerò 1 dan pei.

Sa i Bidze Ministeryel sa, i pa Bidze Minis sa. Taler kekfwa Ms Tamatave i ava dir kote. Akoz mon vwar i drol - mon pa konnen si dan son bann letan petet kekfwa ti ganny fer diferaman. Me selman sa i Bidze Ministeryel e tou *fuel*, tousala i pou en sekretarya. Sekretarya Minis.

E mwan depi ler mon pe travay la, mon pa konnen-zanmen -. Lo mon *salary slip* i met zis en saler. Napa ni *allowance* lo la. E sa i sorti kot *State House*, ki Ms Tamatave i ava eksplike.

Mon krwar par ler, annandler ou konnen nou - Mon krwar mon'n ekoute Mr Chair, taler ou'n koz en pti git lo sa bann latitud, konportman. I pa zis konsernan osi sa bann labi verbal. I osi sa bann detournman persepsyon ki anmenn ver sa bann labi verbal osi tou par ler. E avek bann lanmertim.

(APPLAUSE)

MINISTER MARIE-CELINE ZIALOR

E mon krwar in ler petet Mr Chair - Akoz nou kot Departman Lafanmir i form parti nou manda sa nou, akoz nou koz lo ledikasyon, lo *advocacy*. In ler pou nou annan en pe plis pozitiv dan pei. Akoz nou pou rekolte sa bann lagrenn nou ape semen, e nou pe komans rekolte.

E apre i vin de-foul kot nou, kot Lazenés, kot Lafanmir. Sa bann kalite konportman mon krwar poudir sa i Sekretarya ki enkli detrwa lezot travayer ki travay la e pou

depans Sekretarya. Tou depan person, ki zis en saler Minis i sorti kot *State House*.

Mersi Mr Chair, mon krwar Ms Tamatave i ava konfirman.

MR SPEAKER

Mersi. Wi mon a demann Ms Tamatave pou adrese, akoz mon ti a prefer ki sa i vin en kestyon ki i pa pou bezwen ganny repet ankor. Alors Minis, si Ms Tamatave i a donn en leksplikasyon, mon demann bann Manm pou aksepte e nou pa bezwen re lev sa size konstaman avek tou Minister.

Ms Tamatave - *yes*.

COMPTROLLER GENERAL ASTRIDE TAMATAVE

Mersi Mr Chair. Mr Chair, lo kote.

(Interruption)

MR SPEAKER

Eskiz mwan, eskiz mwan. *Order please*. Ms Tamatave.

HON AUDREY VIDOT

(Off-Mic)

Point of order Mr Speaker.

MR SPEAKER

Atann, les Ms Tamatave vini reponn avan.

**COMPTROLLER GENERAL
ASTRIDE TAMATAVE**

Mersi Mr Chair. Mr Chair *in regards to clothing* avek *medical allowances* pou bann Minis, sa i ganny peye anba vot anba *President's Office*. I pa ganny *allocated* anba Bidze sa *Minister's Secretariat*.

In terms pou *wages in kind*, ou pou vwar anba Bidze tou Minis, anba zot *Minister's Secretariat* i annan sa alokasyon R300 mil ki sa i ganny servi pou diferan fonksyon, parey letan *the terms* ti ganny eksplike devan Lasanble. Kot zot kapab rod sekirite, zot kapab petet anver en akomodasyon par egzanp. *Fuel* i pou biro Minis. Sa larzan pa ganny *donnen to any* Minister direk. I al anver *fuel* pou transpor ki *President's Office* i *provide* avek bann Minis e i pa en larzan ki sa bann Minis i ganny *allocated to*.

In terms pou *maintenance contract*, R2000 sa, pour lemoman mon pa okouran. Me selman nou kapab al fer sa resers. Me selman kot Minis Zialor, ki son Bidze nou pe koze ozordi i napa sa anba la. Nou ava regard sa bann lezot Minis letan i ariv zot letan. Mersi.

MR SPEAKER

Mersi Ms Tamatave. Onorab Cosgrow mon pou demann ou, nou pa pou kontinyen avek sa zafer larzan palto, larzan soz. Eski ou annan en klarifikasyon lo en pwen lo Bidze Minister? Onorab Cosgrow.

HON WALLACE COSGROW

Mersi Mr Speaker. Mr Speaker, Minis i dir i ganny en saler e sa pa al kot li. So, eski sa laliny *'wages and salaries in kind'*, sa R300mil ek sa *telephone allowance* i al pou tou *staff* son Sekretarya ouswa i al a son benefis? Eksplik mwan sa silvouple?

Aprè mon oule fer zot konpran ki ler mwan mon ti Minis, mon ti ganny R53mil 600 ekek koman en komansman Minis.

(Interruption)

HON WALLACE COSGROW

Akoz Minis in dir ki mwan osi mon ti ganny parey. *Ok?* mersi bokou!

MR SPEAKER

Ok, bon. Mon konpran sa keston in fini ganny reponn.

(Interruption)

HON WALLACE COSGROW

Be mon bezwen en larepons lo mon kestyon.

MR SPEAKER

Mon a ganny lord dan Lasanble silvouple.

Ms Tamatave, ou a konfirman lo sa pwen ki Onorab Cosgrow in leve.

**COMPTROLLER GENERAL
ASTRIDE TAMATAVE**

Mr Chair, sa *housing expenses* i pa pou okenn *staff* dan *Minister's Secretariat* sa. I *allocate* spesifikman pou sa bann Minis. Me par kont pa tou ki servi sa larzan, i en provizyon parey depi avan ti ganny fer pou sa bann sikonstans si an ka zot bezwen servi sa R300 mil.

(Interruption)

MR SPEAKER

Order! Mersi. Ou *point of order* Onorab Vidot.

HON AUDREY VIDOT

Mr Chair, anba *Order 49(1)*, bomaten ou ti donn en *ruling* lo Onorab Loze konsernan i annan serten Manm dan LDS in konplent li. Mon krwar Onorab Arissol, Sandy Arissol i asiz la devan, pres o bor ou, in fer en komanter *off-mic*. Onorab Arissol i konn tre byen mon kondisyon lasante medikal li.

Sa komanter ki in fer i pa apropiye, e mon ti ava swete ki i pa fer li ankor silvouple! Mersi.

MR SPEAKER

Bon,

HON FLORY LARUE

(Off-Mic)

MR SPEAKER

Onorab Larue ou a reste trankil silvouple!

HON FLORY LARUE

(Off-Mic)

MR SPEAKER

Reste trankil!

Bon nou kontinyen avek prosen kestyon. Onorab William.

(Interruption)

MR SPEAKER

Bann Onorab silvouple aret adres komanter ot kote latob. E mon pe koz pou tou Onorab. Silvouple, si zot a swiv sa lareg i ava evite ki nou ganny sa bann sityasyon ki en lot Manm i bezwen reponn. Onorab William.

HON WAVEN WILLIAM

Mersi Mr Chairman. Bonzour Minis avek ou lekip. Mon ti anvi demann Minis, par lefe ki mon vwar anba bann *challenges* pou bann *elderlies* avek *disabled*, zot dir ki i annan “*lack of action of many MDAs under the recommendation of the report on the Convention of Rights of Disability.*”

Mon anvi konnen ki egzakteman zot pe fer pou fer sir ki bann *MDAs* dan sa lespri enklizivite, benefis devlopman nasyonal, ki sa bann *MDAs* zot vremen vin a la oter pou fasilite rekomandasyon ki sa rapor pe demande.

Akoz plizyer fwa dan Lasanble nou’n tann koz lo sa Konvansyon. Espesyalman Onorab Zialor mon krwar ki’n met bokou lanfaz lo la. Mon anvi konnen alors, par lefe ki sa zot rekonnet i en *challenge*, ki zit pe fer e kwa ki pe anpes bann *MDAs* bouze lo la.? Mersi.

PS CLIVE ROUCOU

Mersi Onorab pou ou kestyon. *In fact* Onorab, sa ki ou pe dir i larealite. Me nou’n fer en pa vremen pozitiv kot nou’n komans zwenn bann *stakeholders*. *In fact* sa ki ou pe met devan i sanmenm sa ki nou’n diskite a plizyer *meeting* la. E nou dan bon lepa an avan e *by next year the* Polisi pou

Disabled i pou al *Cabinet* e mon vwar sa lavenir briyan pou nou bann *disabled*. Sa nou garanti *from* departman.

MR SPEAKER

Thank you. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon. Mr Chairman, mon ti ava anvi demann avek Minis si dan lavenir petet zot pe mazinen, letan nou pe koz *elderly*, pou annan sa *elderly day care* parey ti’n deza en propozisyon kot en fanmir ki annan problem pou ganny *carer* pou son *elderly*, i kapab met son dimoun aze la lazournen *to be taken care of* e apre aswar i pran. Si zot pe mazin fer sa? Parske ti deza annan en koze lo sa.

E dezyenmman, mon vwar poudir enn bann konponan ki zot in mete la, “*secure funding for renovation of vocational training centre.*” Mon ti ava anvi konnen ki zistans zot in arive avek sa renovasyon pou *vocational training centre* ki kot *Rehabilitation North East Point*? Konbyen in koute pou sa renovasyon e kan ki nou espekte i fini pou ki bann zanfan ki ti pe deservi sa fasilite, ki’n ganny anvoy dan lakour an se moman, zot kapab

ganny sa loportinite pou retournen pou zot terapi lazournen.

Parski an se moman avek sa klotire *Vocational Centre* i pa pe met en presyon zis lo sa bann dimoun ki ti servi la dan lazournen. Me osi ki nou'n vwar letan nou ti al vizit *School for the Exceptional Child* laba, ki arive, letan sa bann zanfan i ganny 16an, zot napa landrwa pou zot ale parske *Vocational Training Centre* i fermen. Laba zot annan zot en *exit criteria* ki apre 16an zot bezwen anvoy sa zanfan laba. Me prezan an vi ki la i fermen i koz en *constrain* osi lo *School for The Exceptional* ki napa en program pou ankadre sa bann zanfan apre 16an? Mersi.

MR SPEAKER

Mersi Onorab. PS Roucou?

PS CLIVE ROUCOU

Mersi Onorab pou ou kestyon. Mon ava komans avek premye lo *elderly day care*. Onorab sa i en keksoz ki nou pe met en kantite lanfaz lo la. Nou annan en kantite bann *private* ki'n fini komans bouz devan pou sa *day care* pou ofer sa servis. *And* lo kote *VTC*. Nou'n fini ariv lo *procurement process*, me ki'n arive from 2 semenn pase, nou bann kontrakter ki ti'n *bid* pou

sa zot pa ti'n met kriter. Me *procurement process* pe re komanse la pou nou komans sa travay. E alokasyon in fini ganny fer, larzan i la, i zis pou nou komans renovasyon lo la.

Nou ti'n fini target ki *by next year*, 6 mwan zot ti'n donn nou. So, nou ti'n targete ki *by Zilyet* nou ti pou'n fini e ki Septanm nou ti pou pran premye *cohort*. Me la avek sa *delay* dan *procurement process* an relasyon avek bann kontrakter, kekfwa sa i a bouz en ptigit pli devan.

Me selman *it's ongoing*. Son kou, nou ti'n bidze 3.5milyon pou fer sa renovasyon lo *VTC*. *Thank you* Onorab.

MR SPEAKER

Eski ou pou adres son lot kestyon, in fini. *Ok*. Mersi. Onorab Mondon.

HON TERENCE MONDON

Mersi Mr Chairman. Bonzour Minis avek ou lekip. Mon premye kestyon i relye avek zot bann defi, *Research and Policy Planning*, mon vwar ki zot in fer resorti ki i annan mankman *data* oubyen bann lenformasyon spesifik, ki pou permet devlopman Polisi baze lo levidans e sirtou relye avek bann lenformasyon ki deza zot

bann lezot, parey *National Bureau of Statistics* pe anmase petet pa pe adres zot bezwen.

E an menm tan zot in dir ki zot napa en statistisyen e lespas i limite pou akomod tou zot travayer. Mon anvi konnen, mon pa pe vwar sa mankman pe ganny reflekte dan zot priyorite stratezi pou 2023-2025. Ki provizyon zot in fer dan Bidze pou adres sa sityasyon.

Mon dezyenm kestyon Mr Chairman, i relye avek *Home for Elderly* kot nou pe demann plis partisipasyon prive. Mon anvi konnen ki form sipor zot annan pou fasilite sa demars, pou annan plis partisipasyon prive e ki mannyer i ganny reflekte dan sa Bidze? Mersi Mr Chair.

MR SPEAKER

Mersi Minis. PS ki pou adrese, wi?

PS CLIVE ROUCOU

Mersi Onorab pou ou kestyon. An relasyon avek Unit *Policy Planning*, nou'n deza pe travay avek en konsiltan prive fer en nouvo *database* pou nou kapab anmas lenformasyon nesaser. E prosedir i an plas pou nou ganny en statistisyen, pou kontribye dan anmas *data* e dan formasyon nou *bann Polisi*.

Sa i dan limedya la, pou nou ganny en statistisyen.

E dan *database* li menm li in fini devlope par en dimoun prive e nou pe *share* sa *in between* nou bann divizyon aktyel pou nou ganny sa lenformasyon konkret e met tou nou bann lenformasyon azour.

An relasyon avek pou *Elderly*. Toulezour parey Minis in dir taler, nou ganny en kantite bann dimoun prive ki vin kot nou, ki ofer zot servis e nou'n vwar dan lepase kot nou'n ganny en kantite dimoun prive ki'n adopte nou bann *Home*. E i annan ankor ki pe vini kekfwad dan *1 week or 2 weeks' time*.

Kot nou ganny bann dimoun prive ki vini e zot kontribisyon i imans. E zis weekend pase nou ti annan en dimoun prive ki'n adopte nou lakaz kot Anse Boileau. Kot bann aktivite ki zot fer toulezour e nou remersye zot pou sa.

Me travay avek dimoun prive, avek Departman ek Minister i vremen imans e nou ganny en kantite kontribisyon. En kantite valer avek sa. Mersi Mr Speaker.

MR SPEAKER

Mersi. Onorab Pillay, kestyon.

HON SEBASTIEN PILLAY

Mersi Mr Speaker. mon premye kestyon i *relate* avek *renovation works* lo bann *Elderly Homes*. Mon ti a kontan ganny en klarifikasyon, eski baze lo sa lefe ki i annan sa 2.6milyon ki ganny mete pou bann renovasyon lo bann *Elderly Home*. Eski sa pou vedir ki sa propozisyon ki Gouvernman ti'n pran pou demann bann rezidan ki dan bann *Elderly Home*. Bann dimoun aze ki dan bann Lakaz Dimoun Aze pou fer en kontribisyon, eski sa desizyon pe ganny mentenir?

Prezan an relasyon ek sa 2.660. Sa 2.6milyon, eski ou Minis i kapab donn nou en nide lekel bann *Homes* ki pou ganny touse avek sa bann renovasyon?

Mon dezyenm kestyon Mr Speaker, i annan en konponan ase sibstansyel pou *rent*. Eski Minis oubyen Minister Finans i kapab eksplik nou, nou pe depans en pe plis ki R2milyon pou *rent*. Ki prozeksyon oubyen plan departman pou *rehouse* departman dan en sans, ki zot a kapab fer desann en pe zot depans lo *rent*? E sa larzan lo *rent* petet i ava al lo lezot program *within* departman ki zot a kapab servi pou siport lezot aktivite.

Prezan Mr Speaker, i annan en keksoz ki mon pe sey ganny en konpran la, mon vwar ki poudir anba *long service allowances*, anba *Minister's Secretariat* mon vwar en logmantasyon R12mil. Dan li menm i pa sibstansyel R12mil. Me selman sa ki mon ti oule klarifye, se eski in annan okenn dimoun ki'n ganny son *long service allowance* la a sa moman kan i annan en moratwar lo donn *long service allowance*? Sa i mon premye kestyon.

E mon dernyen kestyon lo sa seri Mr Chairman, ou konnen Mr Chairman, mon'n tann ou taler dir avek Onorab Cosgrow pa koz lo sa bann *allowance* palto.

Ou konnen, problemm ki'n arive, se ki si Minis yer dan Lasanble pa ti'n koz lalang nou pa ti pou gannyen sa bann problemm.

MR SPEAKER

Onorab. Pa al ladan silvouple.

HON SEBASTIEN PILLAY

Pa bezwen ankoler ...

MR SPEAKER

Onorab. Pa al ladan silvouple. Nou'n pas ase letan lo la, i annan Bidze Lasanble ki pou monte. Si ou annan kestyon

pou demande, klarifikasyon lo ki mannyer ou ganny *allowance* ou annan posibilite pou demande.

(*Interruption*)

MR SPEAKER

Silvouple, nou lo sa Minister.

HON SEBASTIEN PILLAY

Minis eski ou kapab adres bann kestyon ki mon'n demann ou pou ou Minister. Mersi.

MR SPEAKER

Mersi. Minis.

MINISTER MARIE- CELINE ZIALOR

Mersi Mr Chair. Mersi Onorab pou ou bann kestyon. Zis pou fer sorti kekfwa Mr Chair, i annan en kestyon lo kote bann renovasyon *Elderly Home* ki in deza demann sa kestyon avan, ki PS Roucou in - pandan ki petet Onorab pa ti dan lasal, ki PS Roucou in fini adrese. Selman mon a pas laparol avek li, kekfwa i ava donn en pti revi ankor en fwa.

Lo sa ki konsern *long service allowance* ki i pe dir, Ms Tamatave i ava eksplike, i en *reallocation* sa. E lo kote lakantite larzan ki nou pe depanse pou *rent*, definitivman i pa zis pou Departman

Lafanmir. I pou - mon mazine dan Gouvernman an antye lakantite sa. Se pour ki rezon ki i annan plan pou annan *Government House* ki tou bann larestan departman ki napa landrwa, ki nou pa pe depanse lo *rent*, nou ava kapab pou le fitir.

Me si nou kapab ganny en landrwa ki pou kout nou pli bonmarse, nou garanti poudir nou ti ava byen sete ki kekfwa Onorab ti ava fer nou konnen e nou ti ava kapab petet *relocate* pou nou kapab.

Nou'n *relocate* en fwa avek Departman Lafanmir lannen pase akoz nou ti al dan en landrwa deza ki *rent* ti tro ser. Nou'n *relocate* la kot nou ete, en pti pe pli bonmarse. Me selman i note Mr Chair lo sa kote *rent*. Mon ti a pas laparol avek PS Roucou pou adres larestan pwen. Mersi Mr Chair.

Mersi. PS ou a pran laparol apre nou a kot Ms Tamatave.

PS CLIVE ROUCOU

Mersi Onorab pou ou kestyon. *In fact* Onorab mon ti'n deza eksplik sa avan, pou renovasyon. Tou bann renovasyon irzan pou kontinyen ganny fer. Me parey mon'n dir boner, lanfaz pe ganny mete plis lo Au Cap ki li i

annan en pe plis problem, akoz delo i sorti dan son fondasyon avek dan son miray.

So, nou pe target plis lakaz Au Cap, me selman lezot renovasyon irzan *from other home* nou pou ofer. E an term kontribisyon pou bann *elderly*, wi zot pou kontinyen – zot pou peye, *yeah*.

MR SPEAKER

Mersi Ms Tamatave, ou ava adres pwen.

**COMPTROLLER GENERAL
ASTRIDE TAMATAVE**

Mr Chair, sa *long service allowance* i pa en *increase per se*. Sa *freeze* ki annan lo *long service allowance* i ankor anfors, i ganny mentenir. I zis en re alokasyon of larzan *from lezot* vot to sa Kod apropiye akoz an 2021, *long service allowance under Minister's Secretariat* ti 102mil. So, i pa okenn larzan an plis. *Thank you*, Mr Chair.

MR SPEAKER

Ou a terminen silvouple Onorab.

HON SEBASTIEN PILLAY

Thank you, Mr Chairman. Mr Chairman, yer ler nou'n regard Bidze ki *SIA* pe gannye e nou bann Bidze Lenfrastriktir,

nou'n vwar i annan plizyer proze ki pa al *across* bann diferan departman ek bann diferan Minister.

Petet i ava pertinan pou mon kapab demann Minis e son *PS* pou Departman Lafanmir, eski Departman Lafanmir in ganny okenn proze - e mon konnen i annan sa bout ki zot, zot gannye anba zot alotman bidzeter pou zot.

Me eski dan en term Polisi, servis ki zot departman pe donner, eski zot in ganny okenn larzan osi anba sa *basket* nasyonal pou annan larzan ki zot kapab al ver pou pa zis reparasyon bann *Home*, me bann *upgrading* lo serten *Home* ki'n preski bezwen serten travay akoz si ou kalkil pou al fer pou Au Cap i riske manz tou ou Bidze. Eski i annan sa larzan?

E mon ti a kontan fer en pledwari avek Ms Tamatave pou nou kapab ganny serten lenformasyon. Ziska la Mr Speaker, nou ankor pe rode konbyen dimoun ki ti kalifye pou *long service allowance* depi ler sa moratwar in antre, konbyen zot i annan? E ziska la nou pa ankor ganny sa lenformasyon avek Minister Finans.

So, ti ava bon si Lasanble i kapab ganny sa lenformasyon

ki pertinan. Mr Speaker, eski Onorab Henrie i kapab les mwan demann mon kestyon silvouple?

(Interruption)

MR SPEAKER

Onorab.

HON GERVAIS HENRIE

(Off-Mic)

MR SPEAKER

Silvouple Onorab Henrie arete! Ale, termin ou kestyon Onorab Pillay.

HON SEBASTIEN PILLAY

Mersi Mr Chairman. Eski nou kapab ganny lenformasyon lo ki kantite dimoun ki ti kalifye pou *long service allowance*, ki pa ankor ganny zot *long service allowance*? Mersi Mr Speaker.

Mon premye kestyon pou Departman Lafanmir, mon dezyenm kestyon Minister Finans ava klarifye. Mersi Mr Chairman.

MR SPEAKER

Mersi. *Minster* nou a permet li fer sa resers e i ava anvoy lenformasyon. Mon pa konnen si i annan la. PS Roucou ou pwen?

PS CLIVE ROUCOU

Mersi Onorab. Onorab an term maintenance, wi nou annan larzan e nou pou fer *maintenance according* lizans parey mon pe dir.

HON SEBASTIEN PILLAY

(Off-Mic).

PS CLIVE ROUCOU

Non Onorab, nou napa larzan *from SIA*. Thank you.

MR SPEAKER

Mersi. Ms Tamatave eski ou annan okenn lenformasyon lo *long service allowance* la? I pa vremen relevan avek sa Minister. Ou kapab donnen si ou annan koumsa nou a kapab *move on*. Yes Ms Tamatave.

**COMPTROLLER GENERAL
ASTRIDE TAMATAVE**

Mr Chair, mon ti a prefere nou pran sa kestyon letan petet semenn prosenn letan nou pran PSB. Nou ti a kapab - i a donn nou ase letan pou nou *compile* sa lenformasyon depi 2021. Letan nou pran PSB semenn prosenn. Mersi.

MR SPEAKER

Tre byen. Mersi. Onorab ou bezwen terminen.

HON SEBASTIEN PILLAY

(Off-Mic).

MR SPEAKER

Wi?

HON SEBASTIEN PILLAY

Mr Speaker, si ou regard dan laliny Bidze, Minister Departman Lafanmir, i annan en laliny ki dir ‘*long service allowance.*’ Mon krwar sa komantr ki ou’n pase ki pa pertinan ek sa Minister, i pertinan avek sa Minister. Akoz ou annan dimoun ki dan sa Minister ki kalifye pou en *long service allowance.*

So, petet- petet a la prosenn fwa sa kestyon ler nou pe demande, pa pran li koman en keksoz ki ou bezwen sey bare! Me plito les nou kapab ganny lenformasyon pou ki Lasanble i kapab fer son travay. Mersi.

MR SPEAKER

Mersi. Nou a ganny sa lenformasyon parey Ms Tamatave in sizere. Mon a remersye ou pou resers ki ou a kapab fer.

Bon mon’n ariv a lafen bann entervenans. E nou’n ariv a lafen pou sa Bidze. Nou a pran vot lo Bidze Minister Lazenes, *Sport* e Lafanmir ki lo paz 213 ziska 2016 pou en total R39milyon 403 mil. Manm ki an faver lev lanmen silvouple?

Vot lo Bidze pou Minister Lafanmir pou R39milyon 403mil, 28 Manm in vot pour, 0 kont e 0 in *abstain.* So, sa Bidze in aprouve avek inanimite.

Bon vi nou ankor 10er 07. Me selman vi bann prosedir *sanitizing,* sanzman delegasyon. Pou fer lekonomi letan nou pou pran *pause* la e nou a rebran avek nouvo antite 10er 35. Minis, bann delegasyon ki pe fer zot depar mon a remersi zot. Minis nou pou revwar li ankor. Mersi.

(BREAK)

NATIONAL SPORTS COUNCIL**MR SPEAKER**

Byenveni delegasyon *National Sports Council.* Mr Jean Larue, CEO. Ms Gina Nibourette, *DG Strategic and Human Resource* dan Minster *Youth, Sports and Lafanmir.* E Ms Patricia Ernesta, *Financial Comptroller* dan sa Minister.

Tre byen, nou pou pran Bidze *National Sports Council* ki lo paz 232 ziska 236 pou en total R104milyon 852 mil. Minis, lentrodkasyon silvouple.

MINISTER MARIE CELINE-ZIALOR

Mersi Mr Chair. Pou sa sonm pou Bidze NSC ki Mr Chair in fek mansyonnen i en logmantasyon ase signifikan. Apepre en R34.5milyon ki lamazorite sa i akoz i annan Zwe Dezil lannen, 2023. Sipoze annan. E osi pou larestan bann restriktirasyon e reform ki NSC pe pas atraver.

E manda Konsey Nasyonal pou Sport i pou vin en fasilitater, regilater lo tou bann Polisi e bann stratezi *Sports nasyonal* ki i annan. E en bon pe i de-koul sorti kot Departman Lazeses avek *Sports*.

E i sa antite ki kot bann proze, bann aktivite sportif i ganny zere Mr Chair. Mon pa krwar si i bezwen i pli gran lentrodiksyon ki sa. Akoz mon konnen poudir i annan pa mal bann Manm ki ti ava kontan diskrit sa Bidze. Mersi Mr Chair.

MR SPEAKER

Mersi Minis. Wi nou a komanse avek kestyon Onorab Woodcock.

HON WAVEL WOODCOCK

Mersi Mr Speaker.

MR SPEAKER

Un enstan silvouple. Permet mwan pran en pe non. Tre

byen. Tre byen. Onorab Woodcock ou kestyon.

HON WAVEL WOODCOCK

Mersi Mr Speaker. Minis anba *PSIP* pou NSC i annan en alokasyon R20milyon pou proze. Mon kestyon, se eski dan sa alokasyon pe fer provizyon pou sirtou en *outdoor gym*?

I annan pa mal lannen, pe al 15an la ki nou ti ganny promet par Gouvernman avan pou fer en *sport complex* ki pa'n zanmen materyalize. Me selman *at least in the* limedya. Eski zot annan okenn plan dan lefitir pou annan en *indoor gym* ouswa *court* pou bann *sport* sirtou parey *volleyball* avek *basketball*, ki bann tim i bezwen al Mahe pou al dan bann konpetisyon?

E kot i konsern *tartan track*. Mon vwar provizyon in ganny fer dan serten - Mon vwar Anse Royale, *sport complex*. Mon'n vwar en lot landrwa ankor. Roche Caiman i annan provizyon pou repar *tartan track* kot stad.

Eski -? Ti annan en plan osi pou *expand* e re organiz sa stad Amitie. Ti annan en proze ki en petisyon ti ganny fer. Sa proze in ganny bloke. Eski zot pe get dan posibilite pou fer sa stad parey ti devret fer depi o

komansman, pou enkli sa *tartan track* e pou benefisye bann atlet Praslin ki fer vreman byen dan bann Sanpyonna Atletik.

E finalman, mon ti fer *request* avek CEO Larue pou en *outdoor gym* Grand Anse Praslin. Mon ti fer sa *request* byen, ase en pe letan sa lannen pou mon ganny en *outdoor gym* Praslin. E finalman Minis, lo kote *Jeux des Îles* i annan en pti konsern kot i konsern, sorti kot bann lantrener ki'n ed bann atlet lo Praslin, ki zot santi ki zot pe ganny defavorize en pe. Petet aköz lozistik ouswa kou pou zot Mahe pou *train* pou *Jeux des Îles*. E en kantite pe santi poudir zot pe ganny kit deryer, zot pa pe ganny sa loportinite pou zot al partisip dan Sanpyonna *Jeux des Îles* ki pe vini byento. Mersi.

MR SPEAKER

Mersi Onorab. Minis ou a dirize.

MINISTER MARIE-CELINE ZIALOR

Mersi Mr Chair. Zis pou enform Mr Chair, Lasanble ki tou bann kestyon nou'n fer ki Ms Nibourette i la, pou li reponn bann kestyon detaye aköz i annan tou bann detay ki annan pou fer avek keksoz

lenfrastriktir. Lo sa kote i ava pran sa bann kestyon lenfrastriktir. E CEO i ava pran sa kestyon konsernan *outdoor gym* Grand Anse Praslin.

Lo sa ki konsern *Jeux des Îles* e CJSOI, nenport ki bann larestan bann *major games*, sa bann *training* i bann Federasyon Lasosyasyon ki pran kont e zot ki fourni bann non bann atlet ki nou annan. E nou'n deza etabli en form *grievance*, aköz nou konnen poudir i annan pa mal bann *grievances* ki annan. Tou bann *grievance* nou'n fer ki kominikasyon i al ver departman endividyel, ouswa klib, ouswa *coach*, ouswa ek paran, nenport. E departman i fer medyasyon, e i *sort out* sa bann *grievances* si i annan okenn atlet, okenn dimoun ki santi i ganny kit deryer. Mersi Mr Chair.

Mon ti a kontan pas laparol avek Ms Nibourette. Mersi.

MR SPEAKER

Mersi Minis. Ms Nibourette.

DG GYRA NIBOURETTE

Bonzour Mr Chair. Bonzour Manm Lasanble. Onorab pou ou stad Amitie, Praslin, nou ti annan en *meeting* avek Federasyon Foutbol kot ti

a pepre en 2 semenn pase, kot Federasyon nou'n zwenn ansanm avek zot. Akoz parey nou konnen poudir sa stad foutbol ki servi li, me selman nou konsyan poudir i annan bann atlet osi ki fer atletik ki servi e son leta ki manner i ete i pa pou apropiye pou zot.

So, Federasyon Foutbol nou an diskisyon pou zot *renovate* laplenn e *from there* apre pou nou kapab aziste stad ki manner i ete. Me selman i depan ki grander i ete pou nou kapab met *track*.

So, i annan en legzersis ki deza pe ganny fer pou stad Amitie. I pou annan son renovasyon dormitwar osi tou en sel. So, nou annan en plan avek federasyon foutbol lo stad Amitie. Mersi.

MR SPEAKER

Nou a kontinyen. *CEO* mon krwar Minis in dir i pou adres keksoz, non? Mersi, *CEO*.

CEO JEAN LARUE

Mersi Mr Chair. Bonzour bann Onorab. Wi, sa keston outdoor *GYM* Praslin, wi in annan demann. Me selman mon ti a kontan dir osi poudir i annan lezot manm ki'n met sa *request*. Alors i pou enportan ki nou priyortize. Akoz deza nou annan enn Praslin Marie-

Jeanne Estate. Nou annan enn Beau Vallon, nou annan enn deza Roche Caiman. E Anse Boileau in demande, i annan lezot landrwa ki'n demande.

Alors, Onorab ou pou bezwen esper en pe letan. Mersi.

MR SPEAKER

Thank you. Onorab Arissol.

HON PHILLIP ARISSOL

Mersi Mr Speaker. Bonzour tou dimoun. Minis mon'n vwar dan *strategic priorities* pou 2020-23-20025. I annan "*establish sports, science, technology medical centre*" - Sa fraz la, sa laliny. Mon anv konnen si i pou enkli dopaz dan *sport*?. Si nou pe re komans revwar dopaz dan *sports* e si i pou ganny teste. Si ou ti kapab dir nou en pe keksoz lo la?

Apre Minis mon ti a kontan demande si *maintenance* bann laplenn, sirtou parey pou koup zerb, Si zot pe mazin *outsource* avek bann ptipti kontrakter dan distrik? Ki sa bann dimoun dan distrik i kapab osi benefisyé.

Apre mon ti a kontan konnen, *resurface of courts*, kan eski sa pou kapab materyalize dan distrik Anse Boileau? Mersi.

MR SPEAKER

Thank you. Minis wi, silvouple.

MINISTER MARIE-CELINE ZIALOR

Mersi Mr Cahir. Mersi Onorab pou ou keston. Kot i konsern lo *sports science* ek teknolozi, definitivman nou pe *renovate* avek WADA ki lasosyasyon enternasyonal pou *doping*, pou nou regard program pou nou kapab fer sa bann tes *doping* pou Sesel.

Pour lemoman nou pa tro an konformite avek zot. Zot pa tro, tro kontan. Me selman nou'n renouvle e nou'n apwent dimoun ki nou pa ti'n apwente pou nou kapab met dan sa bann pozisyon e mon'n annan en kozri avek Mr Knowles sa semenn tou pou nou regarde ki mannyer nou refer sa.

Konsernan *maintenance* laplenn avek *resurfacing* mon ti ava demann Ms Nibourette pou kapab adrese. Mersi Mr Chair.

MR SPEAKER

Mersi. Ms Nibourette.

DG GYRA NIBOURETTE

Mersi Mr Chair. Mersi Onorab. *With regards to renovation of court* Anse Boileau, nou'n fini ganny scope avek SIA e tou dokiman in fini al kot POU. So, nou dan prosedir la, nou pe

atann POU. Dek ki *tender* i pare i pou al dan nasyon. So, savedir pou komanse i kapab komanse sa lannen depandan ki kantite letan POU. Me selman *1st quarter 2023* i pou *ongoing*. Nou'n fini *onboard* avek sa.

With regards to koup zerb lo laplenn, wi Onorab i en keksoz ki nou pe fini finalize akoz nou konsyan poudir zis avek tim ki nou annan kot NSC, nou pa pou kapab mentenir pou koup zerb, *maintain* sa bann laplenn an antye.

Me selman *we need the costing* ki nou pe fer sa legzersis pou konnen konbyen apepre pou kout nou, koumsa pou nou annan en nide kantite nou kapab *outsource* e ki kantite NSC i kapab antreprann li menm. Mersi.

MR SPEAKER

Next question, Hon Uranie.

HON ROCKY URANIE

Mersi Mr Speaker. Mersi Minis ankor enn fwa avek ou delegasyon. Eski i annan larzan dan Bidze pou siport bann tim, sirtou sa tim football ki zwe dan *Inner Island Premier League* e osi tim madanm ki pe zwe dan premye divizyon, pou ed zot avek transportasyon.

E apre zisteman pou ede avek mentenans landrwa, *sport*

officer ti fer resorti ki zot bezwen ankor traver pou ed zot. Eski anba *wages and salary*, mon vwar en pti *increase*, eski sa i form par, sa larzan ki la, pou ede avek *recruitment* travayer, spesifikman pou La Digue? Mersi.

MR SPEAKER

Minis, wi?

MINISTER MARIE-CELINE ZIALOR

Mersi Mr Chair. Mersi Onorab pou ou kestyon.

Ki mannyer finansman i ganny donnen avek bann *sports*, i pa donnen avek *sports club* apart kekfwa si i annan kek proze, kelkonk ki kekfwa komite teknik in santi i bezwen ganny donnen.

Larzan, finansman i ganny donnen avek Federasyon. La ou ape koz foutbol, i pou Federasyon Foutbol ki pou fer sa bann diskisyon avek sa bann klib pou regard sa bann lasistans finansyel. I pa pou sorti direk kot NSC.

Selman mon kapab konpran ou konsern Mr Chair. E nou pe dan proze re revwar zesyon konsernan NSC avek bann Federasyon, lasosyasyon ki osi tou i pe sorti en pti git bann demars ki nou pe fer avek

AG avek *Registrar* pou nou kapab organiz sa en pti pe pli byen.

E mon mazine se sa ou kestyon petet. Mon pa konnen si mon pa'n reponn en bout.

HON ROCKY URANIE

I annan en lot bout konsernan travayer akoz in ganny fer resorti.

MR SPEAKER

Thank you.

MINISTER MARIE-CELINE ZIALOR

Mersi Mr Chair. Kekfwa mon ti ava pas laparol avek *CEO* pou regard en pti git ladan.

MR SPEAKER

Yes CEO.

CEO JEAN LARUE

Mersi Mr Chair. *Regarding sports officer* sirtou, nou deza annan en post ki'n deza ganny *advertise*. Konmsi sa dimoun ki pou *manage sports facilities* La Digue e apre nou bezwen osi fer provizyon pou nou, akoz i annan travayer ki'n deza kite, so nou ava regard e ki mannyer nou kapab asiste zot.

MR SPEAKER

Thank you. Onorab Bastienne.

HON DESHEILA BASTIENNE

Mersi Mr Chair. Bonzour Mr Speaker. Bonzour Minis avek ou delegasyon e bonzour tou dimoun a lekout.

Minis ler nou get zot *mandate NSC*, nou koz lo *“healthier and social wellbeing of our citizen. Create sustainable sporting environment.”*

Dan Perseverance 2, mon annan en konsern la, ti annan en plan kot zot ti pou *set up* en *fitness trail*, mon ti a kontan konnen ki dernyen desizyon lo sa plan? Akoz ler mon pe regarde mon pa vwar li dan *‘building and infrastructure.’* Eski zot ankore annan okenn plan lo sa *fitness trail*, ki zot pe mazine.

Aprè dezyenman, sa teren dan menm lokasyon kot sa *fitness trail* ti pou traverse ti’n ganny propoze si mon pa tronpe pou vin en *outdoor gym*, kot diferan lekipman pou ganny enstale. Eski sa proze i ankore lo zot lalis program e si wi, kan ki zot pe mazin devlop sa sit?

Ki pe fer mwan demann zot sa keston, i en gran teren, baraz i ater. I pe komans vin en sit ki pe soutir *‘happy hour.’* Loto i komans antre lo la e mon konnen byento mon pou komans ganny konplent avek nou bann dimoun dan sa zanmerant. Mon ti a kontan

ganny en repons, ki pou arive avek sa morso kare later? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou keston, konsern. Kot i konsern *fitness trail* avek Perseverance alokasyon, mon pou les avek CEO ouswa Ms Nibourette pou donn en pti pe plis lenformasyon lo sa bann detay. Me selman mon ti anvi zis fer sorti en pwen Mr Chair, wi mon konnen poudir kefw petet tou bann distrik pe rod en *trail* ouswa en *outdoor gym*, en landrwa pou zot kapab fer bann *sports*.

I deza annan bann landrwa kot nou kapab fer *allocate* e mon konnen poudir Perseverance i deza fer *Kilo Game*. Mon konnen akoz mon lo en *fact finding mission*, mon pe al mon menm partou dan bann distrik kot pe fer, mon pe partisipe. *Actually*, mon fer legzersis ek zot pou mon aprann, pou nou kapab regarde ansanm Yunit Spor Pou Tou, pou regarde akoz.

Nou bann plan nou pe al fer semenn prosenn, *meeting* apre pou nou kapab konnen ki

manner siporte, ki manner nou asiste. E lafason en pti pe pli modernize osi lo kote lenfrastruktir, nou pa zis regard sa ki la. Me selman nou regard en pti pe osi tou bann kolaborasyon par egzanp nou kapab fer avek Minister Ledikasyon, ki nou deza annan en *MOU* avek zot. Pou nou kapab ed bann lezot Federasyon Lasosyasyon ki anvi devlop bann lenfrastruktir osito pou zot kapab vini ansanm pou nou kapab modernize e konsolid zefor ansanm pou nou kapab fer sa.

Sa i en pti git ki manner nou lapros zis an zeneral ki nou ape fer. E mon mazine osi pou bann dimoun si oule fer en pe legzersis, ou le *be healthy* i annan ase. E pou sorti Perseverance pou vin Roche Caiman kot *trail* ouswa lezot landrwa kot i fer, mwan - nou pe konnen, nou pe idantifye, nou ape donn vizibilite, sa bann klib pou dimoun konnen kote ki pe fer legzersis, kote ki i annan. E nou regarde ki manner nou siporte.

Plis i pli bokou - wi. Me selman nou pe osi, dezyenm pwen Mr Chair - fer legzersis pou nou konnen. Akoz nou pa tro konnen osi tou nou. Ki sa bann *parcel* ki *belong to NSC*. Nou pe fer sa travay avek *Lands*

pou nou *map out* tou. Akoz en kantite i verbal, i annan bann ki nou krwar, nou pa ni konnen. Nou'n bezwen al rod tousala pou nou kapab en legzersis ki pe ganny fer pou nou konnen ki bann parcel ki annan pou nou kapab met en pe lord ladan pou fer plan konpreansiv. Ki manner pou devlope, lekel ki pou devlope.

Be parey mon pe dir, nou pe fer lans lapel avek partenarya e i annan pa mal ki pe vini, ki nou kapab *lease* zot, ki zot ava kapab devlope sirtou bann *sports club*. Sirtou bann Federasyon ki pare e ki annan pa mal ki mon pe dir ki pa ti pou *mind* pou zot kapab vini, pou zot vin adopte bann landrwa pou zot kapab zot osi donn en kontribisyon, responsabilite pou nou kapab fer sa demars.

Selman lo kote Perseverance, si ou permet Mr Chair, mon ti ava petet regarde si *CEO* ouswa Mr Nibourette i annan lenformasyon an plis. Mersi.

MR SPEAKER

CEO?

CEO JEAN LARUE

Mersi Mr Cahir. Onorab sa proze ki ti pe fer Perseverance, Roche Caiman pa en proze pou *NSC*. *NSC* ti ganny demande

akoz nou annan kapasite, nou annan konesans, nou ti vin donn sipor ki manner, kote i a pase e nou ti sizere osi annan en *outdoor gym*. Me selman i pa'n en proze ki'n ganny devlope par NSC. Mersi.

MR SPEAKER

Thank you. Onorab Gabriel.

HON CONRAD GABRIEL

Mersi Mr Speaker. *Welcome* nouvo delegasyon. Premyerman mon a tous lenfrastruktir. Nou konnen poudir i annan en Bidze R3.3 milyon pou *Palais de Sport* konsernan son *reroofing* ki *ongoing*. Eski PS i kapab dir nou si zot pe mazin sanz son *floorong* osi tou, si pou enkorpor ladan.

And then Victoria Gymnasium osi tou, si zot ti kapab petet organiz son *surface*. Mon krwar Onorab Loizeau, Onorab Arissol Anse Boileau i a kapab konfirm sa. I annan plen atlet pe ganny *injuries*, mon pa konnen si Minis zot in fer *anything* dan sa Bidze pou soulaz sa sityasyon. Sa i kote lenfrastruktir.

Aprè lo kote lalimyer osi. Lalimyer i en gro *issue*. Parey Point Laure nou annan detrwa tim. So, i esansyel pou nou ganny lalimyer pou kontiny

training. Mon ti a kontan zot donn nou en apersi ki arive lo la. Akoz depi Point Larue, Anse Aux Pins, Au Cap sa i en *main* faktor.

Mr Larue i konn tre byen, mon'n an kontak avek li a plizyer repriz. Kot mon'n *go all out of the way* mon menm mon pou rod mon elektrisyen pou kapab aranz Point Larue.

So, an zeneral mon dezyenm pwen, anba P2, '*sports and management training - sports development*,' zot *consumables, office expenses* sa lannen i R3.1milyon. Lannen pase in *revise* sorti 1.7. Zis donn nou en pe detay ki annan egzaktaman an plis.

Lo zot *transportation travel cost* in sort 2.7 in ariv 12milyon, so nou konnen petet *Jeux des Îles* i pou ladan. Zis zot a donn nou en apersi ki bann atlet, bann zofisye lekel. *And then honorarium awards* in ariv R5.3milyon. Eski i annan atlet ki pou ganny rekonpanse e donn nou en apersi si pou annan rekonpans pou *Jeux des Îles*? Mersi.

MR SPEAKER

Thank you. Minis ou annan plizyer pwen la. Nou a fer li vitman silvouple.

MINISTER MARIE-CELINE ZIALOR

Wi, mersi Mr Chair. Mon zis pou dirize pou nou kapab annan en pti pe lord. Mersi Onorab pou ou bann kestyon. Lo kote tou ki annan pou fer avek *reroofing*, ensidswit bann detay, mon mazine Ms Gyra i kapab donn nou en pe sa bann. E lo kote Bidze li menm li, lo bann *expanses* an plis ki Onorab in demande *CEO* i ava kapab reponn sa kestyon.

Zis lo kote travel cost selman, ki Onorab pe demann sa kestyon. Lo lekel zofisye ki pe ale. Seleksyon *Jeux des Îles* pa ankor ganny fer, nou pa pou kapab. Pou *CJSOI* wi nou'n fini fer. Pou *Jeux des Îles* nou pa ankor. Nou annan apepre ki kantite disiplin pou partisip ladan, me selman nou napa egzaktaman. Akoz sa nou bezwen esper bann Federasyon Lasosyasyon. Zot ki donn nou zot delegasyon letan zot in fini fer. Mersi Mr Chair.

Mon ti a kontan pas laparol avek Ms Nibourette pou komanse. Mersi.

MR SPEAKER

Yes, nou ava al kot *DG*.

DG GYRA NIBOURETTE

Mersi Minis. Mersi Mr Chair. Onorab pou *Palais des Sports*

reroofing pou fini sa lannen e i par faz renovasyon *Palais des Sports*. E *flooring* i pou dan dernyen faz. Akoz si nou pou sanz *flooring* la, nou bezwen al sanz lalimyer, al sanz son. Letan nou pou met sa bann *scaffolding* i pou afekte li.

Me selman i dan plan pou nou aranz *flooring*, me selman i pa pou 2023, akoz 2023 nou pe fer *renovation toilet facility, shower, bann changing rooms*. Deor sa bann pilye ki nou vwar i pe kase, i pou dan Bidze 2023 pou nou aranz li e nou annan *toilet* osi deor, fasilite. Nou pou vwar poudir letan lapli i tonbe, sorti lo twa i desann lo sa peron ki i fer ki delo pe koul anndan.

Tousala i dan proze 2023 li. Savedir *flooring* pou dernyen, me selman i dan plan.

Pou Pointe Larue son lalimyer, ki nou pe vwar se ki bann sistenm lalimyer ki nou annan la, nou pa pe ganny bann pyes pou nou repare. So, nou bezwen fer en legzersis avek *SIA* pou nou kapab re ganny en *scope*, re met nouvo lalimyer. E nou sipoze pe *purchase* lalimyer pou *Palais des Sports*, si nou kapab *purchase* pou bann larestan distrik ki letan i vini, i fasil. Apre i bann *spare* ki fasil pou nou gannyen. Akoz pour lemoman sa bann ki nou annan

nou pa pe kapab ganny pyes pou nou repare. Mersi.

Pou *Victoria Gym*. Wi i annan en diskisyon ki Federasyon *Basketball* osi in met a nou latansyon. Nou an diskisyon, i annan en msye ki ti vin dan pei apepre 3 semenn pase ki nou'n ganny sans zwenn avek li menm pou *tartan track*. I pe *advise* nou lo *flooring* pou *gymnasium*. Me selman nou, nou pou fer sa diskisyon pli profon avek kominote basketball pou zot donn nou pli byen zot needs, ki nou kapab ganny sa *flooring* byen pou zot pa ganny afekte letan zot pe zwe *basketball*. Mersi.

MR SPEAKER

Thank you. CEO wi, prezan.

CEO JEAN LARUE

Ok. Mersi Mr Chair. Konsernan bann pwen *transportation and travel cost*. Wi, in ogmante e sa i lye avek *Jeux des Îles* e la definitivman nou *charter* avyon, en monte, en desann e apre ki lefe delegasyon i gro nou bezwen pey ankor – *ok?*

Konsernan *consumables*, definitivman aköz ankor letan ou prefer preparasyon i annan bann keksoz ki bann atlet i bezwen, bann delegasyon. Par egzanz bann *chef de mission*, i

annan bann lenformasyon papye, parey lank eksetera ki ou bezwen servi. So, se sa rezon sa in monte.

Epi *honorarium*, wi aköz nou bezwen rekonpans bann atlet ki anmenn meday. E parey nou konnen, dernyen fwa, dernyen *Jeux des Îles* en meday lor ti R40mil, apre en *silver* ti 25 ek en bronz mon krwar, si mon pa tronpe ti R15mil,. So, nou bezwen fer sa provizyon pou sa osi. Mersi.

MR SPEAKER

Mersi. Onorab Roucou.

HON MICHEL ROUCOU

Mersi Mr Chair. Bonzour Minis, *CEO* ek lezot ankor e en bonzour spesyal bann *sportsmen* dan distrik Mont Fleuri.

Minis si mon pa tronpe lannen pase dan Bidze zot ti dir poudir se ki zot annan en lekip ki pe fer letour dan bann distrik, pou vwar bann lenfrastriktir *sport* ki leta zot ladan. Si ou kapab dir nou si sa legzersis in fini fer e konbyen pou koute pou kapab repar oubyen *maintain* bann lenfrastriktir dan bann distrik?

E apre osi mon vwar poudir i annan R3milyon ki pou sa R3milyon i pou bann reparasyon. Mon mazine dan

bann distrik osi tou sa. Mont Fleuri i en distrik ki annan bokou bann fasilite *sport*, nou annan *court basketball, volleyball* e osi annan nou laplenn ki dan en move leta. E nou annan en *changing room* la, zis i en *eyesore*, i la.

Si ou kapab dir nou si lannen prosen mon distrik pou benefisye an term renovasyon lo nou bann landrwa *sport*. Mersi.

MR SPEAKER

Mersi. *CEO?*

DG GYRA NIBOURETTE

Mersi Mr Chair. Mersi Onorab. Pou Mont Fleuri, nou'n aprann *with regards to* sa problem ki zot annan avek zot *changing room* avek laplenn. Me selman pou laplenn pou sa linondasyon, nou bezwen fer en travay avek *SIA* pou zot kapab *advise* nou ki pou fer. Si nou bezwen fer li monte oubyen si drenaz ki en problem. So, nou bezwen annan en rapor avek *SIA* avan e nou pa pou kapab met en *costing* toultan nou pa ganny sa rapor.

Savedir definitivman pou Mont Fleuri i pa pou dan Bidze 2023, me pou annan sa diskisyon, sa travay avek *SIA* ki pou komanse e *from there* nou ava annan en nide konbyen i

pou koute pou kapab fer sa *renovation*. Mersi Onorab.

Pou bann larestan distrik, sa travay ti'n komanse avek *Local Government* e sa *meeting* i sipoze annan en kontinyasyon semenn prosenn avek Mr Songor pou nou kapab finaliz lo sa bann proze ki pou *Local Government* avek *NSC*.

Me selman tim kot *NSC* i annan en *maintenance plan* ki zot, zot pase. I annan ki *as and when* i kase zot ganny *call* i ale. Me selman zot annan en plan ki tou le semenn kote zot sipoze etc. E i annan larzan ki'n ganny bidzete. Nou tou nou konnen i pa pou ase, me selman nou pe sey nou mye avek sa ki nou annan pou nou kapab sey aranze.

E nou'n lans lapel avek zot petet pou koz avek zot bann *sportsmen* dan distrik. Akoz nou vwar nou zis par egzant pou *ring basketball*, i annan en distrik nou'n ale, 3 fwa nou'n bezwen sanze. Menm distrik e i pe kout nou larzan. Prezan dan plas pou nou al aranz dan en lot landrwa, nou vwar nou pe bezwen retourn menm landrwa. Mersi.

MR SPEAKER

Yes, Onorab Roucou. Vitman *please*.

HON MICHEL ROUCOU

Mersi pou sa *update* lo kote laplenn Mont Fleuri. Me selman si ou ti kapab dir nou en pti pe lo kote *court volleyball* ek *basketball* osi tou. Apre si ou kapab dir nou sa distrik ki zot pe depans bokou larzan.

MR SPEAKER

Wi. Minis lekel ki pou donn larepons.

DG GYRA NIBOURETTE

Mr Speaker, pou *court* li osi fodre nou ganny *SIA onboard* akòz Bidze ki nou anna pou 2023 i bann diskisyon ki nou'n fini fer avek *SIA* ki annan *scope e from the scope* nou kapab ganny sa *costing*. Savedir pou nou pou al fer pou en lot distrik nou bezwen fer sa legzersis pou 2023 avek *SIA*.

Mon ti ava lans lapel avek bann Onorab, petet si i annan ki zot santi poudir zot bann *court*, laplenn i bezwen ganny repare en nivo mazer, komansman la oubyen boner lannen prosenn, les nou konnen pou kapab fer sa vizit avek *SIA*.

Bann *minor maintenance work* i *ok*. Tim kot *NCS* i ale i aranze *as and when*. La ek mwan mon napa sa distrik, me selman mon kapab *liaise* avek Mr Kilindo, mon kapab fer zot

ganny lekel sa distrik ki 3 fwa nou'n bezwen sanz son *ring basketball*. Mersi.

MR SPEAKER

Mersi. Onorab Adelaide, wi. *Sorry*, ti Onorab Labrosse? *Ok, sorry*.

HON RICHARD LABROSSE

Mersi Mr Speaker. Bonzour Minis ek ou delegasyon. Bonzour tou Manm prezan. Mr Speaker, mon ti a kontan kekfwa Minis kekfwa eklersi nou en pti pe konsernan *NSC - I mean* konsernan bann laplenn ki nou annan dan distrik. Nou'n tann bokou koze lo la. Ki pe arive dan distrik an se moman la Minis, se ki mon krwar zot pe kategoriz laplenn. Par egzanp Plaisance nou annan enn anba Kot Baba, sa li osi i annan en pti pe konfizyon ladan lekel ki *maintain*, lekel ki responsab. Par ler nou tande *NSC*, par ler nou tande Gouvernman Lokal e Copolia anler dan sou-distrik, dan kominote nou annan en lot pti laplenn ki li personn pa pe tous li.

Bann zabitan i bezwen vwar zot, zot menm parfwa pe fundraising pou zot kapab okip li. Me la son leta ki in arive i merit ganny en pe latansyon.

So, nou ti a kontan konnen ki *NSC* i annan koman konversasyon avek Gouvernman Lokal konsernan bann distrik ki annan bann tel lensidan parey?

Aprè Minis, konsernan mon kestyon ki mon ti demann ou dan Lasanble konsernan bann fasilite sportif. La kefwon mon ti a kontan konnen ki i annan dan Bidze, sirtou ler nou pe koz basen naze Roche Caiman, *court tennis* e osi *Palais des Sports* ki nou konnen ti annan travay ti'n komanse, ki manner i pe ale ziska prezan?

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon. Lo kote bann proze mazer mon a les avek Ms Nibourette akòz li ki pe swiv pou fer sir ki nou pe fer li. Mon ti ava zis kontan an zeneral akòz mon konnen sa ki ou ape dir i aplik pou tou larestan distrik lo kote lekel ki laplenn ki *NSC*, lekel laplenn ki distrik i fer.

I annan bann kozri depi lannen pase ki fer li, me selman i parey mon mazine dan tou bann larestan Minister, i kapasite. Nou annan nou en

gro defi kot *NSC* nou lo kote kapasite pou *maintenance* e kapasite osi lo kote lekipman pou nou kapab zer tou sa bann e osi tou pou nou konnen tou lekel vre sa bann propriyete ki pou *NSC* - akòz parey mon pe dir, en kantite ek labous.

Nou'n bezwen pe fer en louvraz la avek *Lands* pou nou kapab vreman. Kot *Lands*, anba ki in anrezistre pou nou kapab konnen. Akòz nou pou bezwen fer sir pou nou pa ganny pourswiv, nou'n al lo propriyete dimoun. E sa i bann defi, i bann louvraz kontinyel e nou pe refer osi *maintenance*.

Par egzanp nou napa en *project manager* kot *NSC* ki konnen, ki kapab *managed*. Nou napa en *property manager* kot *NSC*. Nou pou bezwen avek *PSB*, la kot nou striktir in fini ganny aprouve detrwa semenn pase la, kot nou kapab bouze prezan, pe fer en gran *massive recruitment* pou nou ganny bann dimoun ki vreman konnen ki zot pe fer, pou zot kapab osi tou fer sa.

Aprè in annan en pti mal lonnekte lo nou kote osi anndan kot *NSC*, par ler ou konnen bann dimoun i dir ek ou wi, mon'n fini fer. Aprè ou *find out* zot pa'n fer. In annan sa. In annan en pti pe konfizyon tou. Me selman vwala akòz dan sa

bann restriktirasyon retire, kot mwan, kot Sekretarya nou'n met en pti pe lanmen, ki ou vwar Ms Nibourette la ozordi i o bor kot nou, avek larestan bann dimoun ki pe ede pou nou kapab met sa en pti pe anba kontrol.

Nou pa ankor fini, me selman nou garanti poudir nou pe re komans diskisyon ankor avek *Local Government* pou nou ganny li kler e pou nou kapab fer, rod bann solisyon pou sa bann *maintenance* ki nou annan.

Dan plas kekfwa montre ledwa, ou ki responsab, ou ki responsab. Nou bezwen annan en kiltir annou rod en solisyon. Si nou napa ozordi i pa vadir ki nou napa li. Nou bezwen vini asize, re diskite, revwar ki mannyer e pou nou kapab pou tou sa bann lenfrastriktir ki kot nou, kot *NSC*, ki tonm kot nou. Pou nou kapab pran nou responsabilite e deservi parey nou sipoze fer. Mersi Mr Chair.

Mon ti ava kontan kekfwa Ms Nibourette i reponn lo sa bann lenfrastriktir mazer e kote travay in arive. Mersi.

MR SPEAKER

Tre byen. Ms Nibourette.

DG GYRA NIBOURETTE

Mersi Minis. Mersi Mr Chair. Onorab pou Tennis, nou annan diskisyon ki'n fini ganny fer avek *Tennis Association* e plan i se ki *Tennis Association* i oule fer *renovation* lo sa *existing tennis court* ki annan e sa i dan Bidze pou lannen prosenn, kot nou pe komans li sa lannen. Bann *renovation* ki nou pa bezwen esper sa *expert*. Akoz i annan *expert* ki'n ganny rekomande par *ITF* pou vin dan pei, pou vin *assess* sa *flooring* sa bann *court*, ki mannyer i ete e ki kalite ki nou pou met lo la. Akoz sa ki ti annan lo la, letan lapli i tonbe ou pou vwar poudir byen vitman i fini.

So, zot in rekomann en lakonpanyen pou vini e nou pe zis fini finaliz kontra pou sa lakonpanyen kapab vini e bann dimoun *SIA* pou atase avek sa bann *expert* pou zot aprann zot osi. Ki demen letan nou pou annan lot *renovation*, nou pa pou bezwen *expert* vini akoz nou bann teknisyen lokal pou'n fini aprann.

E an menm tan avek sa, Federasyon Tennis zot anvi agrandi pou azout ankor 3 *court*. Rezon pou sa se akoz nou, nou pe koz lo *sports tourism* e *tennis* in fer nou ganny en konpran poudir nou kapab fer larzan atraver *tennis*

par fer bann konpetisyon enternasyonal.

So, nou pe met en kantite lanfaz pou nou kapab sey fini sa renovasyon lo *tennis court* Roche Caiman, e pou zot kapab rod zot *funding* pou fer sa 3 nouvo. E Gouvernman osi pou asiste ki mannyer i kapab. Mersi.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Mr Chair i fer de repriz dan Bidze e menm dan bann sesyon Lasanble kot nou bann *MNA US* in fer resorti defi bann servis ki ganny fer *maintenance* lo nou bann distrik, nou bann laplenn.

So, la nou'n vwar ankor dan sa enn Bidze kot dan '*current challenges*' in ganny fer resorti ankor *maintenance* laplenn e mon'n tann bann Manm lo kote *LDS* in konplent ankor. E nou'n dir sa Bidze i en bon Bidze.

Alors Minis, eski sa enn Bidze ki la i pou dernyen ki nou pou tann sa bann menm defi atraver sa *issue maintenance of* laplenn? Akoz Roche Caiman osi nou annan en ki ti pare depi 2019. Distrik Roche Caiman in met a latansyon *NSC*, laplenn i ankor parey. Eski ou kapab

garanti nou Minis, sa enn Bidze nou pa pou tann ankor sa bann problemn.

E dezyenm, eski nou kapab ganny sipor *NSC*, akoz a plizyer repriz Lotorite Distrik pe sey demann avek *SLTA* pou annan en *overpass bridge*. Akoz zofisye *NSC* parfwa zot an danze letan zot servi sa *zebra crossing* kot *roundabout* pres o bor *shell*, *Victoria South Station* e menm bann zanfan lekol ki al fer zot bann aktivite sportif kot Stad Linite, i annan zot i veye lo sa 3 *lane*. Zot pa servi ni menm sa *zebra crossing* e i danzere.

Petet si nou ti kapab osi ganny zot sipor pou met presyon lo *SLTA*, vwar kote kapab ganny finansman pou sey konstri en *overpass bridge*. Petet pou fasilite zot, *safety* zot travay, osi byen bann zanfan e paran ki servi sa fasilite. Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou de kestyon. Mon a komans avek sa 2dernyen pwen.

Definitivman e i annan en plan pou redevlopman Roche Caiman antye, *sports complex* ki nou pou bezwen komanse

2023 pou *at least* konsevwat li. E sa bann konsern definitivman nou bezwen regarde lo kote sekirite ensidswit. *Overpass bridge* si i neser. Nou bezwen fer konsiltasyon avek *SLTA* regarde ki zot pe dir, pli bon metod avek larestan bann *stakeholders*.

Lo sa premye kestyon ki'n ganny demande, Mr Speaker, mon krwar defi, defi i lo kote resours imen. Lo kote resours imen, defi i avek dimoun akoz dimoun pa parfe, i fer fot, i pou toultan reste. Si kefwat dan Bidze nou anmenn li koman en defi, akoz nou pa kasyet nou bezwen met li a laporte, pou nou fer konnen ki defi ki reste, ki nou annan avek sa kote *maintenance*. E nou pa kapab garanti poudir nou pou ganny li 100poursan 2023.

Selman ki nou kapab fer en *commitment*, nou pou fer tou zefor posib dan sa restriktirasyon ki nou ava pe fer pou nou kapab. E ou vwar ki kalite defi ti ete. Akoz in pas 2an nou ankor pe regard sa defi byen akoz anmezir parey mon ti pe dir detrwa fwa dan Lasanble Mr Chair. Anmezir kot nou al rode o profon, parey la sa zafer later egzaktaman si vre sa bann later i pou nou, eski nou annan dokiman dan nou lanmen? Tousala anmezir nou fouye,

anmezir nou pe sey met li drwat, nou vwar prezan ki i annan travay pou fer.

E nou annan en defi pou nou, nou pa'n *train* en kantite dimoun dan sa domenn sportif, *sports management*, *sports maintenance*. Nou pa'n *train* pou en kantite letan e pou kapab ganny bann dimoun, parfwa ou anpoy en dimoun apre zot dezapwent ou. Zot dezapwent ou letan ou regarde lakantite.

So, sa kestyon ki pe demande, eski nou kapab ganny en garanti pa pou al dan Bidze? Nou pa kapab donn sa garanti nou, akoz nou annan *results-based management*, nou annan *performance* kot nou *apply* e i pou tou depan lo ki mannyer sa bann defi i vini. E si nou vwar ankor defi 2023 e ki mannyer.

Selman nou garanti ki nou pou kapab vini pou dir ki bann progre ki nou'n nobou kapab fer. E progre ki nou'n kapab fer nou nou'n kapab vwar ki kantite ki annan pou fer. Vwar egzaktaman sirtou lo kote defi, kapasite imen pou nou kapab. E lorganizasyon ki mannyer nou ti pe organiz nou kot *NSC* pa ti neserman en bon fason organize, restriktire pou nou kapab fer fas avek sa bann defi ki nou annan la.

E nou ape fer en bon pe *homework*, en bon pe travay. Sirtou en bon pe travay lo kote zesyon, lo kote *leadership* pou nou kapab adres en kantite sa bann defi ki nou ape koz lo la ozordi. Mersi Mr Chair.

MR SPEAKER

Mersi Minis. Onorab Naidu.

HON SATHYA NAIDU

Mersi Mr Chair. Minis ek ou delegasyon e tou koleg Onorab. Zisteman lo *other sporting infrastructure*, wi in ganny koz en kantite lo la. Me selman dan ka oubyen konteks St Louis, mon oule remersye NSC pour lefe ki in annan en *survey*. Kestyon, si apre sa *survey* le nesese pou ganny fer vizavi sa *court basketball*? Nou konsyan ki poudir atraver en Bidze ki la zot pa pou kapab fer en travay antyerman lo kote laplenn ek sa *court*. So, *court* i bezwen ganny pran ka avek atraver NSC, pou sa lannen ki pe vini silvouple. Akoz nou'n fer le nesese lo sa kote.

E lo kote promouvwar en kiltir spor e *physical activities* koman en *healthy lifestyle*, nou konnen COVID in ale, savedir 2023 i kree lespas pou NSC desarz son responsabilite.

Kestyon se ki mannyer zot anvizaze *carry-out* sa program

ki zot in idantifye koman en *strategic priority*. Akoz parfwa mon ankor santi dan en serten sans *we are still working in silos*. I annan serten linisyativ ki Gouvernman Lokal pe pran lo kote spor, mon pa pe vwar NSC.

So, ler mon pa pe vwar sa led ouswa sa sipor ki pe ganny donnen, mon en pe dezapwente e mon bezwen met sa devan.

An relasyon avek *bodybuilders* ki'n ganny meday in *Dubai Championship* an 2021, mon oule konnen ki kalite sipor NSC in donn sa bann *bodybuilders* akoz parfwa sa bann menm *bodybuilders* i vin tap nou laport pou dir zot pa pe ganny sipor sorti kot NSC. So, sa ti a bon pou nou konnen e dan ki kapasite NSC in ede.

E menm lo kote Federasyon i annan bon pe konplent pou dir NSC pa pe ede *and so on and so forth*. Mon krwar la i en moman pou nou kapab klersi sa pou dir ki pozisyon NSC vizavi bann Federasyon e kwa ki bann Federasyon osi i bezwen fer. Mersi.

MR SPEAKER

Mersi Onorab. Minis, mon annan serten rekomandasyon e mon krwar enn de pwen kestyon.

MINISTER MARIE-CELINE ZIALOR

Wi, Mersi Mr Chair. Mersi Onorab pou en pe bann sizesyon apre en pe bann kestyon. Lo sa ki konsern, lo St Louis detay Ms Nibourette i kapab donnen avek *CEO*. Kot i konsern nou stratezi pou Spor Pou Tou. Nou pa pe esper 2023, nou'n komanse nou. Mwan depi Lendi mon pe fer letour pou vwar kwa dan Spor Pou Tou ki annan? Akoz labsans, akoz son *manager* i dan konze anyel e nou deza pe fer planifikasyon pou regarde ki sipor ki nou pe fer, ki nou pou donnen.

Me selman sa stratezi;-stratezi kot nou anvi ansanm avek lasante anmennen i pa responsabilite zis Gouvernman avek *NSC* pou dimoun pran son lasante an men. E mon kontan pou vwar, pou dir i annan en kantite e i byen ki *Local Government* i fer, i byen ki lezot antite i fer. Pli an plis, pli i pli bon.

E mon garanti ou nou pa travay an *silo* parey ti ete oparavan. I annan li, de fwa par fwa letan in annan bann kolaborasyon ki'n ganny fer. Par egzanp tou bann departman ki pe fer zot bann *sports activities*, *NSC* ki pe

organize. Me kekfwa petet sa lenformasyon i pa ganny donnen, nou pa ganny dir poudir sa kolaborasyon ki'n pas par deryer rido, kot pa'n al devan dan medya, i nou ki'n donn kolaborasyon pou nou kapab fer.

Sa ki nou annan petet kekfwa, i ankor en pti pe sa kiltir kot par ler ou konpran, bann dimoun i. Lafason kominikasyon kot nou bezwen aranz en pti pe plis kominikasyon.

Me Spor Pou Tou i enn ki for sirtou son kantite kolaborasyon e Minister Ledikasyon i bokou avek Minister Lasante. La i vremen, vremen *onboard* avek *even Internal Affairs*, partou zot pe vremen donn nou sa sipor lo sa kote. E pou nou kapab anmenn sa stratezi, sa prensip kot pou dimoun viv en lavi *healthy* e pou desantraliz li osi tou.

Vwala akoz ou vwar *Local Government*, akoz desantralizasyon i bezwen arive, i bezwen ganny fer. E tou dimoun i merit ganny vwar pe pran zot responsabilite. I annan en antite bann klib ki napa naryen pou fer ek Gouvernman. Nou ape pase, nou ape regarde ki mannyer nou kapab siport zot bokou, bokou plis pou nou kapab fer sa

vin en realite. E mon krwar petet larestan bann pwen ki'n ganny leve, mon ava pas avek CEO avek Ms Nibourette pou reponn. Mersi Mr Cahir.

MR SPEAKER

Tre byen. DG ou a komanse.

DG GYRA NIBOURETTE

Mersi Mr Chair. Onorab pou court St. Louis nou ti annan en meeting avek SIA akoz nou annan en Komite ki nou'n set up dan nou Minister pou Lenfrastriktir e SIA zot asiste nou lo la. Lenformasyon ki nou'n gannyen avek SIA, se ki court St Louis se Local Government ki sipoze antreprann. So, i pa dan nou Bidze. Mersi.

MR SPEAKER

CEO, i annan keksoz ankor?

CEO JEAN LARUE

Wi. Mersi Mr Chair. Onorab ou konnen i annan 34 Lasosyasyon Federasyon ki NSC i pou donn sipor e i donn sipor. Alors i enportan ki nou osi nou bezwen priyoritiz kote nou met larzan. Ok?

Dan ka *bodybuilding*; - annefe i annan 2 lasosyasyon *bodybuilding* e nou, nou'n dir avek zot nou bezwen, bann atlet. Pa kapab atlet i dan en

group an menm tan atlet i dan en lot group. So, annan en lasosyasyon, *then* nou a kapab ed zot. Me malerezman zot pa pe fer.

Me solman pou lenformasyon, wi lannen pase NSC ti ede, ti pey akomodasyon, *airfares*. Nou'n aste bann keksoz ki zot bezwen e pou zot *train* avek e zot in al *Dubai*. Ok? Nou pa'n fer gran tapaz pou dir be vwala ki nou nou'n fer. Me selman nou depans en bon pe larzan e an menm tan i annan en atlet osi ki oule al profesyonnel e nou pe ed li, en *bodybuilders* ankor.

So, i annan keksoz ki nou pe fer me malerezman kekfw parey Minis in dir, nou pa medyatiz li. Lenformasyon pa pe sorti. Me la kot nou, nou defi se ki nou annan zofisye ki pe travay pou fer sorti lenformasyon e kominikasyon. Se la kot nou bezwen aranze nou osi. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Mon premye kestyon i pou bann *sportsmen* pou Praslin ek La Digue lo kote lasistans ki Minis in eksplike i donn Federasyon, pa bann klib. Pou zot benefis si nou kapab

ganny lesplikasyon, ki formil ki servi pou donn sa lasistans. Si i lo zot bann *fixtures* ki zot bezwen desann Mahe oubyen *otherwise*. Sa i premye.

Dezyenm, Minis osi in klersi en konsern i'n ganny met devan par bann *MNAs* Praslin, ki bann atlet Praslin pe ganny serten difikilte pou enkli dan *National Team*. Me selman Minis in fer sorti ki i annan en Komite ki pe *deal* ek sa bann *grievance*. Mon kestyon lo la se Minis eski ler sa Komite in fini, i annan en *appeal process* pou sa bann dimoun oubyen desizyon sa komite i final.

E trwazyenm kestyon. Sa bann dimoun ki pou partisip dan *Jeux des Îles* lo baz *National Team*, eski bann *medal winners* pou annan okenn benefis pou zot.

Dernyen kestyon se, nou annan en *swimming pool* Praslin. I pe marse byen, me selman nou annan en sel faktor ki koz en konsern risk esa se son *pump room*. I dan en leta ki petet i demann latansyon. Alors mon pe met dan latansyon *CEO*, aköz mon pa vwar naryen dan Bidze. E an menm tan sa i pa en kou ki egzorbitan. Me selman i kapab ede pou *safety staff*. Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon. I annan bann kestyon, bann komanter mon pou les Ms Nibourette avek *CEO* lo kote *swimming pool*. E lo kote osi mon krwar in eksplik en pti git *CEO* lo kote met sa bann *medal winners* ki zot bann rekonpans.

Lo kote Federasyon Lasosyasyon, formil ki pe ganny donnen se vwala. Aköz letan departman in vini bomaten in met dan son Bidze pou *framework*. I annan en lalis avek en kalandriye lo pou re regard sa bann formil. I annan bann landrwa kot napa formil. I mank profesyonalizasyon, tousala. I mank zesyon, tousala ki nou'n dekouver ki mon ti pe koze taler ki i vin en defi lo ki mannyer nou pran desizyon. Ki mannyer nou eksplik sa bann desizyon, ki mannyer nou'n ganny pran.

E mon garanti ou i annan en pe fot ki nou fer ki'n ganny fer osi tou dan lepase lo kote sa bann desizyon ki mannyer in ganny pran. E vwala tousala ki bezwen ganny mete an plas pou nou konnen ki mannyer sa i ganny fer. Ki bann Komite Teknik. Eski i bezwen parey ou

ape dir, *appeal process*, ensidswit.

Pour lemoman dokimantasyon nou napa. Nou napa, nou pa'n vin zwenn. Nou napa e nou pe regarde ki mannyer nou re devlop li pli byen posib. Sa ki NSC i fer dan lepase ki in toultan, i ankor pe fer se ki i *allocate* Bidze avek bann diferan Federasyon Lasosyasyon. I partaze dapre kriter ki i annan pou li partaz larzan. E vwar la se sa ki'n arive. Prezan letan sak fwa in annan bann endividi ki'n vin anmenn *grievance*, bann klib ki'n vin anmenn *grievance* sa prezan nou'n bezwen pou nou pa dir non nou pa kapab mele, Federasyon Lasosyasyon. Nou'n bezwen dir be *ok*, i ava al kot departman e nou ava regarde ki mannyer sa bann *grievance* nou kapab, pa pini bann atlet ki, ou konpran. Akoz ki kekfwa petet i annan kek mal *attendue* dan zot Federasyon Lasosyasyon.

Be sa i reste en travay ki pe kontinyen ganny fer e nou pe ganny lasistans *Registrar* avek AG pou nou finaliz li, la, la, la Desanm sa lannen. Ki Zanvye e nou pe anploy en dimoun a plen tan ki i pou vin fer zis Federasyon Lasosyasyon kot NSC. Kot i ava pran tousala e i ava ansanm avek sa bann

Federasyon Lasosyasyon move lo en fason fer, ki mannyer bann model, ki mannyer keksoz i ganny fer. Nou pa kapab dir la, akoz nou pa ankor, nou bezwen annan tou bann *stakeholders* ki diskite.

E normalman osi dan sa bann *grievance team* la, Federasyon Lasosyasyon, sa ki pe fer son *grievance* zot pran desizyon ansanm. Zot pran ansanm. Mersi Mr Chair. Kekfwa petet la nou a kapab reponn kestyon lo kote *swimming pool*. Mersi.

MR SPEAKER

CEO oubyen DG. Lekel ki pare pou. CEO.

CEO JEAN LARUE

Mersi Mr chair. *Regarding swimming pool*. Sa problem la i deza an men Onorab e mon'n deza pe *procure* serten lekipman parey nou pe fer pou Mahe, nou pe fer osi pou Praslin. Nou espere avan lafen lannen oubyen boner lannen prosenn nou a'n kapab rezoud sa problem. Mersi.

MR SPEAKER

DG, ou annan keksoz pou azoute?

DG GYRA NIBOURETTE

Non Mr Chair. I *ok*.

MR SPEAKER

I annan kestyon ki pa'n ganny reponn? Petet ou'n demann tro bokou Onorab. Lekel ki pa'n ganny reponn.

HON CHURCHILL GILL

Wi, akoz napa bokou nou ki sorti Praslin Mr Speaker.

MR SPEAKER

Wi, *ok*. Ale.

HON CHURCHILL GILL

Well. Non, lo sa enn *medal winner*. Akoz i annan sa gro alokasyon, nou pa'n ganny dir be pou kwa. Me selman *at least* pou sa bann dimoun ki pe anvi al partisipe, koman en siny lankourazman, petet ti a bon zot konnen si zot *make it to medal level*, kwa ki zot gannyen. Mersi.

MR SPEAKER

Thank you. CEO ou ava adres sa.

CEO JEAN LARUE

Well, si zot *make it to medal level*. Par egzanp ki nou ti pe dir dernyen fwa, ki letan ou ganny en meday lor ou sorti avek R40mil. Me apre i annan bann posibilite nou vwar kote nou kapab plas zot.

Si sa bann dimoun i annan talan ekstra, nou kapab pou zot ansanm avek *Olympic Solidarity*. Fodre la nou travay tre pre avek zot. E nou'n vwar detrwa manrmay ki'n deza fer sa pase. Mersi.

MR SPEAKER

Thank you. Onorab Hoareau.

HON JOHN HOAREAU

Mersi Mr Chair. Bonzour Minis avek ou bann dimoun. Bonzour tou dimoun a lekout. Mon kestyon i plito en pti pe en konsern ki mon pe vwar lo reveni. Mon vwar anba *hire of buses* R75mil en reveni ki ganny kolekte tou le lannen.

An vi ki *hiring buses* par zot vole, mon ti a kontan konnen, oubyen par zot manda - mon ti a kontan konnen en pti leksplikasyon lo la.

Dezyenmman i annan sa *regional sports complex* ki si pe ganny fer Beau Vallon atraver en *PPP model*. Mon ti ava kontan konnen si atraver sa model i annan serten *equity in terms of* larzan anba vot *regional sport development* ki zot pe mete pour ki zot retenir en serten poursantaz gouvernans lo sa proze? Mersi.

MR SPEAKER

Thank you. Minis.

MINISTER MARIE-CELINE ZIALOR

Mersi Mr Cahir. Mersi Onorab pou ou bann kestyon. Lo kote *hiring of buses* mon ava les *CEO reponn*. Me selman lo kot *revenue* an zeneral, Minis Finans in dir avek nou poudir nou pou bezwen tou bann antite. Pa get zis nou depans, be regard en pti git *as well* bann reveni, ki nou kapab pou donn lanmen, aköz sa bann depans ki nou annan pou nou fer parey nou'n vwar i bokou. Pou nou kapab prevwar ki mannyer nou kapab anmas en pe reveni osi tou. E sa nou bezwen fer plan konkret pou fer. Me selman lo kote pou bis mon ava les *CEO* donn detay.

Lo kote *regional sports complex* Beau Vallon wi, nou ti pe espekte nou swete. Mon en pe dezapwente mwan osi, nou ti espekte ki sa bann bout *outdoor* in fini fer la Desanm. Me in annan en pe konplikasyon lo kote *LMH* avek sa bann *embargo* ensidswit, oparavan, ki ti deza la ki nou bezwen prezan esper labank pou tire pou nou kapab bouze., sa Beau Vallon *Sports Club* ki vreman zoli proze ki nou pou fer.

E definitivman nou'n fini *pledge* pou nou kapab ed Beau Vallon *Sports Complex* enkli i

annan ankor lezot bann *sports club* avek Lasosyasyon Federasyon en pti pe partou Mahe, Praslin, La Digue ki nou pe envite ki pe vini pou vin fer redevlopman serten bann landrwa kot nou konnen i *belong to NSC*, pou fer e nou pou ede finansyerman ki mannyer ki nou kapab fer. Definitivman pou sa *lease*, pou nou kapab annan.

E zot in garanti tou poudir pou annan en pe dan sa *building* bann lofis ki pou *NSC* ki pou deza ladan. So, definitivman Onorab mersi. E mon ti a petet pas laparol avek *CEO* pou ou premye kestyon. Mersi Mr Chair.

MR SPEAKER

Tre byen, *CEO*.

CEO JEAN LARUE

Mersi Mr Chair. Onorab *regarding hiring of buses*. Vre, Finans in dir nou, nou osi nou bezwen anmas en pe larzan, fer reveni. So, ler nou annan bis ki pa pe ganny servi, nou ganny demann an deor, definitivman nou lwe bis, pou nou anmas en pe larzan. Me selman i pa nou *core business*. Mersi.

MR SPEAKER

Thank you. Onorab Samynadin, eski mon'n sot ou?

HON KELLY SAMYNADIN

Mersi Mr Speaker. Bonzour Minis avek ou delegasyon e tou dimoun a lekout. Minis mon santi mon ankor dan en pe konfizyon an sa ki konsern sityasyon sa zafer laplenn dan distrik. Mon konnen i annan plizyer Manm ki'n demann kestyon lo la. Me selman, mon pa konnen. Mon santi ki petet an sa ki konsern kategori laplenn, sa gro ek sa ki pli pti. Dan distrik nou'n ganny dir, poudir pti laplenn *NSC* pa *entertain*. Sa ki mwan mon'n ganny dir.

Nou annan en laplenn deryer *hall*, i lo later Gouvernman, me selman ziska ozordi okenn renovasyon pa'n ganny fer lo la. *Fencing* i dan en depi. Lalimyer osi i dan en depi. So, mon ti ava kontan en leklersisman lo kot nou, nou *stand* dan distrik an sa ki konsern pti laplenn avek gro laplenn?

Aprè dezyenmman, mon ti a kontan en leklersisman osi an sa ki konsern lalimyer lo gro laplenn. Mon pe gete si zot pe konsider dan lefitir pou konsider lenstalasyon *solar lights*, aköz dan distrik Au Cap mon krwar *CEO* i konnen a plizyer repriz lalimyer in ganny kase dan en lannen a plizyer

repriz. Larzan in ganny peye pou re mete, en mwan apre lalimyer i ganny kase.

So, mon pe gete si zot pa pe mazin konsider lentansyon *solar lights* pou kapab remedye sa sityasyon e redwir kou lo Gouvernman osi.

MR SPEAKER

Mersi. Minis?

MINISTER MARIE-CELINE ZIALOR

Mersi Mr Chair. Mersi Onorab pou ou kestyon/konsern. Nou partaz zou konsern. Nou partaz ou konsern. Vwala la aköz nou pe fer sa bann restriktirasyon e nou pa'n kasyet nou bann defi. Nou pa'n kasyet sa bann *challenges* ki nou pe dir.

Mon mazine kekfwà en dezapwentman pou tou dimoun konsernan sa e ki mannyer lafason ki pandan sa lannen sirtou, keksoz in deroule, in ganny fer e en bon pe *malentendu*, en bon pe mank kominikasyon.

Petet ki mon ava sizere avek Lasanble, Mr Chair ki, aköz Ms Nibourette pe fer legzersis ansanm avek al kot *Local Government* in apwent en nouvo dimoun, Mr Songor, ki *meeting* pou ganny fer semenn prosenn. Mon osi mon'n dir

sort sa out once and for all, nou de Minister Hoareau nou'n dir.

E nou'n met an plas la pou nou kapab fer sa. E ti annan en pe blanm kanmarad, en pti gir redi, bose, isi laba. E sa imen sa. Parfwa ki arive. Me nou pe met en pe lord ladan. Petet mon a sizere ki prezan par rezyon ouswa an gro bann *meeting* avek *DA* ouswa avek *MNA* i ava ganny fer pou donn en pli bon leksplikasyon, ki ava tir en bon sa bann konfizyon e tou bann konsern konsernan bann laplenn ki kapab *map out* ptipti, gro.

I ava desizyon ansanm ganny pran *once and for all*. Kot nou ava kapab fer sa. Kekfwa sa i ava en pti pe pli fasil. E lo ki konsern lalimyer, lo kote *solar*. Definitivman. Definitivman nou pe mazin soutenabilite nou osi lo kote *sports* e sa i dan nou plan pou nou anmenn diferan fason fer, lekipman, lenfrastruktir ki pli soutenab. Mersi Mr Chair.

MR SPEAKER

Thank you Minis. Onorab Aglae.

HON EGBERT AGLAE

Mersi Mr Speaker. Minis ankor enn fwa bonzour. Minis mon'n ekout ou dernyen larepons kot i konsern *maintenance* laplenn e

mon krwar tou Manm ki annan en distrik ozordi pe koz lo sa size. *Now*, Minis eski dan sa legzersis ki Ms Nibourette pe al fer avek *Local Government*, akoz mon krwar i annan serten responsabilite ki tonm anba zot osi, zot kapab vwar lo petet ki manner, e finans i la.

Akoz lontan ti annan en lekip anba *Local Government* ki ti monte ki ti koup tou sa bann pti laplenn ki *NSC* pa *take up*. I ti annan en vot ki ti ganny mete anba la, sa si mon pa tronpe apepre R500 mil.

E eski petet, mon pa pe dir zot retourn sa - petet dan zot transformasyon zot pa anvi vin ek menm lide. Me selman pou kapab fer sa travay i pou bezwen dan en prosedir dan preski dan menm laliny. Mon dir sa akoz si nou dir Ladministrasyon Distrik pou *take up*, zot napa kapasite, zot napa mazin. Laplenn pou koup en mwan, dan sis mwan ki i pou koupe ankor.

So, eski zot kapab petet antanm sa lantant avek ou koleg Minis kot *Local Government*, pou kapab rezourd sa problemn enn fwa pour tou.

Dezyenman Minis, i annan en logmantasyon dan 10poursan ki Finans in donner e zot in donn osi bann etidyan ki pe *overseas training*, eski

bann *High Level Athletes* osi pou ganny konsidere ganny en pti logmantasyon dan zot *allowance* ki zot gannyen zot osi, an vi ki kou lavi an deor osi i kontinyen monte? Sa i enn.

Dezyenm, nou annan bann zwe ki Sesel i bezwen partisip ladan lo nivo enternasyonal ankor - preparasyon, nou annan *Jeux des Îles* ki pe vini, i nannan bann target Olenpik ki nou'n set. Mon ti a kontan petet konnen la anba sa Bidze, *ok* - kantite *coach* ki atase avek bann levennman ki nou pe kalifye pou nou partisip ladan?

E osi bann *training camp* ki sa bann disiplin i bezwen ale. Ki kantite larzan ki pe ganny prozekte dan sa Bidze pou kapab at *least* siport zot ziska sa gran zour? Mersi.

MR SPEAKER

Thank you.

MINISTER MARIE-CELINE ZIALOR

Mersi Mr Chair. Mersi Onorab pou bann kestyon e sizesyon. Sa sizesyon lo kote laplenn, *field ek maintenance*. Nou pli gro defi, mon a koz lo kote NSC, mon pa kapab koz lo kote *Local Government*. Lo kote NSC nou defi nou se imen. Se kapasite

imen pou kapab, pa zis lo kote laplenn - enn de bann larestan keksoz osi tou, pou nou kapab fer sa bann travay efektiv e ganny fer byen.

E en keksoz senp par egzant pou nou kapab move *away from* sa bann pti masin koup zerb. Envestir dan en masin, en trakter ki fer sa louvraz en pe pli vitman. Ler mon pe dir sa, i modernizasyon osi tou ki nou ape re kalkil li pou nou kapab refer, pou nou revwar tou sa bann laplenn ki annan. E definitivman nou pran konsiderasyon, pran kont tou sa bann dezapwentman.

Parey mon pe dir, nou pa pe kasyet, pe dir nou'n fer byen, isi laba. I bann keksoz ki nou'n bezwen met nou lanmen ladan pou nou atrap li e nou pe refer sa bann *meeting*, re pran bann lezot desizyon *with regards to* ki manner nou'n nobou kapab *maintain* sa laplenn.

I pa demarkasyon, lekel ki *maintain*. *Local Government* ensidswit li. I annan pou fer avek imen sa. I nou bann *staff*, nou bann dimoun e ki manner nou pe reorganiz sa ki nou defayans e defayans antye dan NSC.

Lo sa ki konsern *High Level* Atlet, nou pe refer, revwar nou *High Level* e la ziska Desanm nou pou'n nobou

kapab vini pou nou prezant en program *High Level* ki pou modernize, ki si annan okenn logmantasyon lo kote *allowance* i ava ganny vwar lo sa kote. E i annan en *revamp High Level* total ki pe ganny fer.

E sa ki konsern bann *coach*, nou'n fini demann tou bann Lasosyasyon Federasyon donn nou zot plan lantrennman pou *Jeux des Îles*. Zot ki bezwen fer sa, zot bezwen zot seleksyon, donn nou sa plan avek konbyen i pou koute. E nou ankor pe espere pou nou kapab ganny sa plan avek bann Lasosyasyon Federasyon.

E nou annan osi restriktirasyon kot *NSC*. I annan en dimoun kot in *shift* kot sa ki i pe fer, i pe al fer zis *Games*. Zis *Games* enternasyonal pou li kapab *focus* lo la, pou kapab donn sa kalite sipor e kit azour lo sa bann zwe enternasyonal.

Pa zis bann kot nou le aletranze, me selman sa bann osi ki pou fer isi ki nou pou espekte prezan kot nou annan en pli bon zesyon lo la, e ki sa bann lantrennman, sa bann preparasyon i komans boner. La nou ape koz e la i deza tro tar pou *Jeux des Îles*, ou vwar?

E i sa bann bout kot nou santi i bezwen ganny amelyore e parey zot pe vwar Mr Chair,

nou annan pa mal bann bout pou nou fer pou nou aranze kot i konsern *sports* avek *NSC* pou tou sa bann letan ki nou'n petet nou pa'n profesyonnalizm li.

Ouswa nou pa'n pran li osito serye parey en lot *portfolio*. Parey nou ti pou fer avek nenport ki lezot *portfolio*. Kot la aprezan nou vwar nou ape annan de ler retourn net, *back* lo *drawing board* pou nou al refer serten keksoz ouswa pou nou get kapasite nou bann dimoun.

E en pe sa bann keksoz la ki nou pe diskite, nou napa kapasite. Nou pou bezwen al devlop kapasite e pou nou al rod. Me selman i deza annan, plan i deza la e plan i la. Nou bezwen prezan organiz nou pou kominik sa bann plan, pou nou kapab pran sak sa bann bout, vini kominike pou nou kapab vin donn bann lenformasyon lo la.

E i annan bokou parey la, pa mal bann travay lo diskisyon avek lezot bann antite. Avek tou sa bann antite konsernen pa mal diskisyon ki pe ganny fer la pou nou revwar e mon garanti zot poudir mon lanmen i ladan la. E preski tou le semenn nou annan sa bann *meeting feedback* lo tou, lo *High Level*, lo lenfrastriktir. Lo tou

sa bann keksoz pou nou kapab re organiz en pti git *sports* vi ki kot i ete la, kot nou pe komanse, nou pe komans bokou pli lwen ki mon mazine manke preski tou bann larestan Minister. Si mon pou et fran avek zot Mr Chair.

Mon pa konnen si mon'n fini reponn, ti annan en pe pa mal kestyon pou Onorab, Mr Chair. Mersi.

MR SPEAKER

Wi, i annan pwen ki pa'n ganny reponn? *Go ahead* vitman.

HON EGBERT AGLAE

Yes Mr Speaker. Mersi Minis pou larepons. Lo kote konsern finans li menm li, mon konnen poudir sak fwa i annan bann gro levennman, *ok* sekter prive osi i donn en koudmen. Eski nou pe komans ase boner pou kapab *pull in the resources required* pou *mark* sa ki Gouvernman pe donner? Mersi.

MR SPEAKER

Mersi. Minis en repons *please*.

MINISTER MARIE-CELINE ZIALOR

Wi, mersi Mr Chair. Mersi bokou Onorab pou lev sa pwen. Definitivman. E nou'n fini anploy, i annan en dimoun ki

fer *corporate* kot NSC la - nasyonal *as well as* as enternasyonal ki'n pare pou nou al get nou bann *sponsors*. E i annan bann ki deza in fini, parey MCB in fini *pledge* pou *sponsor Jeux des Îles* e i annan bann larestan osi bann *sponsors* ki pare pou zot vin devan.

Parey mon pe dir, mon vremen apresye. Mon bezwen dir mersi bokou nou bann *corporate* e Seselwa an zeneral pou. Tou dimoun i kontan sports e tou dimoun mon santi poudir zot pe donn en koudmen e zot vin bokou devan. Nou defayans se kekfwa kominikasyon ou fer pase sa en pti pe pli byen dan lefitir pou 2023. Mersi Mr Chair.

MR SPEAKER

Mersi. Onorab Esparon.

HON REGINA ESPARON

Mersi Mr Speaker. Mr Chairman avan mon komanse, petet mon oule *echo* en konsern pou en paran ki pe dir poudir CJSOI pe al fer le 2 Desanm e paran pa ankor ganny apele pou en *meeting*. Mon pa konnen ki Federasyon, ki Disiplin son zanfan i ladan. Zis mon poz sa la Minis pou adres sa size, pou kekfwa i ava eklersi sa paran ki annan sa konsern.

Minis, dan tou sa bann konfizyon e malantandi parey ou'n dir, ler mon pe regard lo *PSIP* i paret mwan ki sa pti laplenn Glacis ki ganny servi par bann tim foutbol in ganny met en kote, in ganny oubliye.

Ti deza annan en proze pou *upgrade* sa laplenn Glacis, parske sa laplenn li menm li i tord, i pa drwat. I napa lalimyer e i annan bann bafon dan milye ki letan lapli i tonbe i kre bann *culvert* dan milye la kot delo i akimile. E Onorab *LOTO* pou konnen sa ki mon pe dir akoz li i en dimoun ki ti servi sa laplenn pou *practice, practice* son foutbol parfwa.

E sa laplenn li menm li in ganny neglize. E ler mon get anba *PSIP* mon pa pe vwar naryen ki'n ganny mete pou renovasyon sa laplenn. Mon konpran sa konfizyon kot avan sa ti anba Gouvernman Lokal, prezan in vin anba *NSC*. Me selman Minis, mon pe zis enplor ou pou regarde ki fason konmsi zot kapab ed bann tim foutbol Glacis ki servi sa laplenn, pou nou *upgrade* sa laplenn.

Nou ti demann en graden, apre nou ti demande pou nou ganny lalimyer tout atour sa laplenn epi pou dres li en pti pe akoz i tord. Me selman antretan mon remersye *PS, PS*

Jean-Louis kantmenm i pa la avek Mr Freminot, Mr Kilindo ki'n kapab donn nou en lalimyer, epi zot in kapab donn nou en pti pe *sandfill* kot nou'n kapab ranpli en pti pe sa. Me selman *still* i pa lo standar. Sa premye.

Dezyenmman Minis, mon ti ava anvi konnen si dan sa Bidze i annan alokasyon - mon konnen i annan en alokasyon ki ganny mete dan distrik avek Gouvernman Lokal pou bann tim foutbol. Parski nou Glacis nou annan nou 2 tim foutbol. I annan *Northern Dynamo* apre i annan *Glacis FC*. Zot ape *struggle* an sa ki konsern pou ganny serten lekipman e nou konnen poudir avek *COVID sponsor* dan distrik i preski napa.

Avek *Glacis FC* zot ganny en problem akoz, pa zot ki lafot. Me selman *Management* ki ti la avan son kont pa annord, prezan ki i fer zot pa pe kapab ganny sa larzan avek Federasyon oubyen dan distrik la pou zot kapab soutenir zot. Parski zot in ganny demande pou al met zot kont annord.

I pa sa *Management* ki la, me sa *management* avan ki pa'n met son kont annord. Prezan zot, zot pe ganny pini. Ki fason konmsi nou kapab rektifye sa Minis? Mersi.

MR SPEAKER

Thank you. Minis, repons.

MINISTER MARIE-CELINE ZIALOR

Mersi Mr Chair. Mersi Onorab osi pou ou kestasyon konsern. Mon krwar mon pou pran zeneral an gro, mon krwar i pou aplik pou tou distrik, pa zis pou Glacis. Lo bann *playing field* dan lezot landrwa sportiv ki egziste, ki annan, nou kapab fer bann diferan rankont, kot nou ava kapab regarde, pa tou ki pou kapab sorti dan Bidze NSC.

Pa pou zanmen kapab sorti tou dan Bidze NSC. Me selman parey mon pe dir, i pa vedir ki nou napa en lot solisyon. Parey yer mon ti ape koz avek en lasosyasyon *sports* ki'n vin en *Union*. Zot in organiz zot ki zot ava kapab ede avek detrwa distrik. Avek detrwa bann *sport* avek public *private partnership*.

Sa ki nou kapab fer se *facilitate* sa bann diskisyon kot diferan distrik, kot nou kapab osi regard. E i annan pa mal bann dimoun ki ti ava kontan dan bann distrik ede pou zot kapab adopte bann laplenn, bann *court*, bann klib osi tou ki ti ava kontan ki nou, nou ti ava konsantre sirtou lo bann gro, gro lenfrastriktir, kot nou

bezwen fer bann gro *maintenance*, bann gro redevlopman an plis ki sa bann devlopman ki nou ape koz lo la, la.

Savedir nou kapab ganny en Lakor Mr Chair, ki nou kapab fer sa dan bann distrik. Asize regarde ki mannyer ansanm nou *facilitate* pou dir sa i kapab ganny fer, ki kantmenm ki pa tou ki bezwen sorti. E i annan mon mazine par egzanz bann *Consul* ki ti la, ki'n fer letour dan bann distrik osi tou, ki anvi adopte sa bann distrik. Zot ava kapab zot osi.

Akoz i annan pa mal zot ki'n vin kot nou, ki ankor pe an kontak. Ki dir ek nou, zot kontan, zot ti ava kontan siport *sports*. E sa osi i kapab ganny fer. Nou bezwen kekfwa pou sa bann distrik ouswa bann landrwa endividyel ki nou santi kot i pli pou servi, kot nou pou bezwen e nou kapab asize fer bann diskisyon detaye 2023 avek letan bann restriktirasyon, bann dimoun kot NSC.

Nou pe kalkile met tou bann dimoun dapre nouvo striktir an plas la lafen Novanm ki nou ava kapab vin dir lekel ki ansarz lekel. Kot bann distrik i ava kapab fer sa bann diskisyon e regarde ki mannyer, ki bann solisyon spesifik pou

sak sa bann laplenn ki nou ape koz lo la an plis ki sa bann kolaborasyon avek *Local Government*.

E lo sa ki konsern pou Federasyon avek bann tim bann klib. Mwan mon kontan koz lo disiplin. I annan serten disiplin ki nou pou bezwen re met dan *sports*. *Sports management* dan zesyon *sport*. Ki nou pa pou kapab kontinyen pe bouz larzan si kantmenm sa. E Mr Speaker, tou sa bann keksoz ki nou ape koz lo la pou *sports*, mon osi pa ti mon *management* sa. Mon osi mon'n vin erit sa. Be selman mon bezwen pe fer, ou vwar?

E nou pou bezwen osi tou ki sa bann lezot Federasyon, bann klib osi ki vini, ler ou pe vini ou'n vin erit serten keksoz, kot ou bezwen, wi ou fer konnen. Pa ou lafot, me selman si nou anvi bouz devan, si nou anvi bouz devan nou pou bezwen pran en bout. E nou ki nou dir, si ou bezwen led par egzant ek en *accountant*. Ou bezwen led pou ed ou, ou pa konnen ki mannyer pou met annord. *NSC* i ede ladan. Pou met ou annord, pou ed ou lekor. Nou, nou kontan *press* lo pou ed ou lekor osi tou. Kot zot a kapab met zot annord ki si Federasyon Foutbol prezan i

pou donn zot serten lasistans, i ava kapab fer.

Nou anvi ki bann Federasyon ek lasosyasyon ki pran an men, an kont zot bann klib e ki zot fer sa bann debousman dan bann klib. E si i annan okenn parey mon pe dir, nou'n fer provizyon *grievance - any grievance* zot bezwen formelman. Sa ki par ler bann dimoun pe fer, zot fer bokou avek mwan tou. Zot anvi anvoy nou en *WhatsApp message* -" nou anvi -" I pa formel sa.

Nou bezwen gard rikord. Nou le ki bann *grievance* kantite ki'n nou'n *deal* avek, ki kantite ki nou pa ankor *deal* avek ensidswit. I bezwen - E parfwa nou tant pou pa tro, tro kontan. Zot anvi kekfwa zwenn mwan en pti kou dan koridor par la ou dir, "Minis ou konnen i annan tel-"

Nou bezwen, mon dir, ekrir en formal *grievance to the office* Sekreter Prensipal. E vwala prezan zot ava ganny kriye pou regarde si i annan kek *grievance* avek Lasosyasyon Federasyon ki definitivman i met tou bann *stakeholders* ansanm pou kapab ganny rezourd si i annan bann ka endividyel.

E sa ka ki ou pe dir pou sa paran. Mon pa konnen ki

Disiplin. Kekfwa si ou ti donn nou ki Disiplin responsab nou ti ava kapab regarde si an ka bann paran pe dir zot pa konnen pou nou fer le nesesser. Mersi Mr chair.

MR SPEAKER

Wi Onorab, ou kapab enform li.

HON REGINA ESPARON

Mr Chair, zis sa pti bout mon ava demann avek Minis si zot annan plan reviz sa alokasyon. *The amount of* sa alokasyon ki bann tim i gannyen dan distrik atraver distrik, non? Federasyon. Ok, mersi.

MR SPEAKER

Bon nou a kontinyen. Onorab Lemiel.

HON SYLVANNE LEMIEL

Mersi Mr Chair. Parey nou konnen dan Bidze nou tou nou'n vwar, Anse Royale definitivman i pe benefisyen apre en long letan espere. Nou pou benefisyen avek nou Anse Royale *Sport Complex* e an menm tan Minis mon vwar ki ou'n mete dan Bidze osi en R4 milyon as en *foreign grant*.

Mon ti a kontan ganny 2 pti leksplikasyon. Sa lannen nou ti annan nou R3.75milyon ki i annan serten travay ki pe komanse la. Akoz nou'n form en

komite ki Ms Grya Nibourette li menm li i Chair. Mon pou dir li kontrer mersi pou son lefikasite lo sa komite. E nou pe travay byen ansanm.

So, i annan R3.75 milyon pou sa lannen. Mon vwar en lot R3.75milyon pou lannen prosenn. Savedir nou *combine* i vin 7milyon pou lannen prosen. Savedir bout sa lannen ki pe ganny anmase apre nou pe ganny ankor en nouvo 3.75 milyon?

Dezyenman, 4milyon anba *foreign grant*. Eski in fini garanti e si wi petet ti a bon nou konnen petet lekel ki pe *genereux* pou donn sa *foreign grant* pou Anse Royale? Mersi.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Cahir. Mersi Onorab pou ou kestyon. Apre mersi bokou osi pou ou remark pou dir nou mersi bokou. Mon apresye bokou. Rar par ler, ler ou travay ou ganny dir mersi. So, ozordi en bon keksoz dan Lasanble Mr Chair. En valer gratitud pou nou dir mersi, apresyasyon, pou bann travay ki pe ganny fer.

Pou bann detay lo kote *foreign grant* mon ava - Detay i

avek Ms Tamatave, i ava kapab reponn. Lo konsernan apre bann detay osi ki mannyer sa Bidze lo CAPEX pou Anse Royal, i annan Ms Tamatave apre Ms Gyra osi, Ms Nibourette i ava kapab donn bann detay. Mersi Mr Chair.

MR SPEAKER

Thank you. Ms Tamatave ou ava eklersi.

**COMPTROLLER GENERAL
ASTRIDE TAMATAVE**

Mersi Mr Chair. Sa R4milyon anba *foreign grant* i bann proze anba '*small development grant*' ganny finanse par Gouvernman Lenn. I pou *indoor court* Anse Royale e i deza annan en *project proposal* ki'n ganny soumet pou sa proze e sa R3.7milyon pou 2023 pou Anse Royale i pou dezyenm faz louvraz. Mersi.

MR SPEAKER

Thank you. CEO, wi ou annan keksoz pou adrese? Non. Oubyen. Likel ki ou'n dir Minis, Ms Nibourette?

DG GYRA NIBOURETTE

Mersi Mr chair. Onorab pou sa 3.75 pou sa lannen, nou'n nou komanse, me selman nou pa pou fini. Nou pe *as much as* ki nou'n kapab nou'n - parey ou konnen faz 1 in fini ale, i pou

reset nou faz 2 and 3 ki nou, nou ti'n dir nou pou *combine* tou lede ansanm lannen prosenn e sanmenm sa ki nou'n ganny sa 3.75milyon. Mersi.

MR SPEAKER

Thank you. Onorab William.

HON WAVEN WILLIAM

Mersi Mr Chairman. Mon anvi demann avek Minis par lefe ki Bidze 22 e mon mazin bann diskisyon ki nou'n fer an 2021 osi tou. Ti annan en lanfaz pe ganny mete lo problem ki bann *inadequacy's* ki bann federasyon avek bann lasosyasyon ti pe fer fas avek.

So, mon anvi konnen pou par lefe ki sa prensip *RBM* pe al ganny enplimante lannen prosenn, eski bann Federasyon avek zot bann manm, zot in ganny en *dose* konversasyon vizavi sa *RBM*? Akoz letan ou pe get anba zot *challenges*, dernyen *bullet point* ki annan pou fer avek '*good governance, accountability* avek *transparency,*' mon anvi konnen si zot in fer en travay pou sansibiliz sa bann Federasyon avek lasosyasyon, akoz si non, mon pe vwar nou, nou pou annan menm problem ki nou ti pe gannyen, kot resours ki nou annan i limite, i ganny mal itilize.

E eski Minister i satisfé ki ozordi sa eleman mank konpetans. Mon pa pou dir in ganny soutire, me ler ou napa dimoun kalifye dan serten pozisyon, *you are bound to make a lot of mistakes and waste a lot of resources.*

So, eski zot pe adres sa? Mersi.

MR SPEAKER

Thank you. Minis.

MINISTER MARIE-CELINE ZIALOR

Mersi Mr Chair. Mersi Onorab pou de kestyon, tre pertinan. Mon a pran sa dezyenm kestyon avan. Defini dan plan, kantite plan NSC. Nou'n deza komans fini fer konversasyon par egzantp avek *Petit Co, Normandie* kot nou'n fini komanse e larestan landrwa osi tou kot nou pour bezwen fer bann *training* parey *Cyprus*. Mon konnen Ms Nibourette i an konversasyon, nou pe fer *training plan* pou nou kapab devlop kapasite e nou pou regarde, fer lapel avek sirtou bann zenn ki anvi pran en karyer dan zesyon *sport*. Ki anvi pran en karyer pou nou kapab fer sa.

E i pa pou zis a plen tan. Nou pe mazin osi bann dimoun ki anvi fer lo kote *part time*. Pou

nou devlop - annan en *massive* legzersis lo devlopman kapasite lannen prosenn ki dan sa Bidze la, ki nou pe diskite.

Lo kote ou premye pwen, ki kantite rezourd nou'n rezourd sa problemm Lasosyasyon Federasyon? Pa bokou. Selman pa tou lasosyasyon ek Federasyon i dan problemm. Bann ki annan bann problemm, nou pa ankor tro adrese, aköz 2022 nou'n bezwen met lanfaz lo -. Nou ti annan pa mel defi anndan dan NSC. Nou pa kapab al petet al adres sa bann defi avek Federasyon Lasosyasyon toultan nou pa adres nou defi nou. Nou'n bezwen adres nou bann defi nou, regard sa striktir, regard -

E nou napa en Lalwa, nou napa en Polisi ki gouvren Federasyon. Sa nou bezwen pe fer e dir ek sa Lalwa ki pou vini ki *PS* in mansyonnen boner lannen prosenn dan Lasanble pou vin diskite, egzakteman nou pe ekspekte avek bann konsey nou gannyen avek *AG*, avek *Registrar*. E *Registrar* i annan en nouvo Lalwa li osi tou ki ti donn nou loportinite pou nou met tousala anba en *framework* e ou pa kapab al met lord avek ou kanmarad si ou pa met lord se ou.

So, nou'n pran sa lapros pou nou fer sa kapasite pou nou kapab apre. Me selman nou ape koz lo en pe keksoz par egzanp lo kote *coaching*, mon konnen Komisyoner *Coaching* in fer pa mal. E lo kote bann *High Level* lo bann *games*, pa mal nou'n rankontre par egzanp avek tou lasosyasyon ki pe al pran par dan *CJSOI*, tou lasosyasyon *Jeux des Îles* pou nou kapab fer serten, e i annan bann pa mal bann defi ki pe monte pou nou kapab adrese.

Me selman nou osi nou annan pa mal defini kot nou bezwen pe adrese petet avan. Me nou pou'n fini konklir li *by* lafen Novanm la. Mersi Mr Chair.

MR SPEAKER

Thank you Minis. Wi Onorab annou fer li vitman pou klarifikasyon.

HON WAVEN WILLIAM

Mersi Mr Chairman. Mr Chairman, an swivi avek sa larepons ki Minis in donnen, zisteman an term *limited resources*, par lefe ki zot annan bann diferan lenfrastruktir o nivo bann distrik, mon vwar poudir zot pa pe servi *to the maximum in terms of* desantraliz aktivite NSC. Zot kapab osi fer *fund raising* o nivo

distrik dan en form *PPP*. So, mon pe demande ki zot konsider sa osi tou. Mersi.

MINISTER MARIE-CELINE ZIALOR

Mersi Mr Chair. Mersi Onorab pou sa keston. Nou pa pe mazin fer, nou pe mazin fer le kontrè. Responsabilite pou organiz aktivite sportiv i bezwen reste ek Federasyon Lasosyasyon. Vwala akòz nou pou bezwen *build up*. Zot bout ki fer bann demars lo sa lot kote i annan *sport* konpetitiv apre i bezwen annan sport pou tou ki i annan bann lezot klib, i annan Yunit Spor Pou Tou ki ede.

NSC ki se sa nouvo Lalwa ki nou pe mete la i sipoze en regilater, fasilitater li. I pa en lazans ki bezwen organiz tou keksoz. I pa posib, mentenir tou sa lenfrastruktir sportif. Organiz tou sa bann aktivite. Sa i en resipi parey nou pe dir pou nou *fail*. Nou pe set nou lekor pou nou al *fail* la.

Nou, nou bezwen donn bokou plis fasilitasyon e *train* bann dimoun, bann ankadrer ki dan bann distrik pou fer vibran. Nou anvi ki distrik i pran *ownership*, e ki NSC li i santral li. I santral e i sipoze regilarize, *fund* kot i kapab *fund*, regarde ki mannyer. Parey la nou pe fer en pe avek

Spor Pou Tou, nou pe fer letour pou ou kapab regarde pou nou ed dimoun fer legzersis, kote ki annan e kote nou kapab ede e nou'n menm apros Ledikasyon pou regard son bann fasilite osi kot Ledikasyon ki i dir nou, nou kapab servi pou fer.

Nou pou bezwen kontrere, nou pe sey degrosi, nou bezwen anploy bokou plis dimoun pou fer aktivite. Nou, nou anvi ki fer aktivite i pa merit en keksoz ki Gouvernman i annan monopoli lo la. I merit ki nou ankouraz bann larestan dimoun pou zot e i annan pa mal dimoun ki pare pou fer. E bann *sports club*, sa ki zot merit pe fer.

Bann Lasosyasyon Federasyon se sa ki merit pe ganny fer dan bann distrik pou ki i annan sa bann klib ki dekoule atraver lasosyasyon, atraver bann Federasyon. Nou, nou pou fasilite sa prosedir pou nou kapab fer li arive. Antretan bann aktivite Spor Pou Tou ki i annan en Yunit Spor Pou Tou osi ki kot nou ankouraz bann dimoun.

Par egzanp nou pou ankouraz bann dimoun ki, bann klib sportif. Nou konnen nou pe fer en pe desantralizasyon pou nou kapab fer parye bann *sports* parey *gymnastics* e lezot ki labaz atletik, ki labaz tou

sports, pou nou sey rod bann ankadre pou nou kapab form zot. E sa nou *Commissioner Coach* i lo son program 2023, nou pe al travay lo la pou kapab fer ankadre zot. E prezan zot, zot bezwen al dan bann distrik. Bann ki enterese. Bann dimoun ki ankor zenn, ouswa ki'n retire ki annan bann *PE teachers* ensidswit, ki annan en pe letan apre ler ki kapab fer nou bann distrik vibre.

Nou, nou pou zis ankadre en fasilite. Nou pa ou kapab annan anplwaye *NSC* ki al fer tousala. I pa posibil. Nou pou bezwen anploy plis ki 200 dimoun pou nou kapab fer tou sa ki nou anvi i ganny fer. E nou anvi tir en pe - sanz lapros filozofi ki nou'n annan la ki -. Apre letan ou annan zis en sel landrwa ki pe fer tou aktivite, ou ganny zis en sel kalite aktivite.

Ler i annan divers pe fer ou ganny en divers, en pe parey *Kilo Game* pe fer dan bann distrik en pe partou.

Nou pe ankouraz sa e nou pe dir ek zot organiz zot byen, fer bann *sports club*, nou a deryer zot, nou a donn zot tou sa sipor posibil enkli sipor finansyel. Mersi Mr Chair.

MR SPEAKER

Thank you. Onorab Pillay.

HON SEBASTIEN PILLAY

Mersi Mr Speaker. Bonn apre midi tou dimoun. Bonn apre midi Minis avek ou delegasyon e mersi *so far* pou zot bann larepons ki zot pe donner. Premyerman Mr Speaker, permet mwan lo lapar nou *Caucus* dan Lasanble Nasyonal swet tou sipoter, manm e aktivis *United Seychelles* en bon le 16 Novanm. Mon krwar sa dat i sinifikatif pou nou parti akoz se dat laniverser Prezidan e Fondater nou parti Mr France Albert Rene.

So, sa mesaz lankourazman e lekspresyon sipor i al pou tou nou manm *United Seychelles*. Mersi bokou Mr Speaker.

Dezyenman Mr Speaker, mon'n fer li mon devwar pandan ki Minis pe koze pou retourn dan son bann verbatim an relasyon avek Bidze Konsey Nasyonal pou *Sport* e mon bezwen dir Minis, mon lapros dan sa ki mon pou al dir, mon pou dir dan en fason en pe pli pozitiv akoz i enportan pou bann *sportsmen* ki mon pran li dan fason pozitiv e nou pa servi petet mon fason vwar li politikman pou atak ou.

Minis ler mon regard bann larepons ki ou ti donn nou an 2021, ou pe re donn nou preski

menm larepons me safwasi avek leskiz.

Par egzanp; Lasanble Nasyonal ti demann ou ler ou ti pe koz lo *right sizing* ki pe arive dan *NSC*, si sa pou permet ou annan kapasite pou ou delivre lo manda *NSC* e ou ti dir nou koumsa. - ou ti servi en lekspresyon kot ler ou regard en limero laba, ou regard en limero isi, nou tou nou vwar li dan en fason. E ou ti reasir nou - reasir Lasanble ki avek sa kapasite ki ou annan ou pou kapab *delivre!*

Sa lannen ou dir nou i annan en mank kapasite pou ou *deliver*. So, mon ti a kontan Minis, akoz dan lentere bann *sportsmen* pou mon pa fer politik avek bann larepons ki ou donn nou, akoz ou koz bokou Minis. Dir nou ki mannyer ou pou pas a laksyon lo serten size?

Par egzanp Minister, ozordi kot *NSC* eski i annan en *CEO* pou *NSC* akoz mon'n vwar ki i annan en lavertisman pou en pozisyon *CEO* lo *JOB* pou *NSC*. Konbyen dimoun ki'n *apply* e lekel ozordi ki pe *run* *NSC* pou fer ki i annan en *interface* avek bann lekip, akoz dapre sa ki mon'n gannyen lenformasyon, i a fer 2 mwan la ki napa en *interface* avek en dimoun ki a latet *NSC*. Sa i

keksoz ki mon'n ganny en formen avek bann Federasyon.

Dezyenmman Mr Speaker, mon ti a kontan Minis i klarifye, Onorab Esparon in fer sorti en konsern lo lapar bann *sportsman* Glacis ki mon totalman siporte. I vre ki nou laplenn Glacis in ganny lese dan en bon pe letan. Me Glacis nou konnen nou'n ganny *AstroTurf* ki tonm plito lo nivo La Retraite *ok*, i pa neserman Glacis, i tonm plito pou Anse Etoile. E nou annan sa pti laplenn North East Point.

Eski Minis dan sa larepons ki ou'n donn Onorab Esparon, ou pa'n kapab donn li en *commitment*, eski ou dan en pozisyon pou donn en *commitment* bann zabitan e bann *sportsman* Glacis ki servi sa laplenn ki zot pou revwar e re petet konsider bann priyorite ki zot annan, zisteman pou kapab donn bann *sportsmen* e bann dimoun ki *involve* dan sport Glacis en posibilite pou zot kapab ganny akse avek sa laplenn e serten travay reparasyon ouswa mitigasyon i kapab ganny fer avek sa laplenn.

Mon lot kestyon. Mon annan detrwa kestyon Mr Speaker ou a note i en Bidze ki'n ogmant sibstansyelman.

MR SPEAKER

Wi, me ou a bezwen limit li en pe Onorab aköz...

HON SEBASTIEN PILLAY

Wi i mon lentansyon Mr Speaker pou limit li en pe, byensir.

MR SPEAKER

Nou a fer li 4.

HON SEBASTIEN PILLAY

Lefe ki Minis nou pe apros en bann gran zwe, mwan m on en gran patriyot, mon ti a kontan donn tou mon sipor ki Sesel i fer byen dan sa bann zwe. E non-pa fer en zwe politik avek bann *sportsmen*.

So, Minis, ler mon vwar dan Bidze spesifikman mon vwar en sonm 3.4 milyon ganny mete pou en *committee support*. Mon ti a kontan ou klarifye ki nou pe sey dir par sa *committee support*. Mon vwar 3.47milyon. Eski mwan ki'n byen gete?

Yes, *committee support* 3.447milyon, mon ti a kontan konnen ki sa *award* i al pou sa. E ler nou pe koz *honorarium award* mon vwar i annan en kestyon ki Onorab Gabriel in demande, eski *NSC* i kapab donn nou en pti pe pli spesifikman, eski nou pe travay lo met an plas en fon kot nou *reward* bann atlet ki fer byen.

Ouswa sa *honorarium awards* i al pou lezot keksoz? Si nou ti kapab klarifye sa.

Mon ava aret la Mr Speaker, mon vwar ou komans ...

MR SPEAKER

Mersi. Annou permet Minis reponn sa.

Les mon fer kler ki poudir lesansyel la se Bidze. I annan touzour lokazyon apre pou repas lo lezot kestyon, e menm si nou bezwen esper komansman lannen prosenn. Minis, silvouple adrese.

MINISTER MARIE-CELINE ZIALOR

Mersi Mr Chair. Mersi Onorab pou ou bann kestyon. Mon ti krwar vre i pozitiv Mr Chair. Letan in komanse i ti dir poudir i pe fer pozitiv, apre in pran en lot laliny. Be selman nou abitye ek tousala.

Mr Chair, lo kote sa bann garanti, mon pe ganny akize mon koz bokou ensidswit, isi laba. Kekfwa petet wi, akoz mon fer bokou osi tou ki fatig dimoun. E lo sa kote verbatim tou keksoz ki mon pe dir dan Lasanble, mon osi dir lezot keksoz osi ki ganny tire dan verbatim letan Onorab *Leader* Lopoziyon i kontan lir. Mon osi kontan dir, poudir nou al

sey en stratezi nou, si pa marse. Se sa *results-based*. Ler i pa marse nou pa vin kasyet fer krwar in marse. I pa'n marse, i pa'n marse.

Montre mwan en dimoun ki pa fer fot. Montre mwan en dimoun ki konn fer tou keksoz byen letan i komans fer de komansman. E mon ti dir dan sa Lasanble, zour nou santi poudir nou'n fer en fot, nou pou vin dir, regarde sa pa'n mars e nou'n pare pou nou re aranze, re regarde ki mannyer in marse.

Si sa i pou pwen pou servi kont mwan akoz mon imen. *Feel free*, be mwan mon pa ni fatig mwan. Akoz dan lavi se sa e napa person ki kapab konn tou keksoz ki mannyer pou deroule. Letan nou pa'n kapab fer en keksoz nou pou toultan vin dir nou pa'n kapab fer. Pa leskiz sa. I pou dir rezon akoz e nou pe dir posib ki kalite solisyon nou pou vin avek.

E mon pou repet epou bann distrik Glacis, pou tou bann *sportsmen* ek madanm tou. Parfwa enn ler nou oubliy nou bann *sports* madanm dan tou bann distrik, poudir nou pou, i kapab pran en pe letan wi. Parey la in pran letan. Akoz in pran sa kantite letan, i tann mwan pe repet menm parol apre en lannen.

Be Mr Chair, be sa kantite travay ki zot in kit en nou la, en ta travay ki zot in kit nou pou fer. 43an ki par ler zot pa kontan nou koz lo la.

(APPLAUSE)

MINISTER MARIE-CELINE ZIALOR

43an travay ki in kite – ki'n kit avek nou ki prezan nou dan nou fason fer i zis 2an. E 2an parfwa letan ou krwar ou'n fini konn tou keksoz, pa bliye sabotaz tou i annan. E letan ou fer fas ek bann sabotaz ekspres ki i et li. E ouswa bann lenkonpetans ki Onorab William in koz lo la, ki prezan ou pou bezwen adrese e vin profesyonnalize.

Mon pou repet ankor Mr Speaker. *Sports* i en *portfolio*, i en *portfolio* ki'n ganny neglizè bokou li. In ganny neglizè e i pa'n ganny tret parey larestan *portfolio* antan ki dan son rezyonalizasyon e tou larestan keksoz.

Si lannen prosenn zot tann mwan i annan keksoz nou pa'n kapab fer, nou pe vin dir pou nou kontinyen fer, wi akoz zot in pran 43an pou kase. Prezan nou pa pe espekte dan 2an nou'n fini aranz tousala ki nou pou vin fer. E nou, nou pa ni pou kasyet. Mwan mon pa ni

kasyet, pou per pou dir kot nou annan bann defi e selman nou, nou pa per e nou pa les tonbe!

(APPLAUSE)

MINISTER MARIE-CELINE ZIALOR

E nou fer si, pou Seselwa, pou bann sportsmen, bann *sportswomen*, bann Seselwa kantmenm i difisil, kantmenm nou ganny atake partou a nenport ki giz. A giz pozitiv, nou la pou nou kapab deservi, pou nou kapab anmenn sitan, letan ki nou, nou la, nou kapab anmenn bann solisyon, kot nou napa en solisyon ozordi, kot i difisil demen, kot nou fer ankor fot demen, nou retourn lo latab otan posib pou nou kapab vini. E nou ganny bokou sipor avek nou bann *sports* kominote la deor.

Nou dir ek zot en gran, gran, gran mersi. Felisitasyon pou sa bann ki vreman letan i pozitiv. Vre i pozitiv, i pa zis koze ankor, i zis fer aksyon tou. Kot pou nou anmenn nou bann *sports* devan.

E konsernan lo *honorary award* avek sa 3.4milyon Komite mon ti ava permet kekfwa *CEO* pou li donn en pe leklersisman lo la, Mr Chair. Mersi bokou.

MR SPEAKER

Mersi *CEO*.

CEO JEAN LARUE

Mersi Mr Chair. Wi, *honorarium*. Mon krwar - Onorab mon krwar i en tre bon nide akoz i pa zis bann gro zwe ki nou ale ki nou *award* bann dimoun.

MR SPEAKER

Ale, annou posede avek bann kestyon silvouple.

CEO JEAN LARUE

Wi nou peye pou bann meday ki bann atlet i anmennen. Se sa ki nou peye.

Me selman a la menm tan osi nou pe ganny demande bann *sports*, bann atlet ki al lezot aktivite sportif, ki letan zot retournen zot osi zot pe demann meday. Zot pe demann larzan akoz baze lo zot meday. Me sa i en travay ki nou bezwen fer, akoz i annan en kantite sa bann *sports* e apre bann diferan *sports* osi i annan diferan nivo.

So, tousala nou bezwen get li byen. Alors i pli fasil pou nou rekonpans bann atlet ki al *sport* Olenpik ki nou konn son nivo. *Jeux des Îles* ki nou konn son nivo. *CJSOI* ki nou konnen.

Me par kont i annan en bann - en *sport* ki pe al *Dubai Open*, lot isi, laba. Sa i fer li en

pe pli difisil. Me selman kantmenm i en defi, nou pe travay lo la. Mersi.

MR SPEAKER

Thank you.

MINISTER MARIE-CELINE ZIALOR

Mr Chair, si ou permet. Mon'n bliye reponn en kestyon Onorab *Leader* Lopozisyon lo kote *CEO NSC*.

CEO NSC ki la o bor mwan la, Mr Larue, i ti annan plis ki 100 zour konze. 100 zour konze enkli enn de bann larestan nou bann egzekitiv e i mal ki ou pa permet en dimoun pran son konze. E in pran son konze e dan son labsans konze, bann Federasyon mon vwar i drol pe dir sa.

Akoz mwan - mwan ki pe *deputize* pou *CEO* pandan sa bann letan ki *CEO* Larue, in sorti dan son konze ozordi *by the way* pou li vin Lasanble ozordi e son kontra, pe fini Desanm. e tou bann kontra *CEO* ki pe fini avek *PSB*, letan *PSB* a vini zot a kapab demann sa kestyon, ki nou ape *advertise*.

Si *CEO* Larue i anvi re *apply* pou louvraz, vwala akoz nou'n met sa e lezot dimoun osi ki nou, dan lespri *RBM* pou nou kapab apwent - donn non

detrwa bann dimoun ki Prezidan i ava apwente koman *CEO*. Mersi Mr Chair.

MR SPEAKER

Mersi.

HON SEBASTIEN PILLAY

(Off-Mic)

MR SPEAKER

Onorab nou bezwen terminen, ou konpran? Silvouple, ou a ganny - Si i annan kestyon ki pa'n ganny reponn, sertenman mon vwar i rezonnab. Me selman lo Bidze en.

HON SEBASTIEN PILLAY

Wi Mr Chair. I annan kestyon ki mon oule ganny klarifikasyon. I lo Bidze, akoz nou pe met en *emoluments* pou en *CEO*.

Mon oule zis enform Minis ki nou, nou'n resevwar lenformasyon ki Mr Larue in fini *clear* son *desk* kot *NSC* e ki in fini ale. So, mon pa konnen lekel ki pe koz laverite.

(Interruption)

MR SPEAKER

Be ou pa kapab kestyonn sa Onorab.

HON SEBASTIEN PILLAY

Me selman Mr Speaker. Selman Mr Speaker ...

(Interruption)

HON SEBASTIEN PILLAY

(Zot kapab fer tapaz, mwan pa marse sa bann zafer avek mwan)

Selman Mr Speaker, en keksoz ki nou bezwen get byen, *ok?* Nou annan nou bann gran zwe ki pe vini e sa bann gran zwe i en lafyerte nasyonal pou nou. E i nou rol nou tou pou fer keksoz marse. Minis in dir ek nou koumsa poudir avek sa Bidze ki in gannyen, i pou kapab realiz sa bann target ki i ti met devan nou. In *fail* pou realiz bann target ki i ti met devan nou pou 2021. La i pe dir nou i pou al realiz bann target pou 2022.

So, kestyon ki nou annan pou Minis, eski *NSC going forward* la dan sa bann zour ki vini, oubyen dan sa bann mwan ki vini. Eski ou pe al lo en proses pou ou *recruit* ankor dimoun pou ou met la, pou ou kapab akonplir serten bann travay ki ou'n *set out?*

E eski zot in fini komans preparasyon atraver nou bann diferan Lekip Nasyonal pou sa bann zwe ki sipoze pe vini. Par egzantp *Jeux des Îles*, par egzantp bann lezot zwe ki nou

pou partisip ladan. Me sirtou *Jeux des Îles*.

MR SPEAKER

Mersi Onorab.

HON SEBASTIEN PILLAY

Akoz Mr Speaker, i normal ki nou tou nou konsernen avek performans dan *sport*.

Mr Speaker, mon pa konnen akoz ou *rush* mwan ler mon pe koze konmsi. Ki ou problemm konmsi en? Ki ou problemm?

MR SPEAKER

Onorab ...

(Interruption)

HON SEBASTIEN PILLAY

Be zot, pa mwan ki'n dir Minis koze. Mon ganny drwa koze mwan!

(Interruption)

HON SEBASTIEN PILLAY

Ou pa pou anpes mwan koze ou!

MR SPEAKER

Onorab ou konnen akoz mon *rush* ou? Mon pou koze mwan!

(Interruption)

MR SPEAKER

Order! Onorab mon pres ou akoz ou monopoliz letan Lasanble. Ou krwar zis ou ki annan lamazorite letan dan Lasanble.

HON SEBASTIEN PILLAY

Aaaaaaa. Mr Speaker, *Aaaaaaa*.

MR SPEAKER

Nou'n ekout kestyon, i sipoze lo klarifikasyon. Silvouple Minis, zis klarifye. Nou pa pe antre dan lezot deba. Mersi. Mersi. Minis?

MINISTER MARIE-CELINE ZIALOR

Mersi Mr Chair. Mersi Onorab. Klarifikasyon Mr Speaker. Nou pa'n *fail* nou Mr Speaker. Senp. Nou pa'n *fail*. Nou'n nobou kapab vwar ki sa kantite failure ki ti annan pandan 43an. Sa ki nou pe anmenn devan e louvraz ki nou'n fer pou nou kapab met en striktir an plas. Nouvo striktir NSC i la, i deza an plas. Nou'n nobou kapab fini fer. Tou sa bann nouvo modernizasyon avek *High Level* avek lenfrastriktir.

Lenfrastriktir ozordi, ki mannyer nou'n fail, ozordi nou annan *Palais des Sports* ki pe aranze Mr Speaker. koman nou pe koze, e koman nou pe koze

poudir tou sa bann lalis proze ki nou' n nobou kapab travay lo al, ouswa ki dan faz *procurement* ouswa ki'n deza fini komanse partou lo Praslin, Mahe, La Digue kot nou'n kapab vin donn detay. Depi pre 2ertan nou pe asize la. Mr Speaker, mon pa konnen si Onorab Sebastien Pillay i pa ti pe ekoute. I pa ti pe ekoute.

Me selman parey i kontan fer, get verbatim. Petet kekfw mon ava dir ek li al get verbatim. Mersi Mr Chair.

MR SPEAKER

Mersi. Onorab Arissol, ou kestyon. Silvouple.

HON SANDY ARISSOL

Mersi Mr Speaker. Bonn apre midi tou dimoun. Mon ti a kontan zis dir poudir ozordi le 16 Novanm, me pa le 16 *Nevanm. E le 16 Novanm Prezidan Ramkalawan ti lo *Paradise FM, 93.6* ozordi pou tou bann dimoun ki kontan li ti pe ekoute, Mr Speaker.

Sa ki mon ti a kontan demann avek Minis an relasyon avek zot Bidze, i annan, mon'n tann Ms Nibourette dir boner si bann MNA nou ti a kontan pou *lease* osi avek *SIA*, pou nou gete kw ki nou ti a kapab gannyen dan distrik. Parski mon kontan e mon pou profite pou mwan

siport mon koleg Onorab Lemiel letan in dir poudir i annan keksoz dan Bidze, konpare ek bann ki'n dir bomaten, napa naryen dan Bidze, Bidze pa bon e nou, nou'n zis vote.

E mon vwar Roche Caiman i annan en bon pe bann renovasyon Roche Caiman ki pe ganny fer, ki'n ganny prozekte la dan Bidze, pou nou kapab siporte e mwan mon'n siporte.

So, mon ti a kontan zisteman letan Ms Nibourette in dir sa Mr Chair, pou mwan dir avek li Bel Ombre nou annan en pti fasilite pou nou kapab *lease* avek *SIA*. Parske Bel Ombre nou annan en pti laplenn, nou annan nou *court*. Pou nou ganny en *proper fencing*, demarkasyon. Nou'n ganny lalimyer ki nou apresye en kantite. Nou bann zenn i kapab la ziska en pe tar.

Epi nou annan osi sa enn ki lo laplenn Khashoggi o bor laplenn primer ki tonm kot *ex* Khashoggi. Nou annan en zoli fasilite laba, zis sa ki nou bezwen se en pe *maintenance*. Parski i annan son fasilite twalet tou, zoli *fencing*. I annan en fasilite *parking*. Pou ki Bidze i kapab pran kont nou pti fasilite ki nou annan, pou ki nou bann zenn i kapab rezouir,

Mon dezyenm kestyon se mon'n tann bokou koze lo *Jeux*

des Îles. Mon ti kontan zisteman demann Minis avek *CEO*, an relasyon avek bann Federasyon ki nou ti tande pa pe fer byen. Zot kont pa annord, zot pa azour avek Rezistrar. Ki'n arive avek zot? Ki zistans ou'n arive pour ki lezot ki ava enterese pou zot kapab zisteman vini, pou nou kapab fer sa travay, pou nou kapab met nou annord avek *Jeux des Îles* ki mon'n tann tou bann Manm pe koz lo la. Mersi Mr Chair.

MR SPEAKER

Mersi Onorab. Minis.

MINISTER MARIE-CELINE ZIALOR

Mersi Mr chair. Mersi Onorab pou ou bann kestyon e konsern. Mon a pran dernyen kestyon apre Ms Nibourette i a pran sa enn premye.

Sa ki konsern bann Lasosyasyon Federasyon lo kote *Jeux des Îles*. Nou annan en lasosyasyon ki son ka i Ankour. Lasosyasyon Naze, ka i Ankour kot *Registrar - AG* in anmenn zot Ankour pou konsernan zot bann keksoz ki pa annord, ki nou pa'n kapab rezourd.

Bann ki pa ankor ariv Ankour, pa'n rive, nou'n nobou kapab lo nou nivo koz avek sa

bann Federasyon Lasosyasyon. Zot Komite Egzekitif pou nou kapab fer serten travay. I annan par egzanp bann ki'n aksepte pou zot refer eleksyon, pou zot step *down* ouswa pou donn lanmen ede, pou nou ed zot pou zot kapab met zot bann kont ouswa larestan keksoz Ankour.

Me selman nou pa pe tro, tro al ladan aköz nou pe esper Lalwa. Anba Lalwa *NSC, AG* avek *Registrar General* pe dir nou, nou annan en loportinite pou nou met lord dan tousala, anba en *framework* e nou pe al fer li e ki departman pe ansarz pou nou kapab fer.

An prensip in preski fini. Zis detrwa pti diskisyon ki mon mazin parey *PS Jean Louis* ti dir taler. Boner lannen prosenn i pou vin dan Lasanble Nasyonal sa Lalwa pou nou kapab diskite li e i pou pran an kont sa bann difikilte ki nou pe gannyen avek Federasyon Lasosyasyon. Ki i pa pou kont person li, i zis ki parey ou pe dir, nou anvi protez bann atlet, bann *coach* e bann dimoun ki fer *sports* an zeneral.

Par ler i zis en dimoun, de dimoun i annan largiman avek en pe lezot dimoun, kot i annan en blokaz. Bann landrwa kot nou'n santi nou kapab antre dan sa bann negosyasyon, vwala aköz nou'n fer *grievance*.

Kot bann *grievance* in nobou kapab. Par egzanp kantmenm sa ka nazer i Ankour, bann klib ki in deza annan serten grievance konsernan *CJSOI* ki'n vini, nou'n nobou kapab adrese. Akoz nou'n fer zot fer formelman e asiz ek Lasosyasyon Naze regarde ki manyer nou kapab rezourd en pe sa bann prosedir.

So, i mank nou en pe *framework*, en pe Polisi pou nou kapab fer sa. Vwala akoz mon'n dir ki nou pou bezwen travay lo la. E mon a pas laparol avek Ms Nibourette konsernan distrik Bel Ombre. Mersi.

MR SPEAKER

Ms Nibourette?

DG GYRA NIBOURETTE

Mersi Minister. Mersi Mr Chair. Onorab pou sa *playing field* Bel Ombre, nou kapab zwenn, diskite avek Lotorite Distrik avek *SIA*. Akoz nou bezwen ganny sa *scope* avek zot avan pou nou kapab konnen konbyen. Me selman definitivman i pa pou dan Bidze 2023. Si i permet i ava dan Bidze 2024.

Me selman pou laplenn Khashoggi, dan nou *meeting* ki nou ti fer avek Federasyon Foutbol, nou ti met sa devan zot osi akoz zot osi zot ti annan en

pe konsern poudir napa ase laplenn.

E zot ti'n vwar poudir i annan enn de bann ptipti laplenn ki zot kapab, zot annan larzan pou zot kapab met *AstroTurf* lo la ki i pa kout bokou. E prezan zot, zot *takeover*, zot *manage* sa bann landrwa.

Sa i an diskisyon avek Federasyon Foutbol e si i materyalize sa laplenn kot ou pe dir, Khashoggi i pou dan sa lalis avek Federasyon Foutbol. Mersi.

MR SPEAKER

Mersi. Bon i reste nou zis 8 minit dan sa sesyon. Mon annan plizyer Manm ankor ki'n lev lanmen apre. Petet i annan serten ki mon'n manke pran o komansman. Me selman annou itiliz letan byen silvouple. Dan kestyon e dan repons, pou nou kapab terminen akoz i annan travay ankor apre midi. Onorab Henrie.

HON GERVAIS HENRIE

Mersi Mr Chair. Mon annan 2 remark. Premyerman baze lo serten komanter ki'n ganny fer lo kestyon *maintenance* bann pti laplenn. I vre i annan defi pou swa Ladministrasyon Distrik atraver *Local*

Government ouswa NSC antretenir sa bann propriyete osi vit.

Be la kekfwa mon ava profite pou dir bann kominote osi i bezwen regarde enn ler ki mannyer zot kapab ede. Bann lekip sportif ki servi sa bann landrwa, akoz par egzanzp zot pa kapab mobilize pou fer serten travay. Mwan personnelman, dernyen fwa ki zerb in koupe otour *court* Mont Buxton, mon'n pey dan mon pos e mon'n fer sa plizyer fwa.

So, nou regarde ki mannyer nou kapab ed kominote e bann lekip sportif i kapab organiz zot, ozordi i annan plizyer bann sours finansman. *Seybrew* in fek lans en Fondasyon ki zot pe ed bann lekip *sportif*, i annan *Sports Trust Fund* e menm serten labank zot kapab ekrir proze e soumet e ganny lasistans avek sa bann diferan fon. Sa ki mon anvi dir.

Dezyenmman e dernyen pwen Mr Chair. Lo kestyon bann fasilite sportif nasyonal. Nou lo sa kote latob, nou lespirasyon politik nou oule vwar ki sa bann fasilite i ganny byen retenir e mentenir koman aki nasyonal ki dan bon leta. Ki nou fyer pou regarde.

Ki ler nou annan en zanmi etranze e ki vini, mon kapab

anmenn li get Stad Linite. Be la ozordi si mon annan en zanmi ki vini, zanmen mon pou anmenn li get *court tennis* Roche Caiman, parski koman mon gete, on mazin dan en pei parey Mali ouswa mon pa konnen mwan.

Konmsi pou mwan ou pa kapab aksepte sa bann keksoz koumsa. E ki mon pe demann nou kote latob sirtou, ki nou swiv sa bann promes ki pe ganny fer atraver bann alokasyon. Akoz par egzanzp Anse Royale, ler mon get 7.3milyon. Ozordi la letan nou pe koze tender Anse Royale i fer 10er edmi bomaten. Be depi lannen pase nou ti donn en bout sa larzan. I pa akseptab ki nou'n esper 11 mwan. *There needs to be* plis lirzans, plis dedikasyon pou fer sa bann keksoz marse. Pli bon planifikasyon.

E Minis nou pou swiv akoz pou nou, 2025...

MR SPEAKER

Pa tro long dan ou bann remark Onorab. Mersi.

HON GERVAIS HENRIE

Mersi, mon pe fini Mr Speaker.

Akoz mon oule ki 2025 letan Seselwa i regarde, zot vwar poudir *LDS* in anmenn en

transformasyon fizik e vizib dan Sesel. Mersi.

MR SPEAKER

Mersi. Bon mon asire Minis in *note* remark ki Onorab in fer. Nou a pas lo kestyon swivan. Onorab Andre.

HON CLIFFORD ANDRE

Mersi Mr Chair. Mr Chair, lo paz 236. Konmsi pou *ease of reference*. I annan *office expenses* in sorti 3.1milyon, in mont 5.2milyon. Mon ti a kontan kekfwa Minis i eksplik nou sa.

Apri i annan ‘*goods and services*’ ki’n monte. Definitivman i an relasyon avek bann partisipasyon dan *Jeux des Îles*, me selman ek lezot zwe. Me selman letan mon get detay ki nou’n gannyen. Minis ouswa kekfwa Minister Finans, Ms Tamatave i kapab eksplik nou, lo *overseas airfare* avek *overseas subsistence*, i pa parey avek sa ki nou’n gannyen dan *Budget Book*.

So, kekfwa sa detay. Akoz dan sa detay *overseas airfares* i vin R81 mil e *overseas subsistence allowance* i vin R81 mil ankor. Mon’n sey get si napa en lot, mon pa’n vwar. Monn sey gete avek Naidu, nou pa’n vwar. Akoz mon mazin en kekfwa mon lizye i en pti pe pli

aze ki pou li. Me mon pa’n vwar. Kekfwa si nou kapab ganny en leksplikasyon lo la.

MR SPEAKER

Permet Minis reponn silvouple. Wi, Minis.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mersi avan sa Onorab Henrie pou ou bann sizesyon avek sa bann konsern lo kote lenfrastruktir. Ki nou osi, krwar mwan, nou partaze Egzekitif sa ki ou pe dir la. Vwala akoz ki nou ape pran aksyon.

Lo kote *office expenses* mon pou demann CEO pou eksplik en pti pe plis lo sa me selman mon konnen i annan pou fer avek en bon pe bann restriktirasyon ki nou ape fer kot NSC. E Ms Tamatave i ava reponn petet sa *anomaly* ki ou pe vwar dan sa bann sonm. Mersi Mr Chair.

MR SPEAKER

Thank you. CEO, premye.

CEO JEAN LARUE

Mersi Mr Chair. Anba ‘*goods and services*’ nou annan nou. Mwan sa ki mon annan se 2.07milyon e ladan i tonm bann *late* liniform ki nou bezwen aste

pou partisipasyon *Jeux des Iles* avek *Zwe Lespwar*. Akoz lannen prosenn nou anvi organiz sa zwe ki toultan nou ti fer detrwa lannen pase, apre nou'n arete akoz *COVID*. Me selman nou oule fer li retournen. So, i plis liniform.

HON CLIFFORD ANDRE

(Off-Mic)

MR SPEAKER

Ou annan klarifikasyon lo sa ki in dir, oubyen? Wi, vitman wi. Avan Ms Tamatave i pran laparol.

HON CLIFFORD ANDRE

Mr Chair, sa sif ki *CEO* in donn mwan i pa sa sif ki reflekte dan liv. So, i lo paz - sanmenm sa mon ti dir sa paz, pou nou annan referans parey. 236 i diferan avek sa ki *CEO* in dir mwan, *office expenses*, ok mon a sey konpran. Selman' *other uses of goods and services*' i pa 20milyon, me i 24milyon sorti 11milyon.

MR SPEAKER

Ms Tamatave mon krwar i pare pou eksplik sa. Yes.

**COMPTROLLER GENERAL
ASTRIDE TAMATAVE**

Mersi Mr Chair. Mr Chair, lo paz 236 program 2 i annan 2

sub-program. I annan *sub program 1* pou *sport development and training*, apre i annan *sub-program 2* ki *regional sport development*.

So, lo detay ki bann Manm Onorab i annan i sa 2 *sub-program* ansanm ki fer en total pou sa bann program. So, si par egzanp nou pou pran *office expenses* anba *sub-program 2.1, sport development and training* i sorti 2.6milyon li, in vin R4.8milyon. Son total *office expenses*.

Me si nou pou pran anba *sub-program 2.2* ki *regional sports development*, li i sorti 450mil in mont 477mil. So, anba *the main* logmantasyon i anba *sub-program 2.1 sport development and training* e sa i prensipalman annan pou fer avek partisipasyon Sesel dan konpetisyon *IOIG* lannen prosenn.

So, anba '*transportation and travel*' lo paz 236 i R20.699 milyon e sa i en total 20.4milyon anba *sub-program 2.1* e ladan *overseas airfares* ki prensipalman pou *IOIG* i R12milyon e *overseas subsistence allowance* i R6milyon an 2023. So, mersi Mr Chair.

MR SPEAKER

Thank you. I ok? Nou a kapab move on, ok. Onorab Cosgrow.

HON WALLACE COSGROW

Mersi Mr Speaker. Mersi pou finalman rekonnèt mwan. Mr Speaker mon annan en pe dezapwentman avek sa Bidze. Annefe Minis, en dezapwentman pa negativ anver NSC me en dezapwentman ki mon krwar ou pou dakor avek mwan. Ler mon'n ekout bokou bann Manm Onorab koze la, zot osi zot annan en kantite dezapwentman.

Be mwan mon dezapwentman i plis lo larzan ki'n ganny mete anver bann *PSIP* pou devlop bann fasilite spor. Akoz par egzansp ler mon get *PSIP* pou *President's Office portfolio, R167million*. E la nou pe koz *sport*. Nou pe koz meday Olenpik. Nou pe koz lazènes. Nou pe koz en keksoz ki kouver en kantite dimoun dan nou sosyete. E konbyen zot gannyen? R11milyon.

Mon pa war ki nou pou fer avek R11milyon. Ozordi i annan *sport*, i annan *sport* ki zot lenfrastriktir in ganny bage, vre in ganny bage. Me zot pa pe kapab fer naryen. I napa naryen pou fer avek 43an, i la realite, ou konpran? E menm Sekreter Zeneral *LDS* Onorab Henrie in

vwar nou dezapwentman i osi. Me mon pa ganny en konpran ki mannyer nou'n donn zis R11milyon!

Minis mon pa konnen si ou pa pe *fight* ouswa si ou *fight* ou pa gannyen. Mon krwar ou trwazyenm avan lo bann lalis dernyen an term *PSIP*. E si nou oule bouz *sport*, nou bezwen donn plis larzan! Plis larzan dan *sport* Mr Speaker. Mon pa konnen si Minis i annan en keksoz i anvi dir lo la. Mersi bokou.

MR SPEAKER

Ale, permet li reponn. Minis.

MINISTER MARIE-CELINE ZIALOR

Mersi Mr Chair. Mersi Onorab pou ou konsern pozitiv lo konsernan lenfrastriktir. 2 pwen petet Mr Chair, pou fer sorti premye, se ki dan Bidze 2021, lakantite larzan *PSIP* ti preski parey. Apepre en 10milyon si mon pa tronpe – hmm? E dan sa 10milyon avek bann defi *NSC*, nou pa ni'n kapab fini depanse avek bann defi.

Nou bezwen par ler osi tou regarde, parey mon pe dir, i difisil pou fer sa ki nou pe fer, pou admet sa bann fot. La nou pe fer li lo televizyon nasyonal, tou dimoun pe regard nou, pou

nou kapab. Nou bezwen dir, pa met anba karpè. Dir kote ki annan pou nou kapab bouz devan pou nou rod sipor, pou nou kapab bouz ver lavan.

E menm si toultan nou napa en *property manager*, toultan ou napa en *project manager*. Nou napa, nou *still* e finans i bezwen annan en disiplin pou dir ek nou osi tou, nou pa kapab kontinyen donn zot plis larzan zot pa kapab depansè. Ou vwar? E nou bezwen devlop nou kapasite an term pou nou kapab zere. Pou kapab *manage* sa bann lenfrastriktir dan sa fason.

E mon osi mon *share* ou dezapwentman, atraver ou Mr Speaker, Onorab. Sa dezapwentman ki mon'n vin zwenn leta lenfrastriktir. Tre, tre dezapwente! E kekfw sa 11milyon, i ti ava *ok* li! Si ti'n byen ganny mentenir. Ti annan en plan pou organize pou fer sir ki nou mentenir sa bann lenfrastriktir.

E mon a pe demann avek Ms Tamatave pou donn mwan. Dan *PSIP* Bidze 2017, konbyen, e 2019, annou pran 2019, ki ti'n bidzete ki ti 7.3milyon. Ti 7.3, kontrè nou nou'n ogmante, nou'n lager pou nou ganny 11milyon, sa ki Gouvernman o paravan ki Onorab ki ti ladan ti *form* parti

sa *Cabinet*. I ti Mr Speaker, i ti 7.3milyon Bidze pou *PSIP*.

La nou o kontrè nou pe dir - e anmezir - selman Minis Finans i toultan e *Cabinet*, sipòte lo kote lenfrastriktir sportif. Toultan ki, wi mon satisfè akòz nou osi tou, nou osi tou nou pa kapab pran larzan ki nou pa kapab apre zere. Ki nou pa kapab zere, ki nou pa kapab fer, akòz apre Mr Chair, mon asire Onorab pou premye pou dir, la la in donn larzan, in rann pa'n kapab fer, pa kapab fer.

So, nou bezwen osi tou, nou osi tou, zesyon sa, zesyon se ki ou bezwen pa kapab manz plis ki ou pa kapab anvale ou pou toufe. E nou nou'n fer sir ki la 2023 avek sa plan ki nou annan, i al avek son resours imen, i al avek lot keksoz, ou bezwen balanse.

E anmezir Minis Finans in garanti nou – anmezir - e nou ti pou'n ganny plis dan *Mid-term Review* tou, si nou ti'n kapab zere. E anmezir nou ganny sa disiplin pou nou kapab zer pli byen ki parey Onorab Henrie pe demann nou pou fer.

Ki nou pou pran son sizesyon tre serye, e pou nou al fer sa, nou pou definitivman vwar en logmantasyon 2024 Mr Chair, lo sa kote pou nou

organiz nou bann lenfrastruktir sportif anmezir i vini. Nou pou annan en *massive* redevlopman lo kote Roche Caiman ki pou kout en bon pti pe larzan 2024, kot nou pou bezwen al konmanse. E vwala mon larepons Mr Chair. Mersi.

MR SPEAKER

Mersi. Onorab Mondon?

HON TERENCE MONDON

Mersi Mr Chairman. Mon kestyon i tous size lasirans pou bann atlet ki reprezant Sesel dan bann konpetisyon enternasyonal. Mon vwar en sonm R280mil pou lasirans anba sou-programm devlopman spor, me mon pa vwar okenn alokasyon spesifik ki relye avek size mon kestyon.

Alor mon oule demann Minis, eski zot in fer provizyon neser dan Bidze 2023, pou kouver bann atlet an ka ki zot ganny serten blesir serye pandan konpetisyon? Parey sa lensidan ki ti arive avek nou atlet *volleyball* Mrs Genevieve Nicette. E si napa provizyon, dir nou ki fason nou bann atlet i ganny kouver dan bann lensidan parey? Mersi Mr Chair.

MR SPEAKER

Mersi Onorab. CEO pou reponn.

CEO JEAN LARUE

Mersi Mr Chair. Definitivman nou pran kont aköz nou bezwen kouver bann atlet. E sa lensidan ki ou'n koz lo la ki ti arive Lafrans i malere, me in pran nou 4an pli tar pou nou kapab pey sa soz lasirans.

Me pou bann atlet ki al Zwe de Zil ki al lezot soz, NSC i pran en lasirans avek, mon mazin en avek SACOS oubyen *FIDELITY*. Me selman mon ava verifye konbyen egzaktman i annan dan sa Bidze, aköz la mon napa antet.

MR SPEAKER

Byen, mersi. Onorab Labonte?

HON ANDY LABONTE

Mersi Mr Chair. Bonn apremidi Minis avek ou *panel*. Minis mon kestyon i pou baze lo *major achievement* ki o paravan Onorab Naidu in koz lo la. Petet mon pou bezwen en pe plis lesplikasyon. Mon vremen apresye ki i annan sa 5.3milyon ki'n ganny mete pou bann atlet ki pe al partisip swa dan bann zwe enternasyonal me, ki ganny rekonnet.

Me sa *major achievement* i koz lo prensipalman lo *bodybuilders* ki'n ganny meday

dan konpetisyon *Dubai championship*. E mwan mon konsernen avek sa akoz i annan en atlet dan mon distrik partikilyerman. La mon pe koz Mervin Dugasse, ki in deza vin avek menm meday lor dan bann konpetisyon parey. Ki zanmen nou'n deza gannyen lo nou later Sesel.

Nou santi pou dir sa bann atlet parey ler zot retournen avek bann meday parey, zot pa pe ganny sa ki zot merite. Malgre ki *CEO Larue* in dir poudir zot in asiste. Wi in asiste avek bon pe difikilte ki menm mwan mon'n enterfer pou kapab donn en pe lasistans ki mon apresye sa.

E mon dezyenm klarifikasyon i vin lo '*current challenges*' ki ankor enn fwa Onorab, Deputy Speaker in koz lo la *in regards to* bann ti laplenn, parey nou dir. Ti laplenn gro laplenn.

E la mon pe retourn lo sa program *Private Public Partnership* ki mon krwar *CEO Larue* i okouran tre byen, ki i annan en *businessman* dan mon distrik ki vreman *committed*, sirtou avek sa laplenn *la promenade* kot i pe donn tou sa ki i kapab. I pe ed en lekip, e mon konnen poudir plizyer fwa mon'n tann dir nou

ankor pe esper *SIA*. Nou ankor pe esper *SIA*.

Toultan nou pe ganny dir sa. Me selman ler ou pe get koneksyon elektrisite avek en poto elektrisite ki pe plizoumwen donn difikilte, i lo en laplenn. Koneksyon delo ki i bann keksoz sitan senp ki nou pa ankor kapab fer.

So, ki nou pe fer pou nou kapab ankouraz sa bann dimoun ki anvi donner dan distrik? La osi mon pou pran lokazyon pou mon felisit Mr Dylan Labrosse ki pe travay avek en lekip *basketball* dan mon distrik. Mersi.

MR SPEAKER

Mersi. Minis ou repons?

MINISTER MARIE-CELINE ZIALOR

Mersi Mr Chair. Mersi Onorab pou ou 2 kestyon lo kote, e spesifikman pou English River, *CEO* ouswa Ms Nibourette i kapab donn plis detay lenformasyon lo sa bann travay.

Rekonpans premye kestyon lo bann atlet ki vini, parey nou pe dir, *High Level* bezwen refer. Bezwen revwar annan en kriter, en fason fer regard Bidze osi lo rekonpans. Wi *Jeux des Iles* i deza fer - Olenpik ensidswit, akoz i annan pa mal bann atlet ki al diferan

konpetisyon, diferan nivo. Nou pou bezwen fer en, napa *framework*. Nou pou bezwen fer en *framework* en model pou etabli ki mannyer, ouswa ki mannyer rekonpans i ganny donnen parey son... - avek bann atlet ki vin avek bann-. Pou le moman napa.

Pou le moman napa, apard bann *major games* ki pou pe fer e sa i ava bann desizyon, bann diskisyon ki ava ganny fer dan sa bann nouvo plan avek sa Bidze 2023. Mersi Mr Chair. Mon a pas laparol kekfwa avek Ms Nibourette pou regarde kwa ki annan dan Bidze pou English River. Mersi.

MR SPEAKER

Mersi. Ms Nibourette?

DG GYRA NIBOURETTE

Mersi Minis. Mersi Mr Speaker. Onorab petet nou kapab zwenn avek sa *businessman* pou nou konpran sa *issues* ki i annan, e ganny sa *meeting* avek *SIA once and for all* pou nou kapab konnen kwa ki problem e ki mannyer nou kapab adres li. Me selman dan Bidze 2023 nou pa'n fer provizyon pou English River, akoz i pa ti'n vin kot nou sa bann letan. Mersi.

MR SPEAKER

Thank you. Onorab Loizeau.

(Interruption)

MR SPEAKER

Ale, wi, vitman.

HON ANDY LABONTE

Sorry Ms Nibourette. Mon vreman apresye sa travay ki ou pe fer. Me selman ler nou pe get, ler nou pe koz lo *Private Public Partnership*, sa *businessman* ki pe *manage Marine Maintenance*, i pare pou li menm li *invest* dan bann lenfrastruktir, me selman i annan bann difikilte ki pe gannyen. Mersi.

MR SPEAKER

Mersi, Ms Nibourette a note. Onorab Loizeau, ou kestyon.

HON NORBERT LOIZEAU

Mersi Mr Speaker. Plito tar ki zanmen. Mr speaker mon ti annan telman retar ki mon ti annan 8 kestyon la i reste mwan forse 3, selman mon a fer li vit.

Mr Speaker, an reponn kestyon Onorab Gill lo basen naze Praslin, *CEO* in dir ki *procurement* pe fer pou bann lekipman parey pe ganny fer lo Mahe. Mon'n kot basen naze, mon pa'n war petet mon pa konnen ki kalite lekipman, mon ti a kontan Minis i dir nou ki

kalite lekipman ki pe ganny prokir ki annan ki Mahe in gannyen, ki Praslin aprezan pou al gannyen?

E osi Minis lo *upgrading* Roche Caiman *swimming pool*. An 2020, an 2021 ti annan R180mil, pa konnen ki'n fer avek. Be la 2023, 22/23/24 mon pa war okenn larzan pou *swimming pool* petet mon pa konnen, petet zot pou tir dan en lot landrwa. Mon ti a kontan en lesplikasyon lo la?

Dezyenm Mr Speaker, CEO osi in dir avek Onorab Rocky Uranie dan en kestryon, ki zot pa donn sa larzan direk avek bann klib. Zot plito pas atraver bann Federasyon. E la mon anvi dir, demann CEO, eski i en nouvo keksoz ki'n konmans fer sa? Akoz mon'n ek klib BAYA, zanmen nou'n ganny naryen avek federasyon e la *manager* foutbol Bel Air pe dir mwan zot pa ganny naryen ek Federasyon. E menm sa nou'n bat Sen Misel yer kantmenm nou pa pe ganny naryen. Nou bat Sen Misel 1-0.

E apre lo kote *upgrading* bann lenfrastruktir, bann fasilite sportif Mr Speaker, mon anvi demann CEO si i pou enkli, vi ki Victoria *Gymnasium* i fek ganny fer? Me selman i annan en konsern ki son, son *court* li menm i parey en papye sable. E

sak fwa manrmay i fini zwe zot sinyatir i sanze zot siny 'Roz.' Alors mon pe gete si i annan ladan pou refer son *surfacing* pou fer li konvenab?

E osi Minis, *Freedom Square*. *Freedom Square* i en lenfrastruktir ki ganny servi par bokou bann zenn. Bann atlet, bann (mannyer la ki mon kontan koz lo la?) Les li. Ki bann Che Dorasamy i annan bann lorganizasyon foutbol ki pe soz bann ... Nou napa en *changing room*.

Eski bann Lakademi, eski i annan larzan anba la ki mon war i annan 1.5milyon pou *upgrading* sa bann fasilite, eski *Freedom Square* i ladan pou ki i a met en pe lalimyer, pou ki bokou sa bann klib a kapab *train* en pe pli tar? Akoz *by the time* 5er in sonnen 6er in fini fernwar, zot pa kapab *train*?

E dernyen Mr Speaker, vi ki mon dernyen, *High Level Sport*. Onorab Mondon in tous en pe lo la. Me selman mon anvi al en pti pe pli lwen. Eski dan sa nouvo Polisi ki zot pou fer pou *High Level Sport*, eski pou annan en fason ladan ki zot pou rekonnet bann atlet ki'n fer byen? Sirtou bann ki'n sorti avek en *injury* pandan en konpetisyon, ki ozordi zot *mental health* pa bon. Nou

konnen sa bann problem *mental health* ki pe pase.

Ki zot pe fer pou sa bann dimoun? Parey Janet Georges ki'n ganny *injury* ozordi, nou pa pe war Janet lo lasenn. E Janet in fer en bon pe keksoz. E ki dan *previous Government* serten dimoun kot NSC ti dir li ou pa pou kapab fer naryen pou li, akoz son msye i annan larzan alors fer son deboury.

E nou anba sa transformasyon ki nou pe fer, pou anmenn NSC lo en lot nivo. Eski pou annan en fason kot nou pou rekonnet sa bann atlet ki'n fer byen e ki'n anmenn meday pou nou pei? Mersi.

MR SPEAKER

Mersi Onorab. Minis. I annan detrwa pwen la.

MINISTER MARIE-CELINE ZIALOR

Mersi Mr Chair. Mersi Onorab pou bann kestyon. Fotespere nou pa mank ni enn ladan. Mon pou reponn sa enn dernyen apre mon pou les lo kote *Victoria Gym*, lo kote klib ankor avek sa kestyon, avek Federasyon. Lo kote *swimming pool* pou CEO Larue avek Ms Gyra reponn.

Lo sa ki konsern *High Level*, *High Level* pou napa. *High Level* pe transformen e

mon pa oule, mon pa oule komet mon lekor pou dir bokou lo la. Akoz travay avek lekip pe ganny fer, i ankor pe ganny fer.

E parey mon pe dir i pou annan bann medyatizasyon, bann program pou nou kapab kominike pou fer byen pou nou kapab annan plis. Nou pou war plis program *sports* lo medya, pou nou kapab donn lenformasyon, donn plis lenformasyon. Bokou plis detay lo la.

Ler pe dir rekonnet, mon pa konnen kekfw Mr Chair si Onorab pe dir donn zot en larzan, lafason rekonnet. Nou pa'n mazin sa. Sa i pa dan Bidze 2023 definitivman. Me selman sa i par egzanp bann lo kote veteran atlet, ki nou annan selman se ki dan preparasyon bann atlet *Higher Level*.

Prepar zot osi pou zot *retirement*. Parey tou dimoun i bezwen prepar son lekor pou son *retirement*. Pou nou kapab fer e regarde lekel si i annan okenn par egzanp, lo kote ki CEO in koz lo lasirans, *injury* ensidswit, ki mannyer sa i ganny ankadre? Sa letan i annan bann diskisyon nou ava kapab regarde osi pou fer vwar.

E nou anvi anmenn en laspe komersyal avek *High Level* ek *sports* dan tou sa stratezi ki nou a pe dir. Akoz

osi, ki parey, e sa i letan nou atlet profesyonnel Mr Sylla ti vin anmenn detruwa sa bann propozisyon pou fer, pou dir ki bann atlet osi, avek zot *mental health* ensidswit, ki dan modernizasyon osi lezot pei nou bezwen regarde ki ganny fer.

Sa bann dimoun zot prepare, zot konnen poudir en zour zot bezwen *retire*, e ki arive avek bann program kot bann atlet i *retire*. E ki kalite parey ou pe dir, rekognisyon ki parey nou a pe koz lo la nou bezwen detay li byen pou nou konn kler, la nou pe koz zeneral, ki pou arive.

Be selman sa i, nou plito Mr Chair, pou annan bann solisyon kot dimoun osi i met en preparasyon i osi pou son lekor letan i fini fer. Akoz pandan bann letan ki bann atlet, zot bann profesyonnel sirtou son *High Level*, zot ganny pa mal - zot ganny pa mal led, zot ganny pa mal kontribisyon pandan zot bann letan ki zot, ki nou pe ankouraz zot e ede. E sa ki zot pe fer osi, zot bann pri ki zot ganny ensidswit pou pei, i osi en pti git apre pou zot lekor e apre petet nou bezwen met en program an plas, Mr Chair, pou nou ed zot pou zot kapab plan sa *retirement*, ki mannyer i ganny fer.

E avek bann lenfrastruktir partenarya prive, piblik, osi regarde ki mannyer sa bann komersyalizasyon i ed sa bann atlet osi tou. Pou zot kapab annan en *business* petet, par egzanp kekfw, parey la dan Sesel, napa byen, byen bann *sports shop*. Bann laboutik *sports* ki ed sa bann dimoun pou zot *set up* sa ki zot osi zot donn en koudmen dan plas nou *move away* en pti git. Ki nou depan lo Gouvernman pou tou keksoz. Depan lo tou keksoz, me selman avek en kote lanmen nou donn lanmen ede dan sa transformasyon ki nou a pe koz lo la. E bann atlet zot pa an deor sa.

E si i annan okenn atlet osi ki par egzanp, pou ou kestyon, akoz kot *ASP* i annan bann led finansyel ki donner pou bann dimoun ki ganny difikilte ladan. Nou kot *NSC* nou pa krwar nou merit antre ladan, annan en fon pou nou fer pou nou ed bann atlet ki'n retrete. Pou le moman sa i pa dan nou plan 2023. I pa dan Bidze Mr Chair. Mon ti ava pas laparol prezan avek *CEO* Larue e avek Ms Nibourette pou reponn larestan kestyon. Mersi.

MR SPEAKER

Mersi Minis. *CEO*.

CEO JEAN LARUE

Mersi Mr Chair. Mersi Onorab. Mon pou pran kestyon *Freedom Square*. Wi nou annan en plan. E sa i baze avek en sekter prive ki'n pare e in fini fer son plan. Annefe nou'n travay avek *SIA*. Plan in fini pare e i pe fer provizyon pou annan *changing room* pou bann fiy ek bann garson ki ava deservi.

Annefe sa Mr ki ou'n fek nonmen, Dorasamy, in osi *involved* dan *concept* ki mannyer pou vini sa. E sa i pou baze o bor kot *gym* la i ete. Kot sa vye *store* la. Se la ki pou vini. *Victoria gym* Ms Nibourette in deza koz lo la.

Sa ki konsern bann Federasyon, *NSC* i *allocate* en *grant* avek bann Federasyon. Pa avek bann tim. Akoz nou pou napa sa kantite larzan pou nou donn sa kantite tim ki i annan. So sa i responsabilite Federasyon. E prezan bann Federasyon mon osi nou ankouraz zot pou al sey rod *sponsorship*. Fer lezot aktivite pou zot ed zot bann manm.

An se ki konsern basen naze, sa ki nou pe travay lo la se son sistenm filtrasyon. Se sa ki pli enportan pou nou, akoz si ou pou remarke, ozordi sistenm klorin, nou ankor pe fer li *manual* kot nou pe pran en gran, en *jug* nou a pe vid dan

trou. E i pa izyenik. So se sa ki nou pe fer, nou pe fer li. *Once* ki nou'n *procure* sa bann lekipman i pou enkli pou Praslin e enkli pou Mahe akoz la kou i desann. Mersi.

MR SPEAKER

Mersi. *DG* ti annan en keksoz pou azoute?

DG GYRA NIBOURETTE

Non, Mr Chair. Mersi.

MR SPEAKER

Mersi. Bon nou'n termin avek sa laliny Bidze. Nou a prezan pare pou vote. Manm ki an faver pou aprouv sa Bidze pour Minis pou *Sports Council*. *National Sports Council* ki lo paz 232 ziska 236, pou en total R104milyon852mil.

Manm ki an faver lev lanmen silvouple? Mersi mon war tou Manm in vote, mon pa bezwen demann Manm ki kont. Lo Bidze *National Sports Council* pou en total R104milyon852mil, 24 Manm in vot pour, 0 kont e 0 abstansyon. Alor sa Bidze in aprouve par Lasanble.

Bon mon a remersye Minis e son delegasyon pou zot partisipasyon. Mersi zot bann Manm pou zot kestyon. Annou mazine pou nou gard kestyon lo Bidze e osi kourt ki posibil,

akoz nou vreman annan en problem letan avek Bidze. La i groser sa Bidze e letan ki nou annan i limite pou nou konsider sa.

Minis mon krwar nou pou war ou apremidi, mon a swet bann lezot delegasyon bon depar. Nou a pran poz e nou a rebran travay 2er edmi. Mersi. Eskiz mwan ou annan en kestryon pou, ki nou bezwen *deal* avek la Onorab? Yes.

HON SYLVANNE LEMIEL

Mr Speaker, *sorry*. Wi mon konnen nou'n fini, me selman mon ti a kontan de la par nou *Caucus*, e mon pe panse Lasanble antye, akoz nou pa konnen si Mr Jean Larue pou re *apply* pou sa *post CEO*, so nou ti a kontan dir li mersi. Pou tou sa bann travay ki in fer pandan sa bann *past years*, e petet si ou pa pe *apply* pou sa *post CEO* nou *wish* ou *all the best* pou sa ki ou deside al fer. Mersi.

(APPLAUSE)

MR SPEAKER

Tre byen. Mersi Onorab. Nou a pran poz.

(BREAK)

SEYCHELLES NATIONAL YOUTH COUNCIL

MR SPEAKER

Bonn apre midi tou dimoun, Manm *staff* e piblik. Nou pe pran *National Youth Council*. Madanm raporter ou ava aple Minis e son delegasyon. Bonn apremidi ankor Minis e byenveni. Dan delegasyon Minis nou pe *welcome* Ms Penny Belmont *CEO Seychelles National Youth Council*, Ms Mary Nourrice *Accountant* e Ms Patricia Ernesta ki *Financial Controller* dan Minister Lazenés *Sports* e Lafanmir. Me osi nou annan avek nou Ms Astride Tamatave ki reprezant Minister Finans. Byen fotespere mon'n ganny tou dimoun.

Seychelles National Youth Council Budget lo paz 227 ziska 231, pou en total R21milyon419mil. Minis ou lentrodiksyon silvouple.

MINISTER MARIE-CELINE ZIALOR

Mersi Mr Chair. Bonn apremidi a tous. Pou Bidze ki nou a pe vin demann laprouvasyon Lasanble pou Konsey Nasyonal Lazenés, i 21.4 apepre 21.4milyon e sa i prezant, i pli mwens logmantasyon dan Bidze an antye pou *portfolio* apepre 1.6milyon

logmantasyon, ki prensipalman i pou kouver 13enm mwan saler pou bann travayer.

E manda ankor pou Konsey Nasyonal zis en pti bref, se pou, i en Konsey. E pou li kapab regilariz e osi tou fasilite bann travay lo kote devlopman lazenes ki sorti dan Polisi lazenes kot Departman *Sport* avek Lazenes i prepare. Mon pa pou tarde akoz mon konnen i annan bokou lentere lo sa size Mr Chair. Mersi bokou. Mon a termin lanmenm. Mersi.

MR SPEAKER

Mersi wi, nou a konmans avek kestyon bann Manm. Nou a gard bref e osi Minis nou a gard bann repons bref, *to the point*. Onorab Lemiel i kapab konmanse.

HON SYLVANNE LEMIEL

Mersi Mr Speaker. Bonn apremidi Mr Speaker. Byenveni ankor enn fwa Minis avek ou nouvo delegasyon. Mon ti deza annan 2 kestyon bomaten ki ti konsern, Minis ti dir mwan nou ava anvoy li pou *SNYC* ler i vini. Zis pou mwan *recap* en pti pe lo la. I ti konsern sa *Youth Bureau* Anse Royale, ki son lavenir? Akoz in fermen?

Dezyenm kestyon ki mon ti demande e se bann *youth workers* ki ti dan distrik, nou

vwar ki i paret zot in ganny nouvo rol, kot zot in swadizan ganny transfer mon panse ek Gouvernman Lokal.

Petet ti a bon nou konnen prezan, ki vreman, eski i annan *youth worker* dan distrik? Ki vreman sa nouvo laranzman ki *SNYC* in fer an sa ki konsern petet pou nou *deal* avek bann zafer lazenes dan distrik? Mersi.

MR SPEAKER

Mersi Onorab pou ou kestyon. Wi Minis in fini montre lo *CEO*.

CEO PENNY BELMONT

Mersi Chair. Bonn apremidi tou Manm Onorab. Mersi pou ou kestyon. Ou premye kestyon i konsern *YSB*. Fodre nou realize dan sa lanvironnman konmela en *service café, café bureau* i nepli parey ki nou ti fer avan, akoz tou dimoun i ganny akse avek *internet*.

So avan sa *service bureau*, i ti ganny deservi pou fer *photocopy*, bann zenn ti vin servi *computer and all*. Me avek sa nouvo lanvironnman, nou'n bezwen revwar son servis. E an prenon kont sa landrwa, nou'n annan diferan *meeting* avek *MLUH* avek Lapolis an konsernan sa landrwa ki nou ti pe servi.

Fodre ou realize poudir nou'n ganny kase 4 fwa e sak fwa i kase, mon bann *youth worker* ki bezwen rann sa larzan, akoz in ganny vole. Tio deor i ganny koupe, i ganny servi. Bomaten ler travayer i vini deor partou i annan sereng, par deryer zis kot bann droger i servi.

So nou ti'n pran kontak avek *MLUH*, ki'n dir nou zot pe revwar servis sa landrwa kot *probably* zot pou ferm li byen e pou servi koman bann *Bureau* pou Gouvernman. E nou pa'n ferm li net, nou'n ferm li tanporer ki nou pe revwar ki son, ki aktivite ki nou kapab fer ladan.

Dan nou nouvo manda, nou pe anvizaze an deservi, annan 1 biro ki pou Anse Royale avek 1 Praslin.

Akoz *right now* tou zenn i desann anba santral kot nou *headquarters* pou tou aktivite. E baze lo nouvo manda ki nou fer *empowerment*, nou pe ed bann zenn dan distrik ki pa parey avan kot nou ti annan 1 *youth worker* dan sak distrik ti fer louvraz tou dimoun. Nou manda in sanze. Nou bezwen revwar kwa ki nou fer egzaktaman.

E konsernan sa dezyenm ki ou dir zot in ganny transfer kot *Local Government*, non. I sel

dimoun se, sa enn travayer ki ti Anse Royale. Li i son desizyon pou anvi ganny en transfer pou al kot *Local Government*. Se pa nou ki'n transfer li. Mersi.

MR SPEAKER

Wi, Onorab.

HON SYLVANNE LEMIEL

So, mersi Mr Chair, me selman *CEO*, mon krwar ti a bon la letan nou ganny en loportinite ou pe diskit sa Bidze, konmsi eksplik nou, eksplik Lepep la deor en ti pe pli byen. Donn nou en ti pe plis detay lo kote, konmsi ki pou arive prezan? Sa enn ki ti Anse Royale ou dir i son nide ki'n transfer, be *what happened* avek lezot? Ou ankor annan *youth workers*? Konmsi ou dir ou manda in sanze, keksoz in sanze. Eksplik en pti pe sa bann sanzman e ki fason petet sa Bidze li menm ki manner i pou ede, i pou asiste ou, i pou bouz keksoz dan distrik? Mersi.

MR SPEAKER

Mersi. *CEO*, si ou oule *expand* en pe lo *youth worker*.

CEO PENNY BELMONT

Ok, mersi Chair, mon pou pran tou lede anefe. Premye mon'n bliye donn ou. Ant Zanvyek Oktob, ziska Oktob, depans

pou Anse Royale i R318mil956 e larzan ki nou'n anmase avek *photocopy* pou Zanvye ziska la ek bann servis i R10mil.

So ou vwar poudir i pa ti annan sa balans e nou ti pe perdi plis. E par kont tou le semenn 2 *accountant* i bezwen sorti biro, monte al Anse Royale al anmas R12, R65 pou *photocopy* ki en kantite depans lo nou. So sa bann desizyon ki nou'n bezwen pran baze lo levidans.

E konsernan bann travayer dan distrik, wi nou ti annan 1 travayer dan sak distrik. Avan ki ti travay direkteman ek *DA* ek *MNA* ti fer program. Me la sepa *SNYC* ki sipoze fer program. Nou pa pe *operate* koman en lazans. Nou pe *operate* koman en *Council*.

E parey *NSC* i annan *Council* i annan tou son bann lasosyasyon. Nou osi ki nou pe fer, nou pe fer bann groupman dan bann distrik. Dan distrik nou annan bann *youth-led groups*. Fodre par kont zot realize nou annan nou 40 *affiliated members* ki ti deza egziste avan.

Post-secondary school e tou sa. La ki nou bezwen vwar, nou bezwen *empower* bann zenn pou zot pran labaz. Zot ki bezwen annan zot bann groupman. Zot ki bezwen fer zot

formasyon. Nou la pou donn zot sa sipor. E ler nou get sa seksyon ki'n ouver se *empowerment*. *Empower* se langazman dan kominote.

Ler ou annan ou bann *culture groups, empower groups and all that*, nou, nou donn ou sa sipor *whereby* bann *leaders* i ganny bann *training*. Bann sekreter ki lo Komite i ganny son *training*. Sa bann ki pe fer *bookkeeping*. Nou fer li baze lo demann.

E nou bezwen pran kont sak distrik i annan son demann spesifik. Par egzanp dizon Anse Boileau i pou dir ou i annan son group *cultural*, me La Digue i pou dir ou i annan en lot group ki, so nou bezwen war li spesifikman. So ler ou garde nou rol in sanze e travayer prezan i fer li 6 distrik. Avan ti annan 1 dan sak e nou'n *cut down* osi lo lakantite travayer.

E parey ler Minis in eksplike nou'n ogmante dan '*wages and salary*', nou ti bezwen revwar. Akoz plizyer fwa mon'n vin dan Lasanble, zot in koz ek mwan lo saler *youth worker* ki ti R3mil225. E pou zot sorti kot zot depi bomaten, 2er edmi travay avek sa bann zenn, antre kot zot 7er 8er, i pa ti fezab;- Sanmdi Dimans. Akoz ler ou travay kot *SNYC*, i pa

parey dan en lot lazans kot ou vini 8er bomaten 4er ou ale.

So, apre i demann komitman. Ou bezwen annan dimoun ki kapab travay ek zenn, ki annan sa devosyon ek sa lanmour pou travay ek zenn. So nou'n bezwen revwar osi sa bann saler.

Akoz, e se sa rezon ki nou'n bezwen revwar antyerman kwa ki nou fer egzaktaman. Ki mannyer nou ed en zenn epanouir, dan diferan laspe ki i anvii ale. Me prenon kont, ki nou fer? Nou, nou fer en bout, me nou kree lespas pou sa bann zenn osi antre ladan e pran responsabilite. Mersi.

MR SPEAKER

Thank You. Onorab Aglae.

HON EGBERT AGLAE

Mersi Mr Speaker. Bonn apremidi Minis, CEOs ek ou delegasyon. Minis mon annan en pti leklersisman. Kot i konsern ou *rental* la, mon war pou annan en ti rediksyon sorti 6milyon pou vin 5.6. E si ou kapab donn mwan en leklersisman lo sa rediksyon? An menm tan, vi ki ti annan serten Lagreman dan sa menm *building* ki ou ladan la, eski zot in kapab tonm lo serten, akoz

zot ti pe *share* avek sa lot antite? Mersi.

Apre lot, kot i konsern *training fees*, mon war dan program *youth services* la. I annan en logmantasyon pou ariv mon krwar pre 200mil. Si ou kapab donn nou en ti kontrandi lo la? Apre i annan *part time lecturers* ki mon war i annan en pti rediksyon 720 pou vin 660. Si ou kapab en pti lesplikasyon, lekel sa bann *part time lecturer*, ki zot pe fer, anba ki program ki zot pe donn sa bann *lecturer*? Mersi.

MR SPEAKER

Thank you Onorab. CEO menm i a kontinyen.

CEO PENNY BELMONT

Mersi Mr Chair. Mersi Onorab. *Rental*. Nou pe *rent* en landrwa kot nou pe partaz avek en lot antite. Avan i ti pou SNYC antye, me selman avek lanvironnman travay ki mannyer in vini, zot in bezwen fer nou *share* avek en lot. Me prezan ki fer, aktivite ki nou ti pe fer dan sa menm landrwa nou'n bezwen pa fer. Akoz i, lanvironnman sa lot antite, son laspe travay ki i fer.

Me par kont nou'n nobou negosye avek SACOS, e sa mon kapab dir mon'n negosye mwan menm. Nou ti annan en *rental*

ki ti 400mil par mwan e in desann pou vin 300mil. Akoz nou'n bezwen vwar ki nou fer egzaktaman e zot in konpran nou.

E par kont Praslin nou ti deza dan en landrwa e rezon ki nou redwir, nou pe sorti kot nou pe pey *rent*, nou pe antre dan en lot landrwa ki pou Gouvernman. E nou'n negosye, e la nou *rent* pou desann. Nou pa pe al pey *rent* laba eksepte nou bann *overheads*. *Ok*.

Ou trwazyenm ki ou'n demande, ou dezyenm ki ou'n demande se konsernan *fees* ki'n monte lo *training fees*. Ou bezwen realize poudir fer keksoz tou le zour menm parey, i pa fezab. E lanvironnman i sanze, teknolozi i avanse. E travayer osi i bezwen ganny sa satisfaksyon.

E ler ou donn zot en responsabilite, ou donn zot en *increase* dan zot saler, i vin avek en responsabilite sa. Zot bezwen annan sa *training* epi sa kapasite. Akoz nou lanvironnman avan ki mannyer zot ti pe travay dan distrik, la zot bezwen plis bagaz. Zot bezwen rod fason pou zot al angaz plis avek bann zenn. E en lot nivo en lot fason.

So i enportan pou nou ki *training* i kontinyen pou nou ed en travayer monte dan son lavi.

E son devlopman personnel osi i enportan. E se sa ki nou'n met *training* bokou dan pou nou, *ok?*

Aprè ou'n demann *part time lecturers*. *Part time lecturers* parey mon'n dir, dan sak distrik nou annan bann *youth-led groups* ki pe monte. Be baze lo zot topik ki zot bezwen. Par egzamp, Anse Royale ti demann nou pou dir zot vwar en mankman dan *financial how to prepare your budget, how to do your bookkeeping*.

So, la nou'n sanse nou'n *partner* avek *Central Bank* ki nou en program anba *SNYC* ki apel *Pocket*, e zot in vini zot in fer pou nou. *So, part time it all depends on the specificity*. Epi sa bezwen ki nou bezwen pou bann group pou nou donn zot sa langazman. *Thank you*.

MR SPEAKER

Wi Onorab. Terminen.

HON EGBERT AGLAE

Yes, mersi CEO. CEO mon ti anvi zis konnen la avek restriktirasyon ki zot in fer, konbyen *staff* i reste zot la ki pe travay ek *SNYC*? Mersi.

MR SPEAKER

Thank you. CEO.

CEO PENNY BELMONT

Thank you. Pou le moman nou annan 50 *staff* ki pe travay.

MR SPEAKER

Thank You CEO. Onorab William.

HON WAVEN WILLIAM

Mersi Mr Chair. Mr Chair pou sey konpran en pti pe sa travay ki *SNYC* pe fer. Mon anv demann avek Minis or *CEO*, mon vwar ki dan *challenges bullet point 6*, zot dir ki bann lezot aktivite i ganny enpoze lo zot par bann lezot lazans, sa i en *challenge*. Mon ti a kontan ou eksplik nou en pti pe. Akoz nou konpran pou dir i annan bann diferan aktivite ki ganny *shared* parmi bann lazans Gouvernman. So nou anv konpran en pti pe bann difikilte ki zot fer fas avek?

Epi mon dezyenm kestyon se ki, anba, *well* dan paz 230 kot i konsern bann *startup businesses*. Konmsi mon vwar sa en pti pe, sa se konmsi pa tro anbisye konmsi. Konmsi mon ti a kontan zot eksplik nou pou nou kapab konpran, akoz si nou pe anv ed bann zenn pou *start-up* en *business*.

Konmsi ou get sa, ou annan ou 25 distrik, e ou pe dir mwan poudir pou 1 lannen nou annan zis 15 e zot pa donn nou

target. Ki zot target, be zot pe dir zot pa ase zis 15. So, nou ti a kontan si zot ti kapab dir zot annan en target.

Akoz letan nou get dan tou bann dimoun, get dan mon distrik, Grand Anse Mahe i annan en ta dimoun, ta bann zenn ki anv fer biznes. Selman pou ou dir pou ganny en target 15, pou dir nou pou asiste 15, *without a target*. Konmsi pa en ti pre tro anbisye konmsi, mersi.

MR SPEAKER

Mersi. *CEO*, wi.

CEO PENNY BELMONT

Mersi Chair. Mersi Onorab. Premye *challenges*. Ou konnen avan *SNYC* tou sa ki, nenport ki departman, antite ki bezwen group zenn, ki bezwen travayer ti vin rod kot *SNYC*. Tou zot *meeting*, si zot bezwen en group la, *SNYC*. E annan de ler ou ti ganny enpoze pou dir ou bezwen al *attend*. Ou bezwen anmenn 50 zenn, ou bezwen anmenn 25 zenn.

Me nou'n bezwen vwar poudir i bezwen annan en laliny respe. I annan en fason fer keksoz. Nou pa *mind* travay ansanm ek zot kolabore, me nou bezwen osi, nou osi nou annan nou plan travay pou en lannen. Nou osi nou annan nou

stratezi avek nou *goal* ki nou bezwen *meet*.

E ki nou'n fer la nou pe zwenn avek bann antite parey *Local Government* dan, demen ou pou war avek *SLTA*, bann diferan lazans ki demann nou. Akoz lazanes i *cost cutting* partou ek Lanplwa. Me i annan en fason fer keksoz. Ou pa kapab zis enpoz lo nou, zis dir nou vini. E prezan nou, nou aktivite ki nou'n prepare, nou program nou bezwen met *on-hand* e fer *deliver* sa ki pou zot.

E zot, zot pe zwenn lo zot manda. E pou nou, nou pa pe zwenn nou target. Ki prezan annan de ler i fer travayer fristre. Par egzanp, tou aktivite, *National Day*, tou aktivite pou *Christmas* la, ou pou war *SNYC* ladan. Nou sey *meet* zot bezwen *as much as* nou kapab.

Me selman zot osi zot bezwen aprann *plan* zot lekor. Prepar zot program anvoy kot nou, dir nou, la la ki nou pe *plan* pou sa lannen. Par egzanp lanvironnman. Nou annan *Clean Up the World and all that*. Nou konnen pou dir nou met nou ansanm. Nou travay konman en lekip, konman en tim, me ou pa anvoy mwan 2 zour avan ou levennman e met presyon lo mon travayer ou vini. *So, these are the challenges* ki nou'n koz lo la. *So* i pou nou

prop fason *planning* nou osi, pou delivre *better*. *Ok*.

Apré ou'n koz lo *start-up*. *Entrepreneurship* i en gro topik e vremen i for dan *SNYC* avek lazanes. Rezon ki nou ti mete lannen pase, akoz nou ti napa Bidze. Nou pa ti ganny larzan pou nou donn *start-up*. E trwa kar ditan annan de ler, rezon ki nou ti'n met sa 15 se bann lasistans ki nou'n gannyen avek bann lakonpanyen an deor. Oubyen bann led ki nou kapab ed sa bann zenn. E se sa ki ti 24.

Me par kont sa lannen ler *COVID* in fini la, ek bann zenn ki zot in vin fer zot *pitching* ki nou'n anvoy deor, 49 laplikasyon. E semenn pase *locally*, 27 in ganny aprouve. Pou mon i en pli gro sikse sa lannen, *because* sa lannen la nou'n ganny larzan. Me nou ti napa larzan avek *entrepreneurship*. *Thank you*.

MR SPEAKER

Wi Onorab. Klarifikasyon?

HON WAVEN WILLIAM

Mersi Mr Chairman. Mon anvi petet demann avek Minis, par lefe ki sa bann *challenges* ki nou pe ganny dir, mon panse ki avek sa sistenm *RBM* ki zot pou kapab amelyore. Me an menm tan Minis, mon santi poudir sa

bann *pre-planning*, e si mon pe ekoute zot in fer en Bidze, me selman *additional* i ganny donnen.

Eski zot pe mazin ki sa bann Departman Gouvernman i donn zot osi serten bout larzan pou zot kapab *foot the bill*? An menm tan ler ou regarde, me sa bann travayer ki pe pran *additional work*, eski zot ganny *compensate additionally*?

E baze lo sa zafer *start-up*, eski zot pe maksimiz *the synergy between the private sector* e bann lezot lazans Gouvernman. Akoz ler ou regarde, zenn i pou Sesel. E ou a krwar poudir nou koz pa travay dan *silo*, me selman zot *still maintain* en *framework silos*.

So, mon anvi demande si zot pe mazin en amelyor en pti pe lo la? Akoz i annan resours, me si resours I ganny eparpiye pa apiye, nou pa *channel* li dan en sel *source*, e anmenn bann dimoun ki kapab met larzan, *then* mon santi nou bann zenn petet i ganny kit ater. Mersi.

MR SPEAKER

Minis i a reponn.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mon pou koz

en pti pe an zeneral an gro. Apre si i annan okenn keksoz *specific* Mr Chair, *CEO* i a kapab donn plis detay. An gro akoz nou bezwen sinerzi parey ou pe dir avek, i annan en lot Minister ki ansarz Lantreprenarya avek Lenvestisman. E laznes parey *CEO* in dir, toultan mon osi mon dir -. sa Bidze ki ou vwar la la, i pa zis sel Bidze Laznes li.

Akoz par egzantp i annan bann program pou Laznes avek Lagrikiltir. I annan Laznes avek Lantreprenarya an zeneral. I annan tousala ki dan Bidze lezot antite, ouswa avek *Climate Change*, nenport, *Blue Economy* i annan pa mal Bidze. Pou Laznes avek *Blue Economy*. I koumsa li.

E si, vwala akoz ki Konsey i santi, i vwar li, nou'n vwar, nou'n bezwen re travay lo ki manner son manda ki manner i kapab fer sa. Akoz i ti pe egziste parey en lazans, parey kot, tou bann atlet. Letan mon pe koz aktivite, pa pe koz proze. Nou pe koz aktivite, ti pe zis bann aktivite, sirtou kiltirel, sirtou kiltirel ki ti pe ganny fer, tou letan, tou lenerzi, tou larzan ti pe al ladan. E nenport ki dimoun prezan ki li, i annan en kantite bann fim days, tou le zour i annan enn.

Sak fwa i annan e dimoun i santi i met lazènes ladan, i pe tap ladan. I le donn mwan 50 zenn la, donn mwan 100 la, donn mwan. Se sa ki zot ti pe fer. Nou, nou pe dir, i en Konsey Nasyonal Lazènes. E nou osi nou ankor pe parey *CEO* pe dir, fer lantrenman, fer kapasite avek bann travayer, pou zot osi fer sa, sanz en pti git loptik ki manner nou pe get keksoz. Pou nou kapab al atrape dapre Polisi.

Lo bann tenm topik nasyonal kot Gouvènmàn i deside pou ale, ou bezwen annan en program lazènes ki al avek pou ou fer sa larelev. Lekonomi Ble i enn. E i annan larestan osi tou, lagrikiltir. Bann priyorite nasyonal, kot nou bezwen, *SNYC* ki bezwen ale al ver sa.

At the same time ki annan sa bout *empowerment* kot i travay devlop kapasite nou bann dimoun dan distrik, pou zot pran men responsabilite. Devlop bann aktivite, fer bann aktivite lo nivo distrik. Nou konpran wi i pe pran en pe letan pou bann dimoun konpran sa, e menm petet pou aksepte sa kalite fason fer.

E selman i de-koul dan sa ki Mr Chair, ki Onorab pe dir, egzaktaman sa ki pou a pe dir. E pou annan sinerzi, e pou le

moman in difisil en pe pou nou kapab *focus* parey ou a pe dir. Sa bann *planning* pou kapab *focus* - parey *RBM* ki nou a pe dir. Definitivman se sa bann defi ki nou pe fer fas avek.

E nou bezwen vini, annan en disiplin pou nou kapab *focus* lo sa. E *at the same time* selman nou konnen pou dir sa bann regoupman desantralizasyon i kapab osi ganny fer. Akoz si Gouvènmàn in deside poudir resours e priyorite Nasyonal Lekonomi Ble.

Par egzanz bann distrik ki bord ek lanmer ki annan sa. Kot program lazènes i ganny fer ansanm avek Departman Lekonomi Ble. *SNYC* i bezwen annan letan pou li asiz ek Lekonomi Ble pou planifye, pou regarde, resours ki manner i ganny *synergy*. Ki manner sa, ansanm avek Minister Lantreprenarya.

Be i bezwen annan letan ek resours avek bann dimoun pou fer sa bann... i pou desantralize sa li akoz i pou al dan bann distrik kot i pou bezwen annan. Be pou li asize pou ganny letan fer sa, mon mazine sa bann defi ki nou pe fer fas avek, pou nou kapab ganny sipor Lasanble, pou nou konpran lo ki loptik sa Konsey pe al ladan. Mon pa konnen Mr Chair si kekfwa petet i annan

okenn detay ki *CEO* i anvi azoute. Mersi.

MR SPEAKER

Non, mwan mon krwar sa ki ou'n eksplike i en pe larzman lo program Polisi. Si ti annan en kestyon spesifik lo Bidze ki ou pe de panse, mon krwar nou ti kapab kontinyen. Me pou le moman nou a kontinyen. Me *CEO* ti annan en pwen ou ti pou adrese?

CEO PENNY BELMONT

Mersi Chair. Mon ti ou zis tou sa pwen ki ou'n dir *entrepreneurship* avek *Private Sector*. Nou annan en program ki nou'n devlope anba *Mentorship*. Me sa ankor i bezwen al lo *trust*.

We need to develop sa, sa partener la, i pa kapab vin *overnight* avek lakonpanyen prive pou li pran nou bann zenn, pou antre dan sa... nou bezwen *build* en serten *trust* avek sa bann diferan lakonpanyen. Akoz pou zot i annan i nouvo.

So i en konversasyon ki nou bezwen kontinyen apre pou nou kapab antre byen dan sa *program Mentorship*. Me selman i en program ki anba *entrepreneurship* avek *leadership* ki nou'n konmans travay lo la. *Thank you*.

MR SPEAKER

Thank you, CEO. Onorab Gill.

HON CHURCHILL GILL

Mersi Mr Chair. Bonn apremidi *CEO*. Mon premye kestyon baze lo larepons Minis kot in met lanfaz lo sinerzi. Apre an menm tan kot desantralizasyon;- Vi ki Praslin/La Digue nou annan serten spesifisite. Mon krwar sa i pou tonm byen. Me selman sa restriktire, eski fason ki Bidze in mete, in deza pe kouver zisteman sa pou nou bann zenn kote laba kapab ganny entegre dan bann program. Eski sa i deza la dan Bidze oubyen bann keksoz ki zot pe panse pou zot travay lo la?

Mon dezyenm kestyon, lo sa kestyon ki Onorab in fer sorti, zis selman mon oule en pti pe plis detay lo *part time lecturer*. Akoz pou lannen 2022, ti annan en sonm R720mil. E sa i fer ou en sonm R60mil par mwan. E si ou kapab donn nou en nide, par egzanp pou sa lannen, vi ki nou pe fini la, R700mil, R60mil par mwan. Ki bann kalite program ki'n ganny fer? E sa i ava donn nou en apersi vreman bann depans ki - si sa depans i reflekte.

E pou lannen ki pe vini in desann i pou R55mil par mwan. Ou a donn nou en nide. Prezan

sa bann program ki ou'n fini fer, ki fason ki zot *monitor* pou asire poudir i pa en *one-off* keksoz ki'n fer apre, nou pa konnen ki arive? Me selman nou'n depans R720mil?

So si ou kapab donn nou en pe sa, pou nou kapab *gag* en pe si vreman nou pe benefisye e an menm tan nou pe ganny *value* pou sa larzan ki nou pe depanse.

E mon dernyen se i lo *overtime*. Ti napa *overtime* sa lannen. Mon war ou'n met R228mil, e sa i ariv en *average* R19mil par mwan. Si ou kapab zis donn nou en nide ki bann landrwa ki ou pe *anticipate* ki ou pou bezwen pey sa kantite *overtime* tou le mwan? Mersi.

MR SPEAKER

Thank you. CEO ki adrese.

CEO PENNY BELMONT

Mersi Chair. Mersi Onorab. Praslin ek La Digue i tonm anba *Inner Island*, me zot osi zot annan lazenes. Nou pa kapab fer program diferaman pou zot. Zot osi zot bezwen langazman, zot bezwen *empowerment*, zot bezwen *wellbeing and health* e tou sa.

E se sa rezon ki sa YSB ki nou ti annan Praslin - Baie Ste Anne, nou pe bouz li, nou pe donn li en pli gran lanpler. E

menm servis ki nou pe donner Mahe nou pe donn laba. E rezon ki nou pa'n met son Bidze *Inner Island*, nou'n rod gidans avek Minister Finans ki nou pa'n met li separeman, se akoz i tonm anba tou le 4 seksyon. I tonm anba *engagement*, i tonm anba *wellbeing*, i tonm anba *leadership*.

So kantmenm ou pa war sa Bidze spesifik pou *Inner Island*, tou zot bann depans i ganny kouver menm parey. E tou aktivite ki Mahe i fer, zot osi sa bann travayer i ganny menm *training*. Zot desann pou vin fer *training* oubyen *training* i al ganny fer laba. E zot osi zot ganny menm langazman.

E par egzanp ler en travayer isi nou fer *training* oubyen nou fer en *exchange*, zot osi zot benefisye. E la ankor kot nou annan bann zenn ki sorti isi ki al Praslin, ki al *Inner Island* ki retournen. E zot pa perdi. Sa rezon ki nou pa met zot Bidze *Inner Island* apar akoz zot *form* par dan SNYC zot tou ansanm, *ok*. Sa premye.

Ou dezyenm, ou'n demann, ler ou'n demann konsernan *overtime*, nou pe fer dan SNYC, vi ki nou napa bokou travayer, nou'n *reduce*. *What you call the job enlargement*. En travayer ki bon lo serten, i annan serten *skill*.

Par egzanzp apard ki son louvraz ki i pe fer, i osi pe ganny ankouraze pou li pran lezot responsabilite.

E sa ki i fer, i ed ou pou ou donn en travayer, e ankor baze lo merit avek *appraisal*, pou li ganny en pti gin an plis lo son saler, oubyen en *allowance*, oubyen dan *overtime*. E sanmenm sa ki nou'n met li anba la. *Ok?*

MR SPEAKER

I annan *part time lecturers* mon krwar?

CEO PENNY BELMONT

Ok, ki mannyer nou *monitor*. Par egzanzp *entrepreneurship*. Ler en zenn antreprenner i vin kot ou i fer *startup* la, nou annan serten *training* ki i bezwen fer avan ki i ganny asiste. E ou pa kapab zis pran larzan donn en zenn, for *example*. Oubyen ou dir ek li, be la mon'n konmanse, al anrezistre ou annan ou biznes.

Ou bezwen annan *follow-up*. Ou bezwen annan fason evalye li e *monitor* pou dir son biznes pa pe *fail*. Son biznes pe kontinyen. E ler ou'n donn en dimoun, for *example* ki'n vini ki'n fer en *training* lo *bookkeeping*, i pe fer ki mannyer pou *manage* son larzan.

I osi bezwen apre 3mwan sepa 4mwan, sa zenn i bezwen retourn kot li. La, la ki mon pe fer. Ki mannyer mon pe zer mon larzan? Larzan kapital, larzan biznes eski mon pe servi li *personal*? So, *these are the things* ki nou'n mete ladan pou nou kapab *monitor* e ed en zenn.

Ou pa kapab zis donn li, les li tousel i naze. Akoz toultan mon dir, fasil konman biznes. Reste dan biznes i pli difisil. E nou dan sa lanvironnman nou bezwen ed en zenn epanouir. Ou bezwen ed li avanse. Bann rezon ki nou pe demann larzan pou nou fer sa bann keksoz, egzaktaman.

MR SPEAKER

Ok, wi ale Onorab, poz ou kestyon klarifikasyon.

HON CHURCHILL GILL

Mersi pou ou larepons *CEO*, me selman i paret ou pa'n konpran byen mon kestyon ki mon'n demann ou, akoz ou larepons ki ou'n donner i pa dan menm direksyon.

Lo mon premye kestyon sete pou program akoz nou, nou annan serten spesifisite. Par ki Bidze i devret *allocate* pou nou. Non pa sa. So ou prezan dan ou program, ki kalite program ki ou pe

programmen pou lannen prosenn, baze lo sa spesifisite ki ou pe mazin pou fer Praslin ek La Digue? Sa, sa enn premye.

Lo kote *lecturer*, mon'n dir ou dan sa lannen nou ti aprouv R720mil, e sa i tonm ou apepre R60mil par lannen. Prezan mon kestyon sete ki bann diferan *lecture* ki'n ganny fer? Ki sa bann topik? Aprezan ler ou'n fini ganny ou bann topik, prezan pou ou dir nou ler ou ti fer sa enn premye an Zanvye 2022, ti annan 15 manrmay. Ki fason ki ou'n *monitor* ki manner sa in devlope?

Fason ki ou'n eksplik mwan mon santi petet Minis, koman en sizesyon, tou sa bann - ler i annan sa bann *lectures*, i bezwen annan en dokimantasyon ki montre kwa ki'n fer. Apre ki arive apre?

Akoz la nou pa konnen. Nou konnen nou ti'n R720mil. Me selman nou pa'n ganny detay ki kalite ki'n fer ki'n egzoz sa R720mil? Apre ki'n arive avek sa bann dimoun ki'n partisip dan sa keksoz?

MR SPEAKER

Tre byen. *CEO* a sey eksplike.

HON CHURCHILL GILL

Sa ki mon ti pe rode, mersi.

MR SPEAKER

Mersi.

CEO PENNY BELMONT

Ler ou gard ki nou'n dir pou dir nou nepli fer aktivite. Nou fer program. E lanmenm ler zot in demande aköz *program officers*. 2 diferan *NGO's* groupman in fer dan distrik. Sa bann zenn la, premye fwa zot fer zot formasyon. Zot pa konnen ki manner i vin en *leader*. So nou annan *course* dan *leadership*. Nou annan *course* lo *Pocket*.

E en gro pli gro problemm ankor ki annan Sesel se *mental health*. Bokou, bokou dan nou bann *training* dan bann program, se nou'n bezwen donn kapasite bann zenn ki manner pou al *deal* avek sa sityasyon deor. Nou annan *peer educators* ki nou pe fer. Se rezilta ki nou fer sa. Se nou vwar i annan en desann lo bann problemm *mental health for example*.

Avan i annan Lendi ziska Vandredi dizon, ziska Dimans. 7 zour dan lasemenn. Lendi Mardi by Merkrede ou annan ou 7 *suicidal attempt*. So baze lo *data* levidans ki nou *derive* nou bann program pou nou asiste zenn. E ler en *youth worker* oubyen en *youth program officer* dan distrik, i napa sa kapasite pou li *deal* avek sa. Aköz i pa spesyaliz ladan li. Lanmenm ler

nou bezwen fer sa *bann part time lecturers* ki vini i fer sa bann program.

So ler ou garde, bann program ki'n ganny fer *A to Z* pou bann *entrepreneurship, startup, pocket, mental health, youth matters, ok, recovered. Nobody is talking about them.* Nou annan en kantite zenn ki dan *recovered addict.* Me selman i pa vadir ki zot in fini perdi. Nou bezwen rod fason. *These are the training that we are doing, ok?*

Wi petet, annefe ti devret pe donn nou en pti pe plis larzan ki sa ki nou'n demande ladan, akoz ler nou get kantite zenn ki nou'n fer groupman avek nouvo, prezan ki zot pe konpran ki nou pe sey fer, prezan ki ou bezwen konpran pou dir mwan mon ganny drwa kree mon pti *group cultural.* Mwan mon ganny drwa fer mon pti *troops.*

La ankor, nou'n sanse nou annan bokou dimoun parey Mr Patrick Victor ki vin *train* nou bann latroup pou naryen. Nou annan en kantite dimoun ki pe vini. Me i annan i pe donn nou son letan avek son latansyon. Ou bezwen kapab pey zot, me rezilta ki nou revwar, nou war bann groupman zenn. Nou war dan distrik i desann akoz nou

annan plis lentere. Nou annan pli *cultural groups.*

La pou Desanm, tou dimoun pe demann SNYC pou vin sant *Christmas carols.* Be si ou pa ti annan sa bann formasyon bann group, kot ou ti pou ganny group pou anvoye? Zot in demann ou pou vin zwe *band.* Mon annan 2 *band* mon krwar i egzoz depi Zanbye ziska Desanm. E manrmay lekol sa.

E prezan pa zis sa. Ou annan *educational program.* Ou annan bann group *sport* ki'n formen, foutbol. Nou napa en larzan ki nou pey sa ankadre nou. Zot vin *for free.* Mon krwar dan bann ankadre nou annan zis 2. En fiy ki montre lanmizik, ki nou pe pey li. E nou pey li R1,500. Me ler ou gete i pe *train* en kantite group. I donn ou son letan apre ler, tou le zour or Sanmdi Dimans. Ou konpran mwan mon bann program prezan? Mersi.

MR SPEAKER

Ou'n terminen *CEO*?

CEO PENNY BELMONT

Wi mersi Chair. Mersi Onorab.

MR SPEAKER

Onorab fotespere ou kapab travay avek sa bann leksplik ... Onorab Vidot, ou kestyon.

HON AUDREY VIDOT

Mersi Mr Chair. Mr Chair ou konnen mon vreman trakase ozordi an term letan mon pe regard pou Bidze pou SNYC. Akoz? Zis mon oule redir ek *panel* regard la anndan kantite Manm Lasanble ki par anba 35an. Pa bokou.

So nou, nou depan lo Departman Lazenés, lo SNYC, lo bann NGOs pou kapab donn en sipor ki mannyer nou kapab anmenn bann program oubyen bann aktivite ki pou tous nou lazénés, *empower* zot, ki apart ki zis vin nou bann fitir *leaders*, me osi pran bann pozisyon kle dan bann lezot departman.

E letan mon'n regard zot bann *challenges*, annou konmans lo travayer. CEO ou'n dir pou dir 50 travayer zot annan la. Mwan mon oule konnen pou depi 2022, kantite ki zot annan ki'n fer zot ariv lo 50? Akoz mon konpran i annan apepre en douzenn in ale. Konfirman si i vre. E akoz zot ale? Restriktirasyon, mank lentere, konmsi ki problem? Sa i enn.

Lot, akoz nou pe vot pou en Bidze pou lannen prosenn la. Nou anvi war plis zenn aktiv. Lot keston. Nou annan bann konstrent ki'n dir pou dir bann letan restriksyon, zot ti deza

annan Bidze pou zot fer zot program, parey zot dir zot pa pe enplimant aktivite. E nou konsern se ki nou rapel ti dir akoz ti koup lo *youth workers*, pou fer li lo baz rezyonal.

Me dan mon rezyon, mon annan *Mamelles, Plaisance, Mont Fleuri, Roche Caiman, konmsi, Pointe Larue, kantite aktivite dan sa peryod letan depi ler restriksyon in ganny large, ki zot ti kapab anmenn sa bann zenn ansanm, e lev nou bann distrik?

Mon asire mon bann koleg ki dan sa bann distrik, zot bezwen touse lo la. Konmsi nou anvi war plis. Kantmenm ou pe dir nou dan bann groupman, dan bann Minister, dan bann departman i rod nou bann zenn. Zot fer li lo baz nasyonal.

Be problem i dan nou distrik. Nou annan zenn ki pe tonm anba bann lenfliyans. Zot pe ganny neglizé zot, ou konpran? Wi zot pe tous bann ki dan lekol, be bann 18an 20an 21an, konmsi ki pe arive avek nou bann zenn? Ki SNYC Departman Lazenés pe fer ansanm avek SNYC?

Mon'n lev mon lanmen anler mon'n vot pou Bidze Departman Lazenés. Mon anvi fer ankor parey 2an mon'n fer pou SNYC. Me mon anvi war rezilta, ki tous mon kominote

enkli mon rezyon. Me si mon pa war sa, mon pa pou zanmen lev mon lanmen pou vot kont zot Bidze. Me mon konsernen avek sa enn. Eklersi mwan *CEO*. Mersi.

MR SPEAKER

Mersi. *Sorry*, Minis i ava reponn.

HON BERNARD GEORGES

(Off-Mic)

Ou annan kestyon ou?

HON BERNARD GEORGES

Non, Mr Speaker. Mon ti anvizis fer en pti remark lo kestyon Onorab Vidot. Naryen kontansye, Onorab Vidot in tre zisteman dekrir nou rezyon, ki annan 4 zoli distrik, Mont Fleuri, Roche Caiman Plaisance, *Mamelles – “Les Mamelles” silvouple! Mersi bokou.

MR SPEAKER

Ok, bon. Mon konpran. Minis ou a pran ou repons.

MINISTER MARIE-CELINE ZIALOR

Mersi Mr Chair. Mersi Onorab pou ... Mon pou zis adres sa konsern zeneral. Apre *CEO* i ava kapab donn detay lo en pe bann program. E i annan en pti pe kontradiksyon dan sa kestyon

Mr Chair, akoz in avoue ki i dir nou'n dir nou pa fer aktivite selman apre dernyen kestyon pe demande ki aktivite ki'n fer pou rezyon.

Mon konnen i pou pran nou en pe letan pou nou petet parey nou'n dir an Angle, *wrap* nou latet *around* sa bann fason fer *SNYC* ki mannyer in sanze. E Mr Chair mon pe fer en pe refleksyon pou osi tou pou detrwa sa bann mwan lo la, regarde, akoz nou fer refleksyon lo nou bann desizyon nou osi tou. Regarde ki mannyer pe ale, analiz li kritikman.

E ou konnen si i fer aktivite dan bann distrik parey ti pe fer avan. Nou pe koz *results-based* parey Onorab William i kontan koz lo la. Nou ti'n merit napa sa kantite problem sosyal avek nou bann zenn. Si petet fer aktivite dan distrik parey nou ti pe fer oparavan. E letan nou'n vini, sa bann aktivite fason fer nou annan, sa ki nou annan la. Sa bann fleo, ensidswit ek lazenes.

Ou konn *Einstein* i dir ek ou zis en dimoun fou fol ki kontinyen fer keksoz menm fason ekspekte diferan rezilta. Nou fason fer la, mon konnen wi akoz ou konnen, par ler en kantite fwa letan nou pe fer sanzman, nou pe fer en keksoz diferan. I normal sa ki letan nou

pe konmanse nou pe fer diferaman, bann labitid i plito koze en pe plis e i normal sa avek imen.

Me selman nou pou bezwen Mr Chair, donn sans, annou donn sans - mon pe demann sipor avek Lasanble ozordi - pou nou donn sans, pou nou vwar osi tou. Responsabilite akoz, si nasyonanman ou al dan bann distrik ou fer aktivite, ou tir responsabilite lo sa bann zenn par lao 18an. Vre Onorab i annan rezon.

Dan lepase 18 a 30an 35an nou pa'n tro, tro fer bann programasyon ki target zot. E se sa ki nou ti pe revwar avek SNYC, pou annan sa bann programasyon ki pou target zot e donn zot responsabilite osi tou, akoz nou konstata pou vwar. SNYC ti'n fer resers.

Nou annan pa mal difikilte avek, kot nou bann dimoun pou pran responsabilite. Tou responsabilite, la mazorite responsabilite dan lepase in en tradisyon, i ganny met lo Gouvernman. En kantite responsabilite, i ganny met lo Gouvernman. *Even* pou ou prop byen net, pou ou lasante, pou ou fer bann bonn swa dan lavi, tousala i ganny met lo Gouvernman.

Nou ki nou pe dir, akoz *portfolio* Minister i lir lo ledikasyon *advocacy*. Pou nou re sanz sa kiltir, pou nou kapab dir avek bann zenn. E parmi fer, nou pa kapab zis dir re sanz kiltir, selman nou fason fer i konsolid sa vye fason fer pran tou responsabilite ankor, met lo en Konsey, met lo en lazans.

E pa ede pou ki nou devlop sa fason fer kot nou bann zenn i annan sa *skill* parey *CEO* in eksplike. Sa kantite bann larzan ki nou pe mete la dan sa Bidze lo kot ledikasyon, *lecturer* ensidswit, pou ki sa bann zenn i santi i mon responsabilite, i mo kominote, i mon distrik, i mon pei, i mon lavi!

E ki zot vini pran sa responsabilite pou nou kapab, koumsa ki nou annan soutenabilite. I pa zis pou nou lanvironnman, i pou imen. Soutenabilite imen i vedir ki nou bezwen fer sa bann detoutman ki nou pe fer. E ankor mon pe repete Mr Speaker, mon pe depan lo ou sipor bokou, avek Lasanble pou nou kapab fer sa bouz sa direksyon pou nou fer dimoun okouran konpran pou dir pran mon responsabilite, bann programasyon. I pa zis aktivite kiltirel.

Wi nou annan pa mal nou pou fer dan *sports* e lezot

rekreasyonnel ki anmenn pozitivite dan nou bann kominote. Me sa i responsabilite - i responsabilite tou dimoun - tou dimoun. E nou, nou anvi ki plito akoz ou konnen en ta fwa mon'n travay Ledikasyon en kantite fwa, parfwa nou'n vwar bann fot nou'n fer.

Nou konnen nou fer sez en pti pe fay, fay kote. Nou kase nou pou al rod enn ki fer ek dibwa. Nou kase menm nou al rod enn ki fer ek feray. Mon pa konnen mon, kekfwa kek metal ki lo lalin par la dan lespas ki pa kapab kase. Dan plas fer sa zanfan apresye telman sa sez, akoz i annan lezot pei son kanmarad napa. Apresye ki'n ganny sa sez, in ganny ledikasyon. I pou proteze kantmenm ennler en sez en pti pe pa tro, tro fay pou *last* li en pe letan, akoz i apresye sa sez.

Se sa, sa bann valer, sa bann fason fer, i pran en pe letan wi, selman i pli soutenab. E son rezilta nou pe travay *results-based*. Rezilta ek lenpak i anmenn en pti pe pli devan. E pou nou kapab fer sa nou pou bezwen Mr Speaker sanz en pti pe nou lapros. En pe fason ki manner nou pou fer keksoz.

Nou, nou dan en pti perd tranzisyon en pe sa lannen kot nou fer ankor en pti pe sa bann

aktivite, wi. Me selman la mazorite letan kot nou pe fer ki *CEO* pe eksplike. Sa bann larestan konponan ledikasyon edikatif ki nou pou fer. Me petet parey bomaten mon'n dir, i riske kekfwa petet dan pe fer tousala, nou vizibilite, nou kominikasyon i reste en defi.

Kekfwa nou merit kominik sa en pti pe pli byen. Sa mon ava agree pou nou fer keksoz en pti pe diferaman. Mon pa konnen kekfwa petet Mr Chair, *CEO* i anvi azout lo enn de bann lezot kestyon kekfwa *specific* ki Onorab in adrese. Mersi.

MR SPEAKER

Ok, CEO si ou'n note, i annan pwen pou ou reponn.

CEO PENNY BELMONT

Mersi Chair. Onorab sa pwen ki ou'n koz lo la se la kantite travayer. Wi nou'n annan en gran rediksyon e baze ankor ... ou konnen sanzman i vin avek responsabilite. Ler nou dir nou pe sanz fason fer keksoz, nou bezwen revwar nou dimoun osi, nou bezwen vwar responsabilite.

E nou'n annan *redeployment* ki annan travayer ki'n sorti kot *SNYC* in al dan lezot departman *within the Ministry*, akoz i annan bann

lezot seksyon osi ki'n ganny formen ki ti napa travayer.

So dan plas met en travayer deor, nou vwar dan son *training* ki'n fer ki kapab *redeploy* dan en lot landrwa. Apre, zot konn byen pou dir, vre nou'n sanz *salary*. Nou fek sanz. Manrmay fek ganny zot let Vandredi pase. Vandredi pase ki zot in konnen poudir zot pe ganny sanzman dan saler e tou sa, me depi avan *it was an ongoing* travay progresyon ki nou ti pe fer avek *PSB*.

E prezan sa bann lezot travayer, ler ou vwar poudir ou pe demann zot al fer *training* an plis, ou pe al fer en lot *capacity building*, i dir ou koumsa pa sa ki ti anvi fer. Li i anvi travay dan sa travay *specific*. So in ale in al rod en lot lanplwa dan sa laspe ki li i anvi. E ou pa kapab anpes en dimoun fer progresyon. E i vwar poudir son *salary* ki pe al gannyen laba osi i *better*. So nou pa kapab anpes dimoun bouze.

Me selman par kont, *redundancy*, mon konnen zot ti pe demann osi lo la, i annan tou sa bann travayer ki'n anvi ale oubyen ki'n *transfer*, zot in fini ganny lot lanplwa. Napa ki pa'n en lanplwa. Mersi.

MR SPEAKER

Wi, *ok* Onorab sey eklersi okenn pwen.

HON AUDREY VIDOT

Yes, tre vitman Mr Chair. Mr Chair mon'n ekout byen, mersi *CEO* pou ou larepons. Minis mon'n ekout li byen letan in dir, mon'n dir i annan aktivite apre in dir napa aktivite en keksoz koumsa. Minis apre in dir pou dir zot osi zot fer aktivite.

Akoz mon'n pe get dan zot '*achievement*' la. Mon'n war pou dir zot in partisip pou *National Day* i apel en aktivite sa! *Ok*, be zot in mete 750 zenn. Be aköz ki zot pa kapab donn nou *achievement* ki zot in fer lo baz rezyonal? Ki swa program edikasyonnel ki zot pe *empower* zenn lo nivo rezyonal. Montre nou distrik ki zot kapab fer pou ed nou bann zenn! Senpleman sa ki mon pe demande. Mersi.

MR SPEAKER

Ok, mersi. *CEO* si ou kapab adres spesifikman petet son rezyon ki aktivite ki'n annan dan sa rezyon petet nou a kapab kontinyen.

CEO PENNY BELMONT

Mersi Chair, mersi Onorab. Onorab sirtou ou distrik Roche Caiman, ou annan apepre 4 groupman ki'n fek formen. I annan zis 1 ladan ki ti egziste

depi avan. So, zot pe ganny *empowerment* parey Minis in dir. Mon krwar ki pe arive la, ler nou pe fer sa tranzisyon, sanze *from activities to program*, nou pa pe montre plis. E sa osi i en mankman lo nou lapar lo kominikasyon, e petet osi donn lenformasyon poudir lala bann aktivite.

Me selman nou kapab donn ou en lalis ou bann groupman ki'n konmans formen, pou Mamelles *for example*, Plaisance. Les Mamelles, *sorry*, Les Mamelles. Wi nou kapab donn ou sa, me mon krwar avek sa nouvo tranzisyon ki nou ti pe sey eksplike, nou pa fer aktivite, pa vedir ki nou pa donn ou sipor pou fer ou aktivite.

Si ou annan ou groupman zenn, sa zenn i ganny enformen. Ki nou pe konfize, aköz avan ti annan *DYC* dan distrik. *DYC* ti egziste. *District Youth Committee* ti *SNYC*, ti lo *Board*, ti prepare, fer zot bann aktivite, zot program. Me la i diferan. Sak distrik i bezwen fer son group li menm e nou, nou donn zot sa sipor. *Thank you*.

MR SPEAKER

Mersi. Ok bon, nou a bezwen aksepté sa e nou a *move on*. Onorab Woodcock.

HON WAVEL WOODCOCK

Mersi Mr Speaker. Minis dan rapor Oditer Zeneral dan lepase, in annan bann *anomalies* sirtou kot i konsern *rent* lespas pou bann *Youth Bureaus*. E bann *issue* kot mank resi, bann zafer napa kontra, e sa i *involve* en landrwa *specific*.

En *building* ki pou en parti politik baze *Horizon Complex* kot *Youth Bureau* Praslin i aktyelman baze. Ki annan pa mal lannen, mon'n perdi kont kantite fwa mon'n koz lo la. Pou sa *Youth Bureau* sorti la kot *Horizon Complex* e bouz en landrwa.

I annan serten diskisyon pou *relocate* sa lofis pou al Grand Anse o bor sa *building* o bor kot sant kominoter. Me selman in zis en diskisyon, mon pa war en alokasyon dan en bezwen aköz sa *building* fodre fer en *major overhaul* lo la, pou repar sa *building*, e fodre sorti laba *Horizon Complex*. Parey mon'n dir aköz nou tou nou konnen bann *anomaly* ki'n arive dan lepase e bann labi lepase.

Mon lot kestyon i osi, ou konnen in annan serten alegasyon labi e *mismanagement of funds* kot bann *Youth Bureaus* dan lepase. E sirtou sa enn ki'n fek

fermen Anse Royale. Mon kestyon, eski in annan en odit ki'n ganny fer kot tou bann *Youth Bureaus* pou *ascertain* pou determinen si in annan vre sa bann labi ki'n arive dan lepase?

Zis parey nou'n war dan bann rapor Oditer Zeneral dan lepase bann labi kot i konsern *rent office space*, sirtou pou bann *Youth Bureaus*. Mersi.

MR SPEAKER

Mersi. Minis bon, nou annan 2 kestyon la. *Youth Bureau* e mannyer servi larzan. Minis lekel ki pou adrese? *CEO*.

CEO PENNY BELMONT

Mersi Chair. Mersi Onorab. Mon krwar si ou ti pe ekout mwan taler ler ti demann mon kestyon aköz mon *rent* in desann, se egzakteman.

Enn nou'n negosye kot anvil nou *rent* in desann par R100mil, e Praslin nou'n dir nou pe sorti kot nou ete la pou nou antre Grand Anse. E laba nou pa pe al pey *rent*. So *basically*, sa *rent* ki ou pe koz lo la, in fini *sort out*.

Dezyenm, *mismanagement of funds*. Parye mon'n eksplik ou, lanvironnman *café*, *internet café* avek avan i diferan. Ou annan ou en *photocopier* ki

bann zenn i vini i fer detrwa *photocopy* R17, R16. E tou le semenn sa larzan i ganny anmase, e i bann *accountant* avek sa ki sorti kot Minister Finans ki monte pou li al anmas sa larzan.

E ler i anmase, son resi avek son, ki dan son bwat i bezwen *tally*. E si i pa *tally*, i annan tou drwa pou li vin demann en rapor, e kote sa larzan in ale. Sel keksoz ki mon kapab eksplik ou ... (Be esper mwan fini!)

MR SPEAKER

Kontinyen, kontinyen *CEO*

CEO PENNY BELMONT

Wi parey mon'n dir, en keksoz aköz mon'n ferm laba e i kontinyen ganny kase. E si depi Zanvyé ziska Oktob, nou'n anmas nou zis R10mil e nou depans i R318mil, so sa i en rezon pou nou fermen e revwar ki servis nou ti pe donner! *Thank you*.

MR SPEAKER

Minis oule azoute?

MINISTER MARIE-CELINE ZIALOR

Wi mersi Mr Chair, zis pou azoute. Mon konn apepre ki Onorab son kestyon ki a pe demande, e wi petet kekfw

CEO pa okouran, me kot *secretariat that's why* nou annan FC ki i al fer *spot check point*. E mon asir ou, mon garanti ou, wi nou annan *anomaly* wi.

E kot i annan *anomaly* kot nou donn *warning staff e staff* bezwen rann nou, swa si i annan ka pou pran aksyon disiplinier. Nou pou fer aksyon disiplinier si en *case* Lapolis. Definitivman lo kote disiplin *staff*, sa bann *anomaly*. Nou pe fer bann *spot check* osi tou. Kot bann dimoun, kot i anmase.

Pa zis kot SNYC, me i annan lezot landrwa osi kot mon konnen. Mon konnen poudir Praslin/La Digue in annan bann rapor ki'n vin dan mon latansyon, kot nou'n nobou kapab fer fas avek. Selman parfwa bann aksyon endividyel pou bann distrik disiplinien pou bann ... aköz dimoun i pou konnen lekel ki ou a pe koz lo la.

I pa PS be nou pa koz lo aksyon disiplinier. Selman mon garanti ou poudir wi, bann *anomaly*. E ler dimoun i raporte, plis raporte, e nou, nou al *investigate*. Nou fer *investigation* pou nou regarde, pou nou korize. Mersi Mr Chair.

MR SPEAKER

Wi Onorab, lekel pwen oule klarifye?

HON WAVEL WOODCOCK

Mr Speaker, zis en *follow-up*. Mon ti a kontan ganny en *time frame* kan ki sa *Youth Bureau* pou sorti *Horizon Complex*, pou bouz Grand Anse? E eski i annan en alokasyon bidzeter pou fer travay lo sa *building* Grand Anse? E zis donn mwan en *time frame* kan ki sa tranzisyon pou ganny fer, mersi bokou.

MR SPEAKER

Mersi, wi en pti pe plis lo sa nouvo biro. Lekel ki pou adrese? CEO? Yes CEO.

CEO PENNY BELMONT

Konversasyon i ant 3 antite. SNYC, *Local Government* avek *Culture*. Sa landrwa ti pe ganny servi par *Culture* ki ti pe fer en aktivite 1 fwa par mwan. Oubyen zot ti pe servi li konman en biro. E ler nou'n al *visit*, Onorab ou osi ou ti vin ansanm ek nou dan ta.

Ou ti realize poudir ti annan en kantite travay pou ganny fer deor, kot nou bezwen lev en pti pe sa later. Apre sa kouver nou bezwen. E tousala nou mete dan nou *maintenance*, me par kont nou bezwen al dan gidans avek

Procurement pou fer li byen e *proper*.

Wi nou annan bann dimoun ki'n deside pou vin volontè pou ede, akòz nou annan *lease of bann dimoun* ki bann *friends of lazenes* osi. E Praslin ou osi ou ti'n dakor pou rod en pe sipor, kot nou ganny en pe donasyon. Me par kont i en prosedir, en prosesis e ki nou pe sey fer li pli vit ki petet *by March* nou'n kapab bouze pou sorti laba. *Thank you*.

MR SPEAKER

Thank you, CEO. Onorab Pillay.

HON SEBASTIEN PILLAY

Mersi Mr Chairman. Mr Chair si mon ti en *Leader Lopoziyon* avek en mazorite dan Lasanble mon pa ti pou - nou pa ti pou aprouv sa Bidze. Nou ti pou *freeze* li, e nou ti pou fer Minister konsernen retournen. Akòz Mr Speaker, akòz mon pa war naryen pou lazenes dan sa Bidze mwan.

E ler mon'n asize mon'n ekout bann larepons, mon'n ankor enn fwa retourn dan lepase kot ler nou ti pas sa Lalwa pou nou retir sa Konsey. E pou bann ki'n bliye, petet mon'n tann Sekreter Zeneral LDS koze ler mon'n koze, mon ava zis *remind* li ki Lalwa ti dir, atraver ou Mr Speaker.

Sa i *Bill 55* pou lannen. *Bill 55* pou lannen 2021, ki ti dir "Minis ki responsab pou *advise* e aprouv tou bann keksoz ki konsern fonksyon sa Konsey." Mr Speaker ler mon get sa Bidze e mon pe get bann Manm e mon pe get bann *body language*. Bann Manm ki ti demann kestyon sa letan ti Onorab Kelly Samynadin, Onorab Philip Monthy, Onorab John Hoareau.

Mr Speaker i kler ki Manm pa satisfè avek travay ki pe ganny fer par *Seychelles National Youth Council*, so mon kestyon, (mon war ou pe mate pou vin demann mwan) so mon kestyon.

Vwala mon kestyon Mr Chairman. En Bidze R21milyon. Ladan R12milyon anba *governance and administration*. Mon vwar 3milyon i al dan *wages and salaries*. 1milyon *office expenses*. Mon tann koz bokou lo ki mannyer program in al atraver tou bann Minister, so bann *MNA* zot distrik a kapab dir si zot satisfè ek bann program ki'n ganny fer.

Akòz Mr Speaker, napa okenn larzan pou ki *SNYC* i kapab fer zisteman sa ki mon'n tann *CEO* koz lo la tou sa letan? E mon konnen Minis pou reponn mwan pou dir mwan ...

MR SPEAKER

Be les li reponn ...

HON SEBASTIEN PILLAY

Be ou pa bezwen ankoler, ou pa Minis ou? Ki ou pe sot anler ou? Be ou napa naryen pou ou dir ou, les Minis reponn mwan ou!

MR SPEAKER

Mon annan keksoz pou dir Onorab!

(Interruption)

HON SEBASTIEN PILLAY

Non, non, non!

MR SPEAKER

Onorab, eskiz mwan!

HON SEBASTIEN PILLAY

Ou tou kou ler mon pou koze ou pou reponn dan plas Minis ou!

(Mic switched off)

HON SEBASTIEN PILLAY

(Off-Mic)

MR SPEAKER

Onorab i pa fer premye fwa ou mank mwan respe! Ou pa kapab dir mwan mon napa nanryen pou dir. Mon annan keksoz pou dir. Mwan mon pe

dir ou, ou'n poz kestyon byen. Pa prezim repons Minis, les li reponn. Mersi. Ou'n fini, ou'n fini avek ou kestyon?

HON SEBASTIEN PILLAY

Hold on en pti kou! Be mon annan drwa koze mwan. Mon annan drwa koze mwan!

MR SPEAKER

Ou annan drwa koze – wi.

HON SEBASTIEN PILLAY

Wi mon annan drwa koze!

MR SPEAKER

Ou annan drwa koze, wi. Ou'n fini ek ou kestyon?

HON SEBASTIEN PILLAY

Mon pa ankor fini ek mon kestyon akoz ou'n enteronp mwan.

MR SPEAKER

Ok kontinyen. Kontinyen silvouple.

HON SEBASTIEN PILLAY

Ok mersi bokou. So, mon kestyon ki mon'n demande an relasyon avek Bidze pou program. Mon pa war Bidze pou program. E nou'n ganny dir pou dir i annan en re-konfigirasyon SNYC.

Baze lo lenformasyon ki nou ti gannyen lannen pase,

dan deba pou Bidze. Lenformasyon ki nou ti ganny ki sete pou annan en re-konfigirasyon, re-striktirasyon ki pou anmenn bokou plis program. Bokou plis travay anver lazenes.

Nou pa'n war sa materyalize e depandan e baze lo menm sa ki mon'n tann Onorab William dir. E menm ler mon pe ekout Onorab Woodcock ki ti devret pe demann sa bann kestyon, ki *Chairman* lo Komite Lazenes, eski Minis i kapab eksplik nou ki difikilte mazer zot in rankontre pou kapab fer sa realize? E kwa ki i santi ki Lasanble Nasyonal i kapab fer an relasyon avek Bidze?

I annan lezot Bidze ki pe pase. Kot ki nou bezwen koz ek Minister Finans pou nou vwar si nou pou met larzan davantaz pou ed bann program ki vize ver lazenes dan nou pei? Mersi Mr Chairman.

MR SPEAKER

Mersi. Minis ou repons?

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mr Speaker, ankor Bidze Lazenes pou Konsey- Bidze pou lazenes Seselwa, tou kou mon kontan

dir, i dan larestan antite osi tou. Zot annan bann program Bidze pou lazenes spesifik avek zot bann diferan *area national priority*.

I pa zis sa 21 milyon ki nou vwar la, ouswa petet nou a pe fer, nou ape fer bann zenn deor krwar. E mon pe kontinyelman repete. Mon pe dir, e mon pou dir ankor la byen kler. Sa Bidze Konsey li i en fasiliter, i en regilater e sa i son Bidze e sa i son manda. Savedir li i bezwen *liaise ...*

Ankor mon'n donn legzanp *Blue Economy* avek Lagrikiltir avek Ledikasyon, avek partou kot i annan en laspe en eleman - kot Lakaz. En eleman pou annan sa manda zisteman ki la, ki nou a pe koze pou Konsey. Konsey i pa en lazans e mon krwar vwala bann konfizyon ki pe arive. Parey *CEO* in dir.

Mon krwar nou a bezwen fer en pti pe pli kanpany lo kote ledikasyon lo sa Konsey. Nou a bezwen fer en pti pe plis kominikasyon kot nou pe dir nou pa'n fer naryen, *CEO* in asize la, i pe donn legzanp egzaktman ki nou pe dir nou'n fer. Kekfwa petet nou pe dir nou defi, se kominikasyon en pti pe plis dan petet en fason vizib, vizyel, ki bann dimoun i a

kapab vwar pou konpran egzaktman ki sa ...

Mon krwar konfizyon i en pti pe lo sa manda. E ki sa Konsey sipoze pe fer anlany avek sa Bidze. Be lazenes Seselwa program, par egzant pou *talent identification* dan *sports* pou zenn, i avek NSC. E mon kapab dir avek Onorab pou dir i en bon sonm larzan ki laba.

E plis ki R100milyon ki ganny dedye. Pou bann larestan, par egzant pou *health*, pou, e nou pe al fer en kantite diskisyon avek *health* ki'n met nou dan zot plan, lo kote, depi 18an. Zot konsernen parey CEO in dir, zot konsern la se problem lasante mantal parmi nou bann zenn akoz labi sibstans, akoz lezot faktor tou.

E Bidze i annan dan zot Bidze ki zot pou vin devan Lasanble pou zot koz lo sa bann program lazenes. Savedir ki i pa pe fer SNYC vin en lot ti Gouvernman zis pou lazenes. I pe fer ki sa *synergy* i pe fors sa bann antite nou tou pou travay ansanm, pou ki nou asize e si i annan konsern kote lasante, i dan Bidze lasante i annan en bon porsyon pou lazenes.

Kot Lagrikiltir i annan. Kot *Blue Economy* nou'n deza konmans fer konmans travay - i annan. En pe partou osi tou nou annan. Kot *sports*, nou

annan larzan ki'n ganny mete pou lazenes. Sa Konsey li i sipoze anmenn tousala la ansanm pou ki sa bann antite ...

E i annan bann keksoz ki annan pou fer ek lazenes, par egzant pou lagrikiltir, i pou Departman Lagrikiltir, Lazans Lagrikiltir ki pou fer an kolaborasyon, an partenarya avek. So i napa *duplication* dan Gouvernman ouswa ki resours larzan *allocate*, i ganny fer byen ki ou a tande pou dir SNYC a pe fer program lagrikiltir. Lagrikiltir osi pe fer program lagrikiltir pou lazenes. Nou vin ansanm, regard bann resours ki annan e nou travay koumsa.

Sa i en nouvo fason fer, nou konpran Mr Speaker. Me selman nou konpran osi ki kekfwa ledikasyon lo la e lesplikasyon e kominikasyon lo la. Nou a bezwen kapab *improve* li pou 2023. Mersi Mr Chair. *Thank you.* Wi Onorab, ou *follow-up*, klarifikasyon.

MR SPEAKER

Mersi Mr Chairman. Mr Chairman an relasyon ek nou *Standing Order*, enn nou rol koman Lasanble Nasyonal se fer sir ki sa Bidze ki nou pe donner i al ver sa Polisi ki sipoze pe satisfere.

Mon pran *from* sa ki Onorab Philip Monthy ti demande dan deba Bidze pou 2021, sa ki Onorab Samynadin, sa ki Onorab Deshiela Bastienne ti demande, sa ki Onorab Andy Labonte ti demande, *ok*, e tou sa bann distrik i bann distrik ki sorti dan Gouvernman Minis, dan kote Minis. E tou sa bann distrik ti koz lo ki mannyer bann program i tous lazenes dan zot distrik.

Onorab Monthy ti demande, ti koz lo bann *current challenges*, kot *CEO* ti eksplike ki ti pou annan *meeting* avek Departman Gouvernman Lokal. *Now*, si mon war bann *MNA* ozordi pe demann sa bann kestyon ki ot pe demande, i kler *then* in annan en keksoz ki pa'n marse. Ki pa pe fonksyonnen!

So, mon kestyon se eski koman Lasanble, nou pou senser anver lazenes si nou pe vot en Bidze, ki pa pou realiz sa Polisi, ki li menm li sa Bidze i sipoze al ver. So kestyon ki mon ti a kontan demann Minis, eski Minis ou pou pare pou propoz serten sanzman dan kon figirasyon travay ki ou'n vin avek, an relasyon avek *SNYC*?

E ki pou ki Gouvernman i revwar son lapros, apre ki zot in *phase-out* sa Konsey, ki zot re entrodwir en eleman ki ava

involve lo nivo distrik en pe plis bann *MNAs* bann *DAs* dan preparasyon bann aktivite ek bann program. Ki bann distrik i kapab fer. E ki esansyelman, ki *SNYC* i fonksyon, pa zis koman en Konsey pirman ki pa pe kapab fer ozordi. *Sorry* pou mwan dir sa, ki mon santi pa pe kapab fer. Me koman en Konsey/ Lazans ki ava ede e ava annan en tranzisyon lo la fason ki bann aktivite i ganny fer. So, eski Gouvernman pou pare pou revwar sa Mr Speaker, akoz nou pe rod en Bidze, e ki petet prezan i ava donn nou en nide *from* perspektiv konprenezon, si dan milye lannen prezan, nou bezwen met larzan adisyonnell pou ede amenn bann program anver lazenes.

Zisteman pou tir lazenes dan bann move lenfliyans e donn zot bann nouvo keksoz ki zot kapab asimile, pou zot prepar zot dan en lemonn pli modern? Mersi Mr Speaker.

MR SPEAKER

Mersi. Minis...

HON SEBASTIEN PILLAY

Fotespere mon pa'n ofans person.

MR SPEAKER

Minis a donn son repons.

MINISTER MARIE-CELINE ZIALOR

Wi mersi. Mersi Mr Chair. Mersi Onorab pou ankor pou fer sa la, e mon pa konnen Mr Chair, mon ganny lenpresyon kekfwa Onorab i annan son programm me i anvi ki Gouvernman ki la i fer program ki sistenm oparavan ti annan.

E nou anvi kit *the status quo*. Nou anvi kit keksoz parey i ete. I pa vedir i son lopinyon personnel ki pe dir naryen pa'n ganny fer. Ou konnen si ou pe konsern lakaz ou anba dan fondasyon ou pe refer fondasyon, personn pa war lakaz pe monte, eski i vedir ki naryen pa pe ganny fer? Kekfwa nou bezwen met sa *camera* dan sa fondasyon, vin montre dimoun, vwala nou la dan fondasyon. Nou a pe refouy en lot fondasyon.

Akoz si ankor mon pou repete Mr Chair, si sa ki nou ti pe fer oparavan avek sa kantite aktivite *DYC* lazenes la. Lakantite ka mantal avek bann zenn. Lakantite sa bann problem sosyal ki nou pe dir, pa ti pou koumsa. I ti pou'n fini desann si aktivite ti vreman rezourd sa bann problem ki Onorab pe dir.

Parey mon kontan dir dan Lasanble, par ler ou bezwen

agree pou dezagree, e les en lot fason fer ganny en sans pou kapab ganny fer. E vwala akoz ki pe demann sipor. Ki mon a pe dir. Vwala sipor ki nou a pe dir ki nou pe demande, pou nou donn en sans sa nouvo fason fer ki nou annan.

E *CEO* in koz lo en kantite dan sa Bidze pou donn *Bill* kapasite pou bann dimoun egzaktaman kapab fer sa. E ou konnen letan ou fer fason ki ou pe fer la kot Gouvernman i annan kontrol tou keksoz, par ler i annan en kantite kontradiksyon; Kontrol tou keksoz pa fer program partou. Re anmenn ankor *DYC*, kontrol tou keksoz. Sa ki zot bezwen i anvi, nou fer parey ki keksoz parey ti ete.

E nou, nou anvi sanz sa fason fer, sanz sa lapros, e nou. nou krwar dan sa lapros pou dir sa lapros i en bon lapros ki nou pe vin avek pou nou kapab. E parey mon pe dir par ler lopinyon nou bezwen agree pou dezagree. E par ler letan kekfwa ou krwar ou lopinyon pou ou, i sel lopinyon ki bon se sa ki pou ou osi tou. Sa osi en fason kontrole, me selman mon mazine pou dir nou abitye ek sa.

Pandan sa bann letan, mon osi fotespere mon pa ofans personn, 43an kot nou'n abitye

zis en fason fer. I annan diferan fason fer e wi parey tou larestan landrwa bann defi ki nou fer fas avek lo kote kapasite pou kapab anmenn sa pou konpran sa.

E *staff* osi *SNYC* in bezwen zot osi pran en pe letan pou zot konpran sa nouvo fason fer, pou zot antre ladan en pe. E i annan pa mal keksoz parey mon pe dir dan fondasyon ki nou'n nobou kapab fer Mr Chair. E nou kapab kontinyen argimante ziska aswar, agree pou dezagree.

Mwan mon konvenki poudir nou bann rezilta bann lenpak, aköz letan nou pe koz avek en imen avek en pep, napa en bouton mazik. Ou konnen mon krwar parfwa *internet* avek *Wifi* i fer nou krwar ou pez en bouton, avek dimoun, keksoz pou otomatikman arive.

I annan en fason fer pou ou kapab fer dimoun pran responsabilite. Zis fer *DYC* fer aktivite, pa fer dimoun pran son responsabilite. Ou bezwen annan bann programasyon konkret pou en dimoun kapab prezan fasilite sa, fer sa. I osi i bezwen annan kapasite dan lavi. Ou pa kapab donn sa ki ou napa. Ou bezwen fer sa travay ansanm. E sa kantite valer, sa kantite aki avek nou bann zenn pou nou kapab redevlope pon donn sa responsabilite.

Mr Speaker nou pa pou fer dan 1 zour. Nou pa pou fer dan 1 zour e sanmenm sa i annan en Konsey, aköz se sa ki Konsey i sipoze fer. E nou anvi osi ki sipor ki larestan bann dimoun ki pe ekout nou la ozordi zot vin devan e zot donn nou en lanmen lo letan Konsey i fer sa bann *training*. Letan nou demande pou nou - parey la nou pou al fer avek bann *retired teachers*, bann *retired nurses*, ki kapab donn en bon pe lankadreman ki nou kapab *train*.

Aköz ou bezwen letan ou pe travay avek bann lazenes, annan egzaktaman kwa ki nou kapab fer pou vwar bann lasosyete ki annan pou fer avek spirityalite. In nobou kapab vin devan pou zot osi annan. E i annan pa mal sa bann lorganizasyon ki'n vin avek zot bann program ki an diskisyon avek sa bann fasiliter kot *SNYC*, pou regarde ki mannyer sa i kapab ganny met an plas.

Par ler plito ou pran ou letan ou fer keksoz byen, dan pas ou taye pou *tick* en *box*, ouswa pou ganny popilarite, ou taye pou fer kantite keksoz ki apre pa soutenab. Mwan mon Mr Speaker, fransman, onnetman, personnelman, mon pa dan biznes, tay taye fer keksoz *quick fix*, fer koumsa.

Par ler kantmenm nou ganny kritike mon abitye ek sa. Parfwa ou bezwen espere pou, avek imen pou sa bann keksoz fer, pou sa bann keksoz arive. E ankò mon pou repete avan ler mon fini.

Si sa ki nou ti pe fer oparavan ti a pe donn nou rezilta, nou ti pou annan bann zenn - nou pa ti pou pe koz la sa ozordi. Nou ti pou annan bann zenn responsab. Nou ti pou annan tou sort keksoz ki nou pe fer. E par egzamp la nou difikilte pou nou kapab ganny bann zenn ki pou vini, ki annan en pe teknik en pe *skill* pou zot kapab zere.

Lead e *manage* en lorganizasyon, pran kontrol, akòz nou bezwen *train* nou bann zenn pou zot pran *leadership* demen. Pa demen, la konmela zot bezwen konmans vin pran en pe *leadership*. Me nou pa pe donn zot loportinite, akòz nou a pe fer tou keksoz pou zot. Nou a per fer tou keksoz pou zot.

Mon konnen poudir sa ki mon pe koze parfwa i paret mon en move paran. Be bann paran, bann move paran se bann ki les zanfan fer nenport kwa. Nou bezwen anmennen pou dir be *ok*, mon pa pou zis tou lazournen kwi manze pou ou. Vini atrap en bout zonnyon,

mon a montre ou mannyer ou plise, fer sir ou pa ganny koupe.

Plis en pti git lay, fer en pti keksoz. Se sa ki nou fer pou nou ganny en Nasyon, en lazènes demen ki nou kapab fyer ki pou fini pran nou plas, nou tou la anndan, en zour pou nou kapab anmennen.

E i annan diferan fason fer si *Leader* Lopozisyon pa dakor nou fason fer, nou respekte son lopinyon. Sa la demokrasi. Me nou, nou anvè ki sa fason fer i ganny en sans. En sans ki i entegre. Mersi Mr Chair.

MR SPEAKER

Mersi, nou a bouze. Onorab Gabriel.

HON CONRAD GABRIEL

Mersi Mr Speaker. *Welcome delegasyon. Mon pe get zot current challenges. Bullet point 3. "high cost of technology resulting ability conduct courses and training online and virtual meetings with youth"*.

Zis ki mon ti a kontan konnen, eski zot pe travay an *close collaboration* avek *Ministry of Education*, *because* Ledikasyon in ganny apepre en 6milyon pour *Wifi*. Mon ti a kontan konnen ki sa sinerzi ki zot pe mete, vi ki manmay dan

laklas mon krwar i a en bon keksoz pou zot?

Dezyenmman Minis in eksplik tou sa bann pti bout pti bout kot i ete laba. Eski Minister ou pa santi petet pou annan bann lenstans kot zot pou mont lo lipye kanmarad, bann antite, petet? Apre zis an pasan Sanmdi ti annan en group *SNYC* dan lavil, *ok*.

So, vi ki nou pe vot Bidze *SNYC*, ti a enportan pou nou konnen petet si zot pe fer ranmasaz donasyon, ki zot pe fer *exactly*? Eski sa i *form* parti bann nouvo program ki pou annan ensidswit. Ou kapab donn nou en pe plis leklersisman. Mersi.

MR SPEAKER

Mersi. Minis? *CEO* wi, annou sey al vitman silvouple.

CEO PENNY BELMONT

Premye, nou *challenges* sirtou ler nou fer bann *training online*, akoz nou annan avek bann diferan *international bodies*, *SADC*, *COMESA* ki nou fer *training* pou bann zenn. Me si zot reste kot zot pou zot servi *internet*, *high cost* i en problem pou nou. Me si zot dan lekol sa i diferan.

Me selman nou, nou an negosyasyon avek bann, ek *DICT* e akoz nou bezwen fer

bann manrmay desann anba kot nou biro pou zot kapab fer *training*. Me selman annandler bann ler diferan, sa ki nou'n met li konman *challenge*. E osi ler nou, akoz konmela atou marmay i annan en telefonn i pe anvoy lenformasyon. Fer en pti *video* anvoye pou nou koz lo valer, tousala.

E sa ti bann konsern ki nou ti pe gannyen, akoz annandler zot napa sa kantite *data* lo zot telefonn oubyen nou pa kapab kominik avek zot. Or ou'n konmans en *training* dan milye apre koupe, akoz zot *data* in fini. So sa i enn bann rezon nou ti pe diskrit lo *high cost*.

E fodre par kont nou mazine pa tou bann zenn ki tonm anba *SNYC* ki dan lekol, ki benefisye anba sa *package*. So, zot annan bann lezot adilt oubyen bann profesyonnel ki nou osi nou bezwen enkli zot dan nou program.

Bon ou dezyenm ou ti pe koz lo lavil Sanmdi. Sa i en program 'Valer' depi, in egziste dan *SNYC* en kantite letan. Me selman trwa kar ditan nou ti koz lo valer. Nou pa ti pe demontre. Nou ti, tou le lannen nou ti lans 4 Valer nou ti al dan lekol nou ti koz lo la. Me la ki nou pe sey fer, nou pe montre zot pou dir, nou pa bezwen zis

koz lo valer, nou bezwen kapab demontre.

So dan bazar nou ti annan manrmay pli zenn, ansanm avek bann zenn Lapolis *from Academy*, ki ti pe anmenn bann sak bann dimoun. Ti pe dir bonzour, mersi, anmenn zot sak, koz avek zot. Sa se montre bann valer ki egziste, me selman nou kapab refer.

Aprè kot lapos nou ti'n met en zenn ankor. Ler nou pe koz bann zenn i vin ek zot nide. En zenn ti dir nou koumsa, li pe ganny problem akoz son paran in divorce, prezan i annan sa mankman lanmour.

E i ti santi pou dir nou bezwen senm en pe lanmour Sesel. E sanmenm sa nou ti al lo sa tenm Lafoli Lanmour, akoz nou ti realize poudir zot anvi.

E zot ki zot ti fer, zot ti rod tou bann zenn ki pe pase, bann msye bann madanm, zot ti fer anmar en pti rozet. Sa aktivite ti pirman annou anmenn en pe *positiveness* dan Sesel; dan bann distrik, Roche Caiman partou. Annou senm en pe lanmour, akoz ler ou regarde tou lazournen lo *Facebook* ou trouv lager, kot zot pe filmen. Me selman bann keksoz pozitiv zo pa filmen pou zot mete. E se sa ki zot ti pe sey fer. *Thank you.*

MR SPEAKER

Minis wi.

MINISTER MARIE-CELINE ZIALOR

Wi mersi Mr Chair, i annan en kestyon ki Onorab in demande konsernan eski mon pa santi nou pe mont lo lipye kanmarad? Ou konnen vre dan Gouvernman nou travay *silos*, sa ler in fini ganny dir, nou pe sey adres sa pou nou kapab bezwen konmans en landrwa pou kapab fer, e par ler nou pou mont lo lipye kanmarad.

Be selman nou pou eskize, nou pou dir, eskiz mwan mon'n mont en kou lo ou lipye ouswa si ou mont lo mon lipye, mon ava dir avek ou. La ou'n mont en ti kou lo mon lipye. E dyaloge.

E annou re-anmenn sa kiltir kot nou travay ek kanmarad ansanm e parey mon konnen mon kontan dir kot bann *common denominator* nou annan en Venn *diagram*. Kot i komen nou asize nou diskite, e nou kapab fer sa bann kolaborasyon. Fer li amelyore. Mersi Mr Chair.

MR SPEAKER

Thank you. Onorab Cosgrow?

HON WALLACE COSGROW

Mersi Mr Speaker. Bonn apremidi tou dimoun. Minis ou konnen, ler nou pe koze la nou pe asize, mon pe obzerve - annefe lo kote sa latab, nou pe dir sa ki nou pe dir akoz nou pe santi ki i annan, i annan serten defayans. E ler mon pe asize mon pe sa, sirtou bann Manm lo kote latab, mazorite i lo telefonn, i lo *laptop*.

Minis i annan en problem. Lentere ozordi, e bokou bann Manm ki annan bann distrik, zot pe santi ki mank *engagement*. I manke, e lentere. Prezan zot pa pe dir, me nou pe dir lo sa kote. E nou ki nou pe demande, ki nou war bokou plis *engagement* atraver *SNYC* dan bann distrik.

Petet sa fason ki ou'n reform *SNYC* i pa pe reponn a bezwen *grassroot* dan distrik. Kekfwa i annan enn de pti group isi laba ki pe benefisye. *But the main* lazennes dan distrik pa pe gannyen touse. E se sa ki nou pe sey dir. Nou pe demande pou anmenn, anmenn en pe nouvo program. Anmenn ver distrik, ver sak distrik.

Konmsi sa i en konsern *genuine*. Dan mon repons Bidze, mon'n koz lo mank keksoz pou lazennes. Mon pa'n dir sa dan vid, akoz nou santi nou war pou dir i mank keksoz.

Annefe Minis, ozordi mannyer *SNYC* in ganny restriktire, pou mwan, eskize *CEO*, be ou pa en *CEO* ou. I *basically* en divizyon dan son Minister. Akoz Lalwa mannyer in dir, tou responsabilite tou zafer i ganny pran par Minis. Lalwa ki dir. Ler nou ti *repeal*. *So basically*, i en divizyon. Si nou pou fer li en divizyon, annou fer li en divizyon. Met larzan anba en divizyon Departman Lazenes. Fer sa kordinasyon akoz ou dir tou larzan i ek Lagrikiltir, i ek isi le k laba, zot ki pe fer sa bann zafer.

So might as well annan en Seksyon Kordinasyon dan Divizyon Lazenes, dan Departman Lazenes. Zot a kordinen *and let*, annou zis ferm sa zafer. Akoz i pa pe tous zenn dan distrik *grassroot*. E mon konnen pou dir zot konnen sa. Mersi bokou Mr Speaker. Mersi

MR SPEAKER

Mersi. Minis Onorab in fer son pwen. Mon krwar pou nou evit en kantite letan, annou pa antre dan en lot deba. *Obviously* i annan 2 diferan konsepsyon lo ki sa Konsey i devret fer. E ou ou'n eksplik nide ki mannyer sa in ganny konsevwar. Onorab in prezant

en lot alternativ. So sa i kapab ganny eksplore, so annou pa antre dan en deba lo la silvouple. Si ou ti a kontan fer en ti komanter, nou a kapab bouze. Akoz nou ler pe fini.

MINISTER MARIE-CELINE ZIALOR

Mersi Mr Chair, wi mon pran ou konsey pa antre dan en deba konsernan sa la. Be selman deba i *healthy* li, akoz pou montre vre demokrasi se ki dimoun i kapab eksprim li. Diferans lopinyon e i pa en move keksoz sa, i pa en move keksoz.

E mon kapab servi menm largiman. Byensir bann dimoun osi letan *Wright Brothers* ti pe fer avyon, zot ti pe dir zanmen pa pou arive. Pa kapab ganny fer akoz i annan *gravity*. Akoz zot pa ti konn *aero dynamics*. So par ler bann nide revolisyoner, koumsa menm i konmanse.

I konmans par sa *which is healthy*, ki donn mon konfyans pou dir nou lo bon semen, akoz i annan sa kantite, sa kantite diferans lopinyon. Ki en bon keksoz, i en bon keksoz li Mr Chair.

E mon pou retourn sa komanter kekfwat petet kot Onorab Cosgrow, be si letan ou annan en antite pou annan

soutenabilite. Se sa ki mwan mon'n aprann dan *leadership*, ler ou tire en dimoun ouswa en antite, tousala ki ti'n fer i ganny tonbe savedir pa ti bon. Si nou ti pou'n tire, si ti'n for dan distrik, i ti'n merit kontinyen dan distrik.

Fodre pa ki *SNYC* ki li ki pe fer aktivite dan distrik, ouswa ki li ki lafors distrik. Bann distrik i donn en sans loportinite, Mr Speaker, en sans loportinite pou bann dimoun *form* bann zenn dan distrik, pou zot *take up* distrik ansanm avek sipor avek *SNYC*. Mon konnen nou annan diferans lopinyon lo la. Mon pou kit li lanmenm la Mr Chair. Mersi.

MR SPEAKER

Mersi, i bon. Onorab Henrie. Dernyen entervenans.

HON GERVAIS HENRIE

Mersi Mr Chair. Mon oule senpleman dir ki lo sa kote latab, nou napa difikilte pou siport ou Bidze Minis, akoz nou, nou ti debout lo en Manifesto ki parti i dir i investi dan lazene e larzan in met dan diferan sektor.

An menm tan nou koman en parti nou pe promouvwar responsabilite endividyel. Kot sa endividi li dan distrik, dan kominote i bezwen osi *step*

forward e reklanm lespas ki Leta pe investi dan li.

Mon si mon kontan *hike*, mon organiz mon *hike* tou le mwan. Pa fodre Gouvernman ki fer *hike* pou mwan. Sa zenn ki dan distrik Mont Buxton, mon dir ek li, oule organiz aktivite organize, mwan koman *MNA*, mon ava donn ou tou sipor nesaser, *sponsor* fer tou keksoz pou ou, me ou osi ou bezwen leve e ed ou lekor pou nou kapab ganny sa lepanouisman dan lazenes Seselwa ki nou oule pou lavenir. Li *SPPF/US* i le kontrol lavi dimoun, organiz aktivite, donn bwar manze, danse, apre pou li kontrol ou pou ou ganny faver politik.

Nou, nou annan en diferan span da mantal ant nou avek zot! E nou, nou napa difikilte pou siport sa Bidze akoz nou vwar lenvestisman ki nou parti an traver *tax payers* pe mete dan lazenes Seselwa. Mersi.

MR SPEAKER

Mersi Onorab. Bon mon krwar nou'n kapab termin la. Tou lede in fer en *statement* e mon krwar in eksplik 2 diferan vizyon pou sa Konsey.

Nou a kapab prezan vot lo Bidze pou *Seychelles National Youth Council*. Manm ki an faver lev lanmen silvouple?

Mersi. Manm ki kont? Bon lo Bidze pou *Seychelles National Youth Council*, pou R21milyon419mil, 19 Manm in vot pour, 0 kont e 5 in *abstain*. Bidze pou sa Konsey in aprouve par Lasanble.

Bon be mon krwar nou'n al ase long pou nou kapab pran en poz la, e nou a rebran 4er edmi pou nou dernyen antite lo lalis ozordi. Nou a pran poz.

(BREAK)

HOME CARE AGENCY

MR SPEAKER

Bonn apre midi, oubyen bonswar mon pa konnen lekel nouvo zofisye ki'n zwenn Minis. E mon rekonnent nou annan Mr Clive Roucou *PS* pou Departman Lafanmir. Mrs Chiara Culteri *financial controller* dan *Agency for Social Protection*. E osi Ms Patricia Ernesta.

Ok Minis nou'n pare pou pran Bidze pou *Home Care Agency* ki lo paz 242 ziskan 243 pou en total R394milyon 890 mil.

Minis en lentrodiksyon lo sa Bidze silvouple?

MINISTER MARIE-CELINE ZIALOR

Mersi Mr Chair. Sa Bidze pou *Homecare Agency* i ki nou pe ape koz lo la ozordi ki nou pe demann laprouvasyon Lasanble Nasyonal, i en Bidze ki pe sorti kot Lazans Proteksyon Sosyal ki prezan i pe ganny transfer anba nou *portfolio*.

E i en lazans ki son *Bill* pe vin dan Lasanble byento pou ganny diskrit lo la. E son manda i pou parey sa ki Lazans Proteksyon Sosyal ti ape fer, pou asire lefikasite zesyon pou administre provizyon pou Servis *Home Care* pou bann aplikan ki kalifye pou li. Mr Chair i en sonm parey ou'n mansyonnen R321.9 milyon ki nou ape demann *approval* pou sa lazans. Mersi Mr Chair.

MR SPEAKER

Byen. Nou ava konmans deba e Onorab Cosgrow in lev lanmen. Onorab.

HON WALLACE COSGROW

Mersi Mr Chair. Mr Chair mon annan en pti problemm avek sa legzersis ki ou pe al fer la apre midi. Problem i avek lefe ki nou pe al diskrit lo en Bidze en *entity* ki pa ankor egziste. Nou tou nou konnen bann ki lo *Bills Committee* nou'n ganny averti ki *Bill* pou vini an Desanm avan nou pran *recess*.

Me sa antite li menm li i pa egziste. E ki mannyer nou kapab aporsyonn en Bidze anver en antite ki nou konn apepre son bann fonksyon. Me i pa egziste dan Lalwa.

So nou pa kapab aporsyonn en larzan avek en antite ki pa egziste.

Mwan ki mon pe sizere Mr Speaker ki sa larzan i reste anba Lazans Proteksyon Sosyal mon krwar anba '*Approved Benefits of Social Programs of Government*' si mon pa tronpe.

E ki ler sa antite i ganny kree, sa larzan i ava ganny transfer avek sa antite ki'n ganny kree. Akoz nou pa konnen si i pou ganny kree. Ler i pas devan Lasanble nou riske pa kre li parey i sipoze ete. I riske ganny lezot keksoz.

So nou. Mwan mon pe sizere ki nou tenir lo la e nou kit sa larzan kot i ete. E ki Minister Finans i kapab transfer evantyelman sa larzan, sa sonm ki evantyelman mon krwar i bezwen ganny aprouve anba sa *head* kot i ti ete avan, e ki nou fer li koumsa.

Akoz mon pe mazine Mr Speaker ki i en prosedir ilegal ki nou pe fer si mon konpran byen. Mersi bokou Mr Speaker.

MR SPEAKER

Mersi Onorab. Mon sezi ou pwen e mon ti'n reflexir lo sa pwen ki ou'n fer. E i ava enteresan konn lopinyon lezot *Leaders*. Mwan letan mon'n war sa mon'n fer refleksyon ki sa provizyon in ganny mete dan *Appropriation Bill*. E nou'n pas *Appropriation Bill* avek sa provizyon ladan.

Donk sa ki nou pe fer ozordi se tou senpleman regard bann detay son Bidze. Mon pa konnen si mon kler. Konmsi mon le dir nou'n aprouve son prensip. Me selman parey mon'n dir i ava enteresan konn *Leader*, lopinyon lezot *Leaders* pou nou gete.

E akoz mon krwar sa ki nou pe fer ozordi i osi pas koman presedan lo ki mannyer nou fer. Mon ava les *Leader* Lopozisyon al avan.

HON SEBASTIEN PILLAY

Mersi Mr Speaker. Mr Speaker Onorab Cosgrow in eksprim sa koman en pti problem e mon konpran ou largiman ki ou dir ki ler nou'n pas lo merit.

E annefe se sa prosedir ki nou pe fer la ki deside si i en *head* e reste en *head* en laliny dan sa Bidze. Si sa *head* pa pas sa prosedir ki la fodre nou pa bliye ki Lasanble i kapab amann en *Appropriation Bill*

only by reduction e non-pa *increase*.

Pou nou *increase Appropriation Bill* i bezwen annan en *warrant*, sinifye par Minister Finans sinyen par Prezidan ki dir nou, nou kapab ogmant en *head* dan Bidze.

Me nou kapab tire en *head* dan Bidze. E mon krwar kote Onorab Cosgrow i annan en pwen vreman pertinan, se akoz pou nou bann antite nou *Standing Orders* i dir nou *the policy of the service*, ki sa antite i sipoze fer.

Right now, nou pa konnen ki *policy of the service* i sipoze fer akoz se en Lalwa ki pou *define the policy of the service*. E sa Lalwa *will not only define the policy of the service* i pou *define* konpozisyon lekel ki pou form par sa antite. Bann endividi ki nou bezwen vwar.

Akoz Lasanble i bezwen fe en legzersis pou osi ateste si konpetans bann dimoun ki vin devan nou ler zot pe koz lo en Bidze, i alaoter pou zot kapab delivre lo en Bidze ki nou pe donn zot.

Issue ki sa pe kree pou nou i de;- enn se ki sa Bidze i osi fer provizyon anba sa laliny ki koz lo *other uses of goods and services*. E spesifikman anba *other service allowances* se kot bann *carer* i ganny peye.

E se pou sa rezon ki Onorab Cosgrow in dir si nou retenir sa larzan anba *Benefits and Approved Programs of SFF - of ASP*, savedir bann *carer* pou *still* ganny peye zot larzan e i pa pou afekte legzersis Bidze ki nou pe fer.

E ki apre ki Bidze, ki Lalwa i vin devan Lasanble e i pase avek lamannman ki Manm i ava propoze, *then* i ava vin en legzersis ki Gouvernman i kapab fer pou li aporsyonn sa larzan pou tir li anba *ASP* e met li avek sa lazans.

Prezan Mr Speaker ler ou pe koz lo presedans zis les mon alert ou. Nou pa'n zanmen fer sa legzersis ki la avan. Kot nou pe aprouv en antite ki pa egziste.

Sa ki nou'n fer nou'n aprouv en Bidze pou en antite ki apre in ganny *repealed*. Par egzanp *Seychelles Tourism Board* zot ava rapel tre byen. 2021 son Bidze ti vin devan Lasanble.

Me nou, nou ti argimante poudir akfer nou pe pas en Bidze pou en antite ki pe ganny *repealed*. Akoz pa ti zis *repeal* sa antite and *then* pas son larzan kot *Minister Tourism*.

Me lefe i reste ki a sa moman i ti still en *head* dan Bidze, en *Budget line* dan Bidze.

e larzan ki ganny aporsyonnen pou li.

Prezan apre sa son *repeal* ti vini son larzan ti zis ganny mete anba Departman Tourism. Anba Minister Tourism ki ti anvlop son *portfolio* par bidzeter.

As it stands la, sa *portfolio* bidzeter pa kapab ganny asimile par Departman Lafanmir. I bezwen reste *in situ* savedir *in suspense*. E espere ki sa lazans i formen pou li ganny sa.

So, mon krwar ki Onorab Cosgrow i annan rezon. Mon krwar ki Mr Speaker Lasanble pou pe fer en *injustice* nou prosedir Lasanble si nou prosed avek en vot e en deba lo sa *budget line* ki la. Mersi Mr Speaker.

MR SPEAKER

Anfen mon annan serten refleksyon lo la. Be mon ava les Onorab Georges adrese avan.

HON BERNARD GEORGES

Mersi Mr Chair. Mr Chair mon konpran largiman Onorab Cosgrow e Onorab Pillay. Me i annan de keksoz ki zot pa'n dir e ki enportan.

Premyerman, sa de Manm ti konnen sa ki zot in dir la ozordi ler zot in koz lo Bidze, ler zot in koz lo merit zeneral

Bidze. Ni enn, ni lot pa'n soulev sa pwen *then*. E se la kot ti ava enportan pou zot fer sorti sa *supposed* defayans dan prosedir.

Me zot pa'n. E annefe sa ki'n arive se dan *Appropriation Bill* ki'n ganny vote in fini vote, i la li. Lo trwazyenm paz *Homecare Agency* R 321milyon 942mil. Nou'n fini *appropriate*. *We've appropriated this money*. In fini la.

(Off-Mic)

MR SPEAKER

En enstan les li.

HON BERNARD GEORGES

En *appropriation*, sa ki nou, nou fer isi Mr Speaker. E sa se dezyenm keksoz ki sa 2 Manm pa'n dir. Se ki nou, nou otoriz en antite pou li depans ziska sa kantite larzan.

Se sa ki nou fer, *that is what appropriation* i ete. E nou'n fini otoriz sa lazans pou li depans sa kantite larzan. Sa ki nou pe fer la se nou pe al parey nou'n dir Mr Speaker dan detay lo bann *heads* - sa ki nou pe al, sa ki zot pe al depanse.

Nou pe al dan detay bann *heads*. E sa ki'n arive e sa ki zot in kapab fer sa de Manm se *move* en amannman. E se sa ki *Order 81 (6)* i dir. Zot ti'n kapab

move en amannman pou pa *include* sa *item* la. Me napa amannman ki devan nou pou sa. E i tro tar aprezan pou zot *raise* li.

Eventually, e mon ti ava kontan sa i mon dernyen parol apremidi, naryen pa pou sanze. Akoz sa *appropriation* larzan ki nou pe fer, i pou ganny apropriye pou sa lazans ki pou ganny kree.

Sel keksoz ki nou pe al kree se pa, nou pa pe al decide si pou annan en lazans oubyen non. Sa in fini ganny decide. Sa ki nou pe al fer la se regard son striktir, son lankadremman sa lazans ki pe al ganny kree, pou nou konnen eski pou annan en Chairman, eski pou annan en *CEO*. Ki son bann fonksyon eksetera ki mannyer i pou fer sa.

Me naryen *at the end of the day* pa pou sanze lo nivo finans. Son *appropriation* ki nou pe al donner la, i pe al ganny donner a en antite ki nou pou kree. E ki *by the time* ki nou ariv pou tir okenn sa bann larzan *i.e.* le 1 Zanvye 2023, lazans Pou'n fini ganny kree.

Donk i en largiman ki mon pa pe dir i pa valab lwen de sa. Mon, i en largiman ki byen ki'n ganny *raise*. Me mon krwar ki napa okenn rezon valab pou

nou pa kapab kontinyen e eksplor *the makeup of* sa 321 milyon.

Akoz se sa ki nou pe fer la. sel keksoz ki nou pe regarde se *the makeup of* sa 321 milyon. Pa si sa lazans i enn ki nou kapab donn li sa larzan pou li depanse. Sa nou'n fini fer. Mersi Mr Speaker.

MR SPEAKER

Mersi. Eski Ms Tamatave ou annan okenn persepsyon lo sa prosedir? Ou pa bezwen eksplike me selman si ou annan an-term *management Bidze*?

COMPTROLLER GENERAL ASTRIDE TAMATAVE

Meri Mr Chair. Mr Chair parey Onorab Georges in mansyonnen, sa antite *by the time* i pou vin operasyon pou *Appropriation Act Zanvye 2023, the Appropriation Bill of Home Care Agency* i espekte fini ganny aprouve par Lasanble Nasyonal.

So, *come Zanvye 2023* i sipoze annan en *Home Care Agency* ki pou *operate*. So, *this is where* larzan in ganny mete pou *Home Care Agency from Zanvye 2023*.

Parey bann Manm petet pe sizere pou nou fer sa transfer. *Usually Mid-year Review* nou fer li *by an Zen*,

Zilyet. E letan i en pe, konmsi nou pou pe *operate* en larzan anba *ASP* kan ou pou annan e lazans ki'n ganny kree *Zanvye 2023*, nou pou esper en prosedir ki vin en pe pli tar, i pou en pe dezord lo kote *appropriation* sa larzan. So *Home Care Agency* pou egziste *Zanvye 2023* e *this is where* larzan i ganny mete. Mersi Mr Chair.

MR SPEAKER

Mersi. Mwan mon ti ava zis dir serten sa bann konsern ki *LOTO* in leve i ganny adrese. Non, pa sa diskisyon *Bidze* ki nou pe pran la me par sa Lalwa. E par egzantp *quality of care*, i en keksoz si Manm i annan lentera *to assure quality of care*, zot pou fer li atraver sa Lalwa. Pou fer sir ki i *match* sa bann soz.

So, mon pa war, nou pa pou prolonz deba lo la eternalman. Me selman mon ava permet Onorab Pillay, Onorab Cosgrow en lot remark. Apre nou pou bezwen pran en desizyon e pou nou deside si nou pou kontinyen.

Onorab Pillay – wi?

HON SEBASTIEN PILLAY

Mersi Mr Speaker. Mr Speaker premyerman Konstitisyon i dir ki en Lalwa ler i ganny prezante

i bezwen ganny aprouve par Lasanble Nasyonal.

Sa ki pe ganny dir la se ki sa Lalwa in fini ganny aprouve par Lasanble Nasyonal. Lasanble pa ankor debat sa Lalwa li. I pa ankor fer en desizyon lo sa Lalwa. E sa ki mon war la pou mwan sa i en vyolasyon privez Lasanble. Akoz nou pe dir, nou pe *assume*. Petet Gouvernman i dir ek son mazorite pou pas son Lalwa.

Me pa koumsa ki Lasanble i sipoze fonksyonnen! Lasanble i sipoze fonksyon lo en baz ki si en Lalwa pe vin devan Lasanble, se apre ki Lasanble in pran son desizyon pou aprouv en Lalwa parey Konstitisyon i dir, la ki sa Lalwa i vin en Lalwa.

So pou mwan sa i premye konsiderasyon ki nou bezwen met an plas, e ki Onorab Georges petet i pa'n mazin.

Dezyenm konsiderasyon ki Onorab Georges petet pa'n mazin ler in dir son pwen. Akoz Onorab Georges ti lir byen son *Standing Order* e regard *Order 80(3)*.

I dir ou deba lo *Second Reading* i ganny *confine to policy* e bann prensip zeneral e administrasyon. Pa lo bann *heads*.

Bann *heads* i ganny pran anba konsiderasyon pou en *Second Reading* ki nou pe fer la. E se la ki nou bezwen ganny klarite lo ki bann *heads* i vedir e ki zot fonksyon.

Nou pwen nou i se ki enn, Lasanble pa ankor aprouve sa Lalwa. Me nou pe dir ki Lasanble in fini prouv sa Lalwa dan lafason ki nou pe koze.

Dezyenmman deba dan *Second Reading* pa ti letan pou nou fer sa pwen ki nou pe fer la.

Trwazyenmman, nou annan nou *full* drwa koman Manm Lasanble pou dir ki Gouvernman ti'n devret baze lo son *timetable*, e fer sa Lalwa vin devan Lasanble, avan ki i propoz sa Bidze pou sa antite.

Akoz depi bomaten e depi yer nou'n vwar bann antite vini reprezante byensir par son Minis, son *PS* oubyen par en *CEO* ki reprezentant sa lorganizasyon.

E kekyon lo fonksyon, lo bann diferan keksoz sa lorganizasyon in ganny demande. Alors mwan mon krwar personnelman ki sa sityasyon ki la i pa en sityasyon ki Lasanble i devret permet.

Si nou le *proceed* lo deba lo sa Lalwa, mwan mon sizere - mon sizere ki sa Lalwa i bezwen vin devan Lasanble *post-haste*, pou nou kapab aprouv li

oubyen pa aprouv li, fer nou deba lo la and *then approve* sa *budget line* ki la.

E la Mr Speaker mon le met kote mon war i annan en lenpas prezan selman. E sa lenpas i ganny kree par, mon pa pou servi okenn lezot term, be par sityasyon ki nou annan.

Ms Tamatave i byen dan ki i pe dir *to some extent*. Me nou problem i se ki si Lasanble i deside pou pa aprouv sa *budget line then it means* ki sa 300 ekek milyon i tonbe.

Si sa 300 ekek milyon i tonbe, i pa vadir ki Gouvernman pa pou kapab pey bann *carer*. Be i pou lans en lot kalite mesaz aköz sa larzan *as it stands* dan Bidze pa *available* anba Bidze ASP. In fini ganny tire in vin la.

Se pou sa rezon ki nou, nou pe dir avek ou, konsider fer li koumsa, annou *maintain* sa *head* dan Bidze, *ok?*

Annou annan, annou kapab ganny en Lagreman avek Gouvernman ki ler nou pou al pa'n deba lo sa *head* ki la, nou ava kapab sispann *Committee Stage* lo *budget consideration*, nou pran sa nouvo Lalwa ki pe vini and *then* nou *go back* e nou aprouv sa Bidze *as it is*.

Akoz mon pa krwar i annan okenn Manm lo mon

kote latab ki pa anvi bann *carer* ganny peye. E sa i en solisyon ki nou pe propoz avek ou pou ki nou an akor avek bann prosedir ki Lasanble in met an plas. So sa mon krwar i meyer solisyon i devret swiv.

E i pa pou retard naryen aköz nou'n ganny dir poudir sa Lalwa i sipoze pare.

Par kont Mr Speaker an terminan e la kot mon annan en konsern. Si sa Lalwa pa ankor pare, *then* i montre poudir Gouvernman pe, mon pa le dir mank respe, be mon krwar Gouvernman i devret vin en pti pe pli efikas, dan prepar son bann dokiman Lalwa pou vin devan Lasanble.

E mwan mon pou *vehemently protest* ki nou pa kapab koman en Lasanble pran en vot lo en Bidze pou en antite *as it stands* pa egziste! Mersi Mr Speaker.

MR SPEAKER

Mon ava les Onorab Cosgrow avan apre Onorab Henrie. Apre nou ava kapab deside. Onorab Cosgrow.

HON WALLACE COSGROW

Mersi Mr Speaker. Mr Speaker pou siport sa largiman ki Onorab *Leader* Lopoziyon pe anmennen. Ou konnen ler nou

get Bidze nou pa get zis son kote finansyel.

Nou osi pe get dan *budget estimate* ki zot in *provide* nou Minister Finans. E ladan pou *Home Care Agency* i annan en *mandate* avek en *strategic priorities* ki nou osi debat lo la.

Now the mandate kote i ganny *derived? From the law.* Sa Lalwa ki dir nou ki manda sa lazans. Be la nou annan en manda ki'n ganny mete dan en dokiman, ki en manda ki pa ankor ganny aprouve. E sa ki dir nou dir nou ki ler nou debat sa Lalwa, sa manda pa pou sanze.

Son *strategic priorities* ankor i *derived from* bann fonksyon sa lazans. Be nou'n fini met son *strategic priorities*, san ki nou annan en Lalwa ki dir nou ki fonksyon sa lazans. So nou pa kapab ozordi pe, ki mannyer mon kapab demann kestyon lo *mandate e strategic priorities* si i pa egziste?

So mwan mon pe sizere ki nou swiv - nou *follow* sa propozisyon ki *LOTO* in met devan e parey nou'n dir napa personn ki pa anvi war en Bidze *Home Care* ganny aprouve.

Me nou bezwen fer li byen legalman dapre sa i Lalwa i *provide*. E se sa ki nou pe dir nou pare pou pran li en *later date*. Me annou fer li byen

korek parey Lalwa i demande. Mersi.

MR SPEAKER

Onorab Henrie.

HON GERVAIS HENRIE

Mersi Mr Chair. Mwan mon annan zis en pwen klarifikasyon kekwfa ki serten Manm Lasanble i ava kapab ed mwan. Akoz mon pe sey mazine me mon pa, i pa vin dan mon lespri.

Sityasyon *Seychelles Infrastructure Agency* lannen pase, *Infrastructure Agency* ti dan Bidze 2022. Me son Lalwa nou pa ti aprouv li ziska apre, si mon memwar i servi mon byen - apre. So si nou ti kapab verifeye *verbatim* Lasanble nou pou vwar poudir nou'n deza dan en sityasyon *comme* tel.

E alor i fer ki i annan presedans. E mon rekonforte avek pozisyon i *LGB* in pran. Mersi Mr Speaker.

MR SPEAKER

Thank you. Mwan - anfen mwan mon pa war ki i en lobstak pou aprouv sa Bidze si sa Lalwa pa ankor ganny aprouve par Lasanble. Akoz mon krwar son Bidze i la, e Bidze prensip sa *agency* in ganny mete dan en Lalwa. In ganny mete.

E sa *Appropriation Bill* i en Lalwa li osi. E son prensip in ganny mete dan sa Lalwa. E Minister Finans in avans sa *Appropriation Bill* an konesans ki ti annan sa provizyon pou *Home Care Agency* ladan.

So, mon santi poudir i annan, i zistifye e mon krwar bann problem ki egziste lo ki manner i pou marse, lo ki manner i pou soz, i kapab ganny regle ler Lasanble i konsider *Home Care Agency Bill*. Mersi.

HON SEBASTIEN PILLAY

(Off-Mic)

MR SPEAKER

An relasyon avek sa? Wi.

HON SEBASTIEN PILLAY

Mersi Mr Speaker. Mon pe *raise en matter of privilege* akoz mon privez e privez Lasanble pe ganny afekte. Ou dir mwan i annan en Lalwa ki mon pa ankor war. I annan en Lalwa ki konsern *Home Care Agency* ki *relate* avek sa Lalwa, avek sa *appropriation* ki dir Mr Chairman anba son *appropriation*, i annan en *Home Care Services* ki annan *office expenses*, ki annan plizyer laliny depans, me osi ki annan anba son *governance and administration*, i annan *Board*

Fees, i annan konpozisyon sa lazans. Bann dimoun ki sipoze travay anba la.

Mon pa konnen lekel bann dimoun ki ti pe travay anba la. Mon pa konnen lekel bann *staff* ki pe sorti ki sorti ki pe vin anba la. Mon pa konnen si *staff Welfare* ki pou sorti ki pou al anba la.

E ou pe dir mwan Mr Speaker, mon pe enplor ou - koman en Manm Lasanble sa i en vyolasyon mon drwa koman en Manm Lasanble, pou mwan aprouv en keksoz ki mon pa pe war!

Be mon pa pe fer keksoz difisil la mwan. Mon pe donn ou en opsyon, en solisyon ki *clean*, ki prop. Ki permet nou ganny fer. Ki sa Lalwa i vin devan nou, nou debat li nou vot li. *And then* nou konplet nou travay lo *appropriation*.

I san presedans wi, me i kapab ganny fer akoz nou *Standing Orders* i permet nou fer li. So napa naryen mal oubyen kontansye avek sa. Be mon krwar sa ki, mon pa ti ava kontan Mr Speaker lo en Bidze koumsa. Kot nou annan probableman en konverzans lopinyon lo sa Bidze. Akoz nou tou nou an faver sa travay ki sa bann dimoun ki pou benefisyek sa Bidze i fer.

Sa ki ou pe propoze Mr Speaker mon enplor ou, pou anmenn plito dan plas en solisyon pou anmenn en divizyon. So pou enn fwa mon pe demann avek ou konsider pozisyon ki Lopozisyon pe met devan ou.

I en vyolasyon nou drwa koman Manm Lasanble pou nou fer en deba lo en Lalwa, en keksoz ki pe la. E i napa en Lalwa. E si ou fer sa Mr Speaker ou pou pe vyol mon privez koman en Manm Lasanble. E la mon pa konnen ki mannyer mon pou *deal* avek sa akoz se ou ki annan tou pouvwar.

So petet mon en enplor ou ankor enn fwa konsidere. *We can do what I am proposing, it is possible.* *Leader* Zafer Gouvernman ki *sponsor* sa *Bill* i kapab *move for a suspension of debate* lo sa Lalwa, akoz sa *Appropriation Bill* i en Lalwa. I kapab ganny *suspended* parey tou Lalwa.

Nou kapab konsider en lot Lalwa. Fini ek sa lot Lalwa *and then finally* probableman dernyen vot ki nou pou pran i ava vot lo *Home Care Agency and then that's it.*

E nou pou *meet* nou *schedule*. Nou pou *meet* nou *time frame* san ki nou annan problem. E tou bann Manm i

ava konnen poudir mon pe met 3milyon dan *governance* - 3 milyon dan *governance* pou ase pou sa Lalwa.

Mon pe met 4 milyon pou lofis, 4milyon pou lofis pou ase an relasyon ek sa Lalwa.

This is what I am proposing to you Mr Speaker. en solisyon. Mersi.

MR SPEAKER

Mersi. Be selman mon pa war ki sa afekte ou privez. Mwan mon pe regard sa koman en Lalwa ki nou pe pran. E nou pe swiv sa prosedir pou en Lalwa. Donk mon krwar poudir nou annord pou kontinyen prosede avek sa Lalwa.

Onorab Georges ou le, ki mon kapab apel sa en drwa repons oubyen?

HON BERNARD GEORGES

Wi mon demann ou laparol Mr Speaker akoz mon'n realize ki Onorab *Leader* Lopozisyon in met en palto *matter of privilege* lo en keksoz ki annefe pa en *matter of privilege*.

Sansan mon pa ti pou'n demann laparol akoz mon pa kapab reponn *matter of privilege* en Manm. Me in *raise* en bon pwen. E parey mon'n dir toultan, sa ki zot pe demande la i pa iresponsab.

Zot annan en largiman, en bon largiman. Me mon ti ava kontan dir ki nou, nou annan en meyer largiman. Akoz mon pa vwar ki mannyer nou pou kapab rezourd sa problem dan lafason ki Onorab *Leader* Lopoziyon pe demande.

Akoz sa *Bill* pou vin apre ki nou'n fini Bidze. Nou pa pou kapab aret Bidze pran en *Bill* apre retourn lo la. *That is not - i pa - i pa...*

Sa ki'n arive, sa ki Onorab, sa ki'n arive e mon repet sa, se ki nou'n fini apropiye 32 milyon. *It is done*, nou'n fini vote lo la. Sa ki *Leader* Lopoziyon i anvi e Onorab Cosgrow mon dakor. Zot anvi prezan konn striktir sa *Bill* pou zot regard son detay, the *makeup of* sa 32 milyon. sa mon konpran zot parfetman.

Be napa okenn problem akoz ler *Bill* pou'n vini si *Bill* pa pase, sa 321 milyon i tonbe i retourn kot *ASP*. Si *Bill* i pase e ki sa 321 milyon i bezwen ganny aziste akoz *Bill* pa pas dan lafason ki Gouvernman ti'n prevwar, nou ava *apply* en *supplementary* a moman apropiye.

So naryen - naryen Mr Speaker pa pou sanze. Mon pa war okenn rezon parey ou'n dir akoz nou pa kapab kontinyen avek sa deba ozordi.

Si *Leader* Lopoziyon i krwar ki nou pa devret, nou pa kapab a sa moman debat lo detay sa *makeup* san ki nou war sa *Bill* devan nou, *well so be it*, zot pa debat lo la. Zot rezerv zot pozisyon, zot vot kont. Napa okenn problem.

Ler Lalwa i vini zot ava ganny en lot sans parey ou'n dir pou regard li ankor. E si i annan merit dan sa ki zot pe dir i ava annan, zot ava *move*, zot ava, nou ava anmenn en *supplementary*. Oubyen nou ava fer en rediksyon tel parey nou fer li tou-le-z-an.

Donk mon pa vwar oubyen tanzantan. Mon pa vwar Mr Speaker akoz nou bezwen sispann travay a sa moman lo en *appropriation* ki'n fini ganny fer.

Nou'n fini ganny dir par *panel* ki *by the time* ki larzan pou ganny pran i pou annan en striktir an plas. E si i napa en striktir an plas, *well* larzan i ava retourn kot i sorti, kot *ASP*. E nou ava kontinyen *as before*. Mersi.

MR SPEAKER

Well mwan mon pou tenir mon pozisyon se ki nou'n aprouv sa Bidze pou sa antite an gro lo prensip, e prezan nou pe zis regarde ki mannyer i annan lentansyon ganny repartir.

Donk mon krwar poudir nou kapab prosede avek konsiderasyon sa laliny. Manm ki anvi entervenir lo sa Bidze silvouple lev lanmen.

Onorab William.

HON WAVEN WILLIAM

Mersi Mr Chairman, Mr Chairman mwan mon ti anvi zis komit mon lekòr ki mon pou vot an faver sa *appropriation* pou *Home Care Agency*.

E an menm tan felisit Gouvernman pou desizyon ki in pran ki anfen sa bann kad kategori dimoun, ava ganny bann *training* neserer e zot ava kapab avanse, progrese dan zot bann kad saler. E anfen kont nou bann dimoun ki pe depan lo sa servis i ava ganny bann servis profesyonnel.

Mersi mon pou donn mon sipor san lokasyon. Mersi.

MR SPEAKER

Onorab Mondon.

HON TERENCE MONDON

Mersi Mr Chairman. Mr Chairman mwan mon anvi konnen, mon vwar en provizyon 1milyon pou *training*. Avek sa *agency* ler i ganny etabli.

Petet si i kapab, Minis i kapab donn nou en pe detay vreman ki sa program *training* pou *entail*?

E dezyenmman mon vwar ki zot priyorite stratezik pou 2023- 2025 zot dir ki zot pou travay avek Labank Mondyal pou devlop servis swen kot lakour ki pli efikas.

E mon rekonnèt ki nou bezwen devlop en lapros pli efikas e soutenab pou bann swen bann dimoun aze.

E an vi osi ki nou annan en popilasyon ki pe ogmante. En popilasyon aze. Petet Minis i kapab donn nou en pti pe ki nou pe espekte lannen prosenn dan sa program travay avek Labank Mondyal - si ou le pou kapab met sa *policy*, sa kad travay *policy* an plas e pran kont tou bann *challenges* bann *practice* ki pou vin avek pou nou kapab donn en servis ki efikas e soutenab? Mersi Mr Chair.

MR SPEAKER

Mersi Onorab. Minis ou larepons.

MINISTER MARIE-CELINE ZIALOR

Mersi Mr Chair. Mersi Onorab pou ou kestyon. Mon pou reponn sa enn dezyenm kestyon partman, i annan en bout *World Bank* ki avek Minis Finans, e *PS* i ava reponn ou premye kestyon.

Nou'n deza fini komanse. I en program *World Bank* pou revwar lo kote *care* an zeneral dan pei. E sa i enn parmi sa bann *milestone* ki nou pou bezwen fer, pou kapab ganny lasistans avek *World Bank* pou kapab profesyonnalizm *home carer*.

I pa zis pou bann dimoun aze. I osi pou bann dimoun dezabilite e bann zanfan - larestan. Tou dimoun ki bezwen *home care* pou ede. E sa i bann *milestone*, e bann kondisyon atase avek ki Minis Finans i en partenarya 5, 6 diferan Minister, ki nou pe travay ansanm.

Nou'n komanse depi lannen pase i pe kontinyen sa lannen ankor pou nou kapab. I ale en program apepre 3, 4an avek *World Bank*.

Selman bann detay lo konsernan sa apre lo kote sa bann *training* aköz *PS Roucou* avek zot *sub-Komite* pe travay depi lannen pase en kantite. I ava kapab donn en pti pe detay lo la. Mersi Mr Chair.

MR SPEAKER

Thank you. PS pou azoute?

PS CLIVE ROUCOU

Mersi Mr Chair, Mersi Onorab pou kestyon. An-term *training* parey lazans nou pe met en

kantite lanfaz lo la, se pou *training*.

E nou pe travay an kolaborasyon avek lezot antite spesifikman Minister Lasante avek *NIHSS* ki pe devlop sa *curriculum* pou nou bann *home carers*, an-term *training* spesifik apre ki nou idantifye, avek sa zouti ki *WHO* in donn nou pou en *tool* ki nou pou kapab mezire an-term sans ki sa resipyan pou gannyen pou li ganny lasistans.

So, *the training* li menm pou ganny fer. Sa i pros avek *curriculum NIHSS* avek Minister Lasante. Mersi.

MR SPEAKER

Thank you. Onorab Bistoquet.

HON ROSIE BISTOQUET

Mersi Mr Speaker. Bonn apre midi Minis avek ou delegasyon. Minis mwan mon byen satisfete letan mon pe get zot *strategic direction* pou 2023-2025 ki a lafen defen i ava anmenn profesyonnalizm dan sa domenn.

Akoz sa i pou ed en kantite kot i konsern servis ki bann *home carers* pou donner. E mwan mon ti pe demande si i pou annan okenn *set standards* ki pou *monitor* sa bann *home cares* vi ki zot pou ganny la zot pe al dan en *training* formel.

Apré si zot ti pou annan en, eski zot pou annan nouvo *Scheme of Service* pou zot spesifikman ouswa i pou tonm anba lezo kad?

E, *ok* mon'n koz lo *monitoring, standards* avek ki larestan *tools* ki zot pe servi ouswa kalite *monitoring guidance* ki zot pe servi ki pou asire ki sa *home care* - sa resipyan i ganny sa bon servis, an menm tan sa *home carer* osi i kapab fer en travay ki pou ganny *aligned* avek sa servis ki i sipoze gannyen baze lo en serten kriter? Mersi.

MR SPEAKER

Mersi Onorab. *PS* pou adrese.

PS CLIVE ROUCOU

Mersi Mr Chair. Mersi Onorab pou kestyon. Wi Onorab nou pou annan bann standar apre sa *tools* ki nou pou devlope. E lazans li menm li i pou sa *monitoring body* ki pou asire ki standar i ganny *maintained* dan tou son kalite *care* ki bann *home carers* pou donn bann resipyan.

Me nou pou napa en *scheme* spesifik, non. Mersi.

MR SPEAKER

Minis wi ou le azoute.

MINISTER MARIE-CELINE ZIALOR

Mersi Mr Chair. Zis pou Onorab mon pe get son *body language* i ape petet demann kestyon aköz. Aköz kot *PSB* e mon mazine letan zot Bidze i vini zot kapab eksplik en pti pe pli byen.

Lo reform ki *PSB* pe fer zot pe gradyelman *phase-out* sa bann zafer *Scheme of Service* avek nouvo fason saler ki Minis Finans i eksplik en pti git kot pou vini lannen prosenn.

E kot i pou plito regard kot sa louveraz - lentansite louveraz e met li lo en *grid* dan plas annan *Scheme of Service*.

Aküz parfwa i annan tro bokou *anomaly* avek *unfairness* dan bann diferan *scheme* ki annan. Mersi Mr Chair.

MR SPEAKER

Wi Onorab ou kapab swiv.

HON ROSIE BISTOQUET

Mwan mon pe mazine, vi ki sa *training* pou ganny fer par *the Health Sector* apre petet i ava annan sa bout.

MR SPEAKER

Köz, avans ek ou *micro* aköz mon pa tro tande.

HON ROSIE BISTOQUET

Vi ki sa *training* parey PS pe dir nou poudir nou pou ganny *institutionalized by NIHSS*. Mwan mon pe regarde konmsi ler pou annan sa *monitoring*, ki manner, lekel ki pou *monitor* eski *Health Sector* avek Sosyal ouswa Sosyal li menm ouswa tou lede ansanm? Sa ki mon pe rode pou anmenn sa bon servis an traver pou bann resipyan. Mersi.

MR SPEAKER

Mersi, PS ou adrese.?

PS CLIVE ROUCOU

Mersi Onorab mon konpran laliny kot ou pe vini. Me selman lazans li menm li *as sa body* ki pou pe *monitor* sa servis, nou pou annan nou bann zofisyè ki pou fer sa. Mersi.

MR SPEAKER

Thank you. Bon wi Onorab Labonte.

HON ANDY LABONTE

Mersi Mr Chair. Zis en pti klarifikasyon petet pou bann dimoun ki pe travay dan sa sekter ki pe donn sa servis ki vremen esansyel parey tou lo kote LDS in dir. Nou pou donn *full* nou sipor.

Petet *Minister* oubyen par atraver Minis reprezantan

Minis Finans zis pou eksplike, akoz mon'n war kot '*other use of goods and services*' kot '*other service allowance*' ki i pa'n ganny mete koman saler me solman i annan en konponan pli gro konponan pou sa Bidze R111 milyon 636 mil.

Petet si ou kapab eksplike si sanmenm sa ki pe *cater* pou saler sa bann *home cares*.

MR SPEAKER

Minis. Ms Tamatave ki pou adrese wi.

COMPTROLLER GENERAL ASTRIDE TAMATAVE

Mersi Mr Chair. Onorab sa *amount* i 311milyon - 311,636 e sa i sa vot wi kot saler bann *home carers* pou ganny peye. Mersi.

MR SPEAKER

Mersi. Okenn lot. Onorab Pillay.

HON SEBASTIEN PILLAY

Mersi Mr Chairman. Mr Chairman mon pa ou al dan okenn detay lo sa Lalwa, akoz mon lo sa *breakdown* akoz mon pa konnen ki manner sa Lalwa pou vini.

Mon le zis dir avek sa 4mil ekek dimoun ki fer sa louvraz *home care* ki pe al resevwar sa Bidze 311mil,136 ki parey

mon'n eksplike, nou pa'n le pouse pou annan okenn lezot solisyon apard ki *delay* sa pou nou pran li pli tar akoz nou ti konnen poudir mannyer Bidze Gouvernman i marse pou retir en *head* dan Lalwa *then* nou pe retir sa bann larzan kot i ete.

Sa i montre sa gran sipor ki nou mentenir pou zot. E lefe ki nou pa konnen ki sa lazans pou vin avek an se ki konsern bann keksoz ki konsern performans. Ki konsern mannyer pou regulariz zot travay. Mannyer pou set zot travay. Si pou annan bann Kontra ki zot pou sinyen, si i annan bann lanrezistremans ki zot pou bezwen fer.

Tousala nou pa konnen akoz se sa Lalwa ki pou prevwar. Mon war prezan laba pe lev lanmen pou sey vin *encounter* sa ki mon pe dir.

E mon vreman dezapwente avek ou Mr Speaker ozordi. E mon santi mon pou mentenir lo rikord ki ou'n vyol nou privez koman Manm Lasanble!

E mon le met devan bann *carers* ki nou pou fer sir ki ler sa Lalwa i vini, nou pou pran dan deba e nou pou eksplor sa Lalwa pou asire ki *whatever* ki pe ganny propoze i dan benefis pa zis bann *home carers*, me i osi dan benefis bann dimoun ki

resevwar sa servis avek bann *home carer*.

Mersi Mr Speaker. Sa i pozisyon ki nou pe pran lo kote *United Seychelles*.

MR SPEAKER

Mersi. Onorab Arissol.

HON SANDY ARISSOL

Mersi Mr Chair. Mon pa pe lev mon lanmen pou kontredir okenn sa ki person in dir. Mon annan mon lopinyon koman en Manm Lasanble mon ti ava kontan partaz mon lopinyon apre ki mon'n ekout plizyer lopinyon.

Mr Speaker mon ti ava kontab dir si Gouvernman pe investir 321 milyon avek en group dimoun dan lasosyete, ki nou tou nou kontan. Ki nou'n fatigue koz lo la dan Lasanble Nasyonal, eksprim zot bann konsern rode ki mannyer zot kapab ed zot, rode ki mannyer nou kapab soulaz zot, rod *training* pou zot, rod *diferan package* pou zot.

E ozordi mon Gouvernman in anmenn sa. Menm parey in ganny dir Lalwa pa ankor pase avek kantite travay ki nou'n annan koman Manm Lasanble.

E la nou'n ganny dir poudir apre Bidze nou annan environ 12 *Bill* pou nou repas lo

la ankor ziska le 25, le 26 Desanm pou nou kontinyen travay.

E *Bill* pou *Health Care Agency* i form parti sa *Bill*. E nou lo nou kote latab nou pou napa problem pou donn nou Gouvernman sa lasirans e sa sipor.

Parske premyerman nou annan konfyans dan nou Prezidan, nou annan konfyans dan nou Minis ek tou bann zofisyè. Poudir parey in dir si *Bill* pase, pa pase larzan ava ganny apropiye kot i devret ale. Me la pou lemoman sa in ganny mete pou bann *carers* bann dimoun ki nou koz lontan lo la.

Nou, nou pou don zot *full* sipor. Parey in ganny eksprimen lot kote pou ki sa larzan i ava vote, i ava la avek kantite travay ki reste pou nou fer nou ava asire ki zot, sa *Bill* i pase an tout mazorite avek tou bann lamannman, tou bann propozisyon.

Pou ki sa group dimoun nou pe koz lo la bann *carer* zot osi Desanm ek lannen prosen zot ava ganny ankadre parey tou lezot travayer.

Parey nou menm nou nou'n diskite. Sa i mon lopinyon Mr Speaker. E mwan mon pou donn *full* sipor. Mersi bokou.

MR SPEAKER

Thank you. Onorab Henrie ou ti'n lev lanmen?

HON GERVAIS HENRIE

Wi mersi Mr Chair. Mon oule mon osi aport mon sipor lo sa alokasyon pou kreasyon sa *Home Care Agency*. Mr Chair i annan 5an deza depi ki mon dan Lasanble Nasyonal e mon rapel an Septanm 2017 Ladministrasyon avan ti promet kreasyon sa *agency*.

E zot ti menm osi al osi lwen pou dir ki 1an di si setadir an 2018, *Lalwa ti pou vin* devan Lasanble. I fer deza 5an alor ki i annan sa plis ki 3 mil 500 dimoun aze ki pe resevwar sa swen. E menm kantite dimoun ki pe donn zot sa swen i dan en nespes *limbo* akoz i napa en kad formel pou swen avek travay ki sa bann dimoun pe donneren.

So sa Bidze ki la i en program pou formaliz sa sekte. Asire ki sa bann *carers* prezan zot annan en lanplwa formel. Zot kapab ganny en *loan* labank dezormen parey nenport ki travayer.

Alor mwan pou bann dimoun Mont Buxton ki dan sa travay. Mon plis ki fyer pou lev mon lanmen pou sipor e asire ki zot ganny sa 321 milyon ki tou travayer Seselwa ki pe

kontribye konsyansyezman pou ed zot avek. Mersi Mr Chair.

(APPLAUSE)

MR SPEAKER

Mersi. Onorab Roucou.

HON MICHEL ROUCOU

Mersi Mr Chair. Bon apre midi ankor Minis, *PS*. Minis mon annan zis en keston. Nou konnen poudir la i 5er bokou petet bann *carer* zot la pe ekout nou.

An vi ki i annan sa Bidze la, nou konnen poudir byento sa Lalwa pou arive, pou vin devan Lasanble. Ki benefis sa pou annan pou bann dimoun ki pe ganny sa servis avek bann *carer*?

E menm pou bann *carer* osi tou ki deza dan sa lanplwa, anv i oparavan zis pou vi zot ti la anba ansyen Gouvernman zot ti pe zis ganny en saler. Mersi.

MR SPEAKER

Mersi. *PS* pou pran laparol?

PS CLIVE ROUCOU

Mersi Mr Chair. Onorab mersi pou ou keston. Ler nou'n travay lo sa Lalwa e tou sa bann keksoz ki nou pe met an plas. Nou pe asire ki nou bann

resipyan pou resevwar en *care* lo en pli o standar.

Nou pe espekte ki nou bann *home carers* ki pe administre sa i *knowledgeable* dan sa ki zot pe fer. An-term *from* atrap sa resipyan, son latizann e tou sa ki neser pou en zournen travay pou sa resipyan.

E pou sa *home carer* li menm.

Nou garanti ki i dan en kad ki garanti son lanplwa, son servis epi tou sa ki vin o bor li as en *home carer*. Mersi.

MR SPEAKER

Mersi. Mon napa ankor enterven. Nou ava vot lo sa laliny Bidze. Manm ki an faver lev lanmen silvouple?

Mersi. Manm ki kont?

Vot lo Bidze pou *Home Care Agency* pou en total R394 milyon 890 mil, 20 Manm in vot pour, 0 kont, e 8 in *abstain*. Donk sa Bidze in aprouve par Lasanble.

NATIONAL COUNCIL FOR CHILDREN

MR SPEAKER

Bon, wi mersi Madanm Clerk pou fer mwan rapel nou annan en vot lo en antite ki nou'n dakor pou pa deba lo la e sa se pou *National Council for*

Children ki lo paz 237 ziskan 241 pou en total R14milyon 735mil.

MR SPEAKER

Manm ki an faver pou sa Bidze lev lanmen silvouple. Mersi mon krwar tou Manm in lev lanmen. Napa personn kont. *Thank you.*

Vot lo Bidze pou *National Council for Children*, pou en total R14 milyon 735mil, 28 Manm in vot pour, 0 kont e 0 *abstain*. Donk sa Bidze osi in aprouve par Lasanble.

Bon nou'n ariv a lafen sa ki nou bezwen konsidere ozordi. Mon ava remersi Minis ek son delegasyon pou zot partisipasyon. E bann Manm osi pou zot travay. Nou ava prezan repas dan Lasanble pou nou kapab *adjourn*.

Nou ava *adjourn* ziska demen bomaten 9er.

(ADJOURMENT)